

سورنگ

کھوڑا روپرا نو بشاؤ نو



تحقیق و تدوین: گل نواز خاکی

ناشر: انجمن ترقی کھوڑا رچترال

آغا خان کلچرل سروس پاکستان (تعاون)

سورینک

کھووارو پرا نو بشاؤ نو



تحقیق و تدوین: گل نواز خاکی

انجمن ترقی کھووار چترال

ناشر:

درستی حقوق محفوظ

| | |
|---|------------------------|
| سورجک | کتابونام |
| گل نواز خاکی | تحقیق، ترتیب و تدوین:- |
| انجمن ترقی کھوؤار جھیرار | ناشر:- |
| ۲۰۱۰ء | سال اشاعت: |
| فردوس خان فدا | کمپوزنگ: |
| چترال پرنٹنگ پریس زرگراندہ روڈ چترال | مطبع: |
| ۵۰۰ | تعداد: |
| ۱۵۰ روپے | قیمت: |
| مرکزی دفتر انجمن ترقی کھوؤار جھیرار، ہسپتال روڈ چترال | لیکچرہ: 1- |
| شا کر بک سنٹر اسٹیشنرز غوڈوم بازار ایر پورٹ روڈ چترال | 2- |
| کا کا خیل نیوز ایجنسی شاہی قلعہ روڈ چترال | 3- |
| افضل نیوز ایجنسی کڑوپ ریٹ بازار ایر پورٹ روڈ چترال | 4- |
| فیض کتاب گھر چترال | 5- |
| احسان کتاب محل بونی چترال | 6- |

فہرست مضامین

| نمبر شمار | فہرست | صفحہ |
|-----------|-------------------------------------|------|
| ۱ | پیش لفظ | ۱ |
| ۲ | تان موڑی نو | ۲ |
| ۳ | شوگو چے مشقوی | ۳ |
| ۴ | جان بڈلف چے "H,C Thomson" کتاباری | ۱۲ |
| ۵ | لوٹ اوویر و شو تو بشاؤ نو | ۱۳ |
| ۶ | بروز و مشرف خان مشرفو بشاؤ نو | ۱۵ |
| ۷ | مہمند ارہ بیر و تاریخی غاڑ | ۲۷ |
| ۸ | سنگور و اعتبار شاہ قلمدار و بشاؤ نو | ۳۰ |
| ۹ | بروز و نعمت خانو بشاؤ نو | ۳۳ |
| ۱۰ | تھمپتر ارہ خدارتو بشاؤ نو | ۳۲ |
| ۱۱ | ژو غور و عملدار خانو بشاؤ نو | ۶۱ |
| ۱۲ | راجہ عبدالقادر و بشاؤ نو | ۶۲ |
| ۱۳ | پرا بیکونادر ملکو بشاؤ نو | ۶۳ |
| ۱۴ | پلمھو کو گل مانو بشاؤ نو | ۷۱ |
| ۱۵ | خوشو بھتان "موریو" بشاؤ نو | ۷۶ |
| ۱۶ | اور غو چو نازینینو صفت | ۷۸ |
| ۱۷ | ژو غور و فردوسیو بشاؤ نو | ۷۹ |

| | | |
|-----|---|----|
| ۸۵ | لوٹ اوویر ونگامن شوبشاؤنو | ۱۸ |
| ۸۶ | ”بروک“ ژا سپروغزل خانو بشاؤنو | ۱۹ |
| ۸۹ | ژوغور وحبیب گلوبشاؤنو | ۲۰ |
| ۹۶ | ژوغور و عبدالصاحب خانو بشاؤنو | ۲۱ |
| ۹۷ | اوویر کو میر کھنو بشاؤنو | ۲۲ |
| ۹۹ | پڑا بیکو یدغہ جو نظم | ۲۳ |
| ۱۰۱ | یا سناری نادرین اسکوتہ اسکہ نائب صوبیدار و بشاؤنو | ۲۴ |
| ۱۰۲ | بروز و سلطان جانو بشاؤنو | ۲۵ |
| ۱۰۳ | بروز و عبدالحسینو بشاؤنو | ۲۶ |
| ۱۰۹ | بروز و گل سمبر خانو بشاؤنو | ۲۷ |
| ۱۱۰ | بوہتول گولو حاصل خانو بشاؤنو | ۲۸ |
| ۱۱۲ | دروسو پر دوس خان لالو بشاؤنو | ۲۹ |
| ۱۱۵ | دروسو قلمدار خانو بشاؤنو | ۳۰ |
| ۱۱۶ | او یونار چھتر ارتو نسیر و بو پرانو بشاؤنو | ۳۱ |
| ۱۱۸ | سوئیر و ملنگ بشاؤنو | ۳۲ |
| ۱۱۹ | بکیمو سعادت پناہو بشاؤنو | ۳۳ |
| ۱۲۱ | کیسو باچہ خان ہما او بشاؤنو | ۳۴ |
| ۱۲۳ | چھترار و مفتاح الدین تحصیلدار و بشاؤنو | ۳۵ |
| ۱۲۶ | شیکو ہوا کبر خانو یادا بشاؤنو | ۳۶ |

| | | |
|-----|---|----|
| ۱۲۷ | اولیو حمید و بشاؤنو | ۳۷ |
| ۱۲۹ | کوژو و قپ سفید خان وزیر تجارت و بشاؤنو | ۳۸ |
| ۱۳۱ | دروسو سید احمد خان و بشاؤنو | ۳۹ |
| ۱۳۳ | دروسو سید اما نو بشاؤنو | ۴۰ |
| ۱۳۵ | گرو میٹرو میر احمد خان و بشاؤنو | ۴۱ |
| ۱۳۶ | صوبیدار محبوب عالم خان و بشاؤنو | ۴۲ |
| ۱۳۷ | کیسوما یون بشاؤنو | ۴۳ |
| ۱۳۹ | دروسو بو باؤ بشاؤنو | ۴۴ |
| ۱۴۰ | مغلانند یہہ چھترار و گلاب خان حوالدار میجر و بشاؤنو | ۴۵ |
| ۱۴۲ | اولیو با چھا خان و بشاؤنو | ۴۶ |
| ۱۴۳ | کیسوشیرینو بشاؤنو | ۴۷ |
| ۱۴۷ | ”کرامہ آئور پرائو“ بشاؤنو | ۴۸ |
| ۱۴۸ | بروز و کرونے پکوغ بشاؤنو | ۴۹ |
| ۱۵۰ | اولیو نور حمت نیاز آسقالو بشاؤنو | ۵۰ |
| ۱۵۱ | یور جو غومیر حسینو بشاؤنو | ۵۱ |
| ۱۵۲ | بروز و عبدالنگلی پہلوانو بشاؤنو | ۵۲ |
| ۱۵۳ | دروسو سیاؤ و لو بشاؤنو | ۵۳ |
| ۱۵۶ | چھترار و رستم چولالو بشاؤنو | ۵۴ |
| ۱۶۲ | چھترار و میر گل امرو بشاؤنو | ۵۵ |

| | | |
|-----|--|----|
| ۱۷۱ | غلام نبی عرف مہک برار و بشاؤنو | ۵۶ |
| ۱۷۶ | بروز و رحمت الہیو بشاؤنو | ۵۷ |
| ۱۷۹ | سوکھاماسٹر و بشاؤنو | ۵۸ |
| ۱۸۱ | تورکھو و بوڈی دیک | ۵۹ |
| ۱۸۳ | پرکوسپو و دولت خانو بشاؤنو | ۶۰ |
| ۱۸۳ | بونور حمت تکبیر و بشاؤنو | ۶۱ |
| ۱۸۵ | گرام لشتو فداعلی خان عرف بابلی حاکیمو بشاؤنو | ۶۲ |
| ۱۸۶ | ژوغور و سلی خانو بشاؤنو | ۶۳ |
| ۱۸۷ | بروز و عزت ولی خانو یادا "یورمس خانو" بشاؤنو | ۶۴ |
| ۱۸۸ | دروسونازک بدنو یادا مسلم بی بیو بشاؤنو | ۶۵ |
| ۱۸۹ | بروز و رحمت شیر جهان (عرف کمانڈرو) بشاؤنو | ۶۶ |
| ۱۹۱ | خیر آباد و سکندر شوچے خانو موڑو بشاؤنو | ۶۷ |
| ۱۹۲ | اشور جان محمد صفو | ۶۸ |
| ۱۹۳ | غزل خانو اشور جان | ۶۹ |
| ۱۹۶ | عبدالستار خان عرف میتار و اشور جان | ۷۰ |
| ۱۹۸ | کور انغوماسٹر و ریو اشور جان | ۷۱ |

پیش لفظ

ایک سال سے کم عرصے کے دوران کھوار لوک گیتوں کا دوسری جلد کتابی صورت میں منظر عام پر آنا اور اس کتاب کے حوالے سے چند جملے تحریر کرنا میرے لئے اعزاز کی بات ہے۔ کھوار لوک گیتوں کی پہلی کتاب تھورون 2010 میں انجمن ترقی کھوار چترال نے آغا خان کلچرل سروس کی مالی اعانت سے شائع کیا تھا۔ لوک گیتوں کی یہ دوسری جلد سورتک بھی اسی ادارے کی مالی اعانت سے کتابی صورت میں منصہ شہود پر آئی ہے۔ پہلی جلد کو کھوار کے قارئین نے جو پزیرائی بخشی اور اسے جس طرح ہاتھوں ہاتھ لیا اسکی نظیر انجمن کی مطبوعاتی تاریخ میں نہیں ملتی۔ تین مہینے سے کم عرصے میں کتاب کی پانچ سو کا پیاں فروخت ہو گئیں۔ اور پہلی بار انجمن کے زیر اہتمام چھپنے والی کسی کتاب کو یہ پزیرائی نصیب ہوئی ہے۔ پہلی جلد کے مصنف اور چترال کے بزرگ شاعر، ادیب گل نواز خاکی نے انتہائی مختصر عرصے میں دوسری جلد کا مسودہ تیار کر کے اپنے جوان ہمت اور جوان دل ہونے کا ثبوت دیا ہے جس کیلئے وہ توصیف و تحسین کے مستحق ہے۔ چترال کے قدیم لوک گیتوں کو یکجا کر کے گل نواز خاکی نے ثقافتی یلغار کے اس دور میں ایک اہم قومی ذمہ داری کو احسن طریقے سے نبھایا ہے۔ امید ہے کہ چترال کے لوک گیتوں کی اس خوبصورت کتاب کی اشاعت کے بعد کھوار زبان و ثقافت سے دلچسپی رکھنے والے افراد کو اطمینان حاصل ہوگا۔ کتاب کی اشاعت کیلئے مالی اعانت پر میں انجمن ترقی کھوار کی طرف سے آغا خان کلچرل سروس کا شکر گزار ہوں۔

محمد یوسف شہزاد

صدر انجمن ترقی کھوار چترال

تان موژی لو

اللہ پاکو لاکھ بار شکر کہ ”کھوڈارو قدیم شاعران پرانو کڑومان“ سورنکا“ شامل کوری کھوڈارو خوش دور کان خدمتہ پیش کوریکو بچے اسپت تھمد رستی، صحت و عمر نصیب آریر۔ تھورونو چا، سورنکو بچین دی بوٹا غین بی معلومات شیر وان ساری ای غیر ی نو بچو مکہ جو بارہ تر وئے مکالہ خبار گناؤ علاقہ علاقہ قاری پورہ تصدیقار اچی، تن تسلیا سورنکو عزت مان قاریمان پر وھہ انلیکو قابلہ بوسیان۔ حاجتی مسودات ہرونی امبوہ جمع کورونو ہونی۔ کہ عمر وفا کوری زندگی نصیب بیرو برائے، تمہ انشا اللہ تعالیٰ پرانو بٹاؤ تان تر ویو کتاب ”پیر شو“ پسہ ویریشی عئے پسہ خدمتہ پیش کوریکا کو تہی نو کوسی، ملال نو بوسی، صرفی پسہ دُعان ضرورت شیر۔ تان دُعا اسہ مور و خور۔ ہیہ لوسکی کہ انسانی کھوششا کی خمی ضرور ہونی۔ اللہ پاکو لوٹ زانا ر غیر خور کیہ اشاری پورہ و مکمل نو۔ کوریکو ہش کیاغ پھیر و برائے یا غنچی ہائے، اسپت نو نیوشی، اچو پچھی موژی مود یور۔ امید شیر کہ ہے سلسلہ اسہ کلاکپ نو دیتی، ہر دیار اسہ تہہ دیتی اسہ شرسٹو کوری، اسپت حوصلہ دیتی اسہ ہمتوز یا تھینی۔ اسہ بوامبوخ مہربان ”سورنکو“ بچین بو یا کم کیہ قسمہ دی کی تعاؤن کوراؤ اسونی۔ دروسار گنی پرابیکہ، غیدور، یاسینہ پت جو غوزار پروشی گیتی لو ان دیاؤ اسونی۔ نامان کیدکار غیر ہتے تمام مہربان ہر دیار ہزار زنجی شکر یو کوروسیان۔ و گیاک وختو بچے دی تان عزتو لائق مہربان ساز یاتریات تعاؤن بچین شیخ غیر نیک پچورتن۔ یقین شیر کہ اکیندہ دی تسمار مینا دار پوت موقہ دوی

اخیرا اوہ پسہ گنی آغہ خان کلچر سروس پاکستانو سُم جُستہ جُستہ انجمن ترقی کھوار چھترارو ہر دیو کڑومیا شکر یو کومان کہ سورنکو پر وھہ انلیکو بچین ہر قسمہ تعاؤن آرینی۔
پسہ حقہ چھوتی پھیر و برار

گل نواز خاکی شاہ میر اندیہہ سینگور چھترار

شوگ اوچے مشقولی

شوگ شوغورار، مشقولی موعار، کھاڑ سبق نور پرو، نیو شیک ہیٹانے نوگوئی، کھاڑ امان
 الملک بیتار و موڑ دورو۔ مشقولیوسوم شیخ نایبہ سادہ وختو سادہ شاعران خالس کھوؤ ارار غیر خور کیہ
 وارار وادی نوکنیدیان شوغور اوچے موع لوٹ کوہ تحصیلو جو تاریخی دیہہ، لوٹ کوہوت بوغاوانست
 شوغور گوئے، تے آچے موع، شوغور و شوگ پوڑان ایشکھیاک و مشقولی پرچمان صفتو آسمانہ کھوٹ
 کوریکا جسمت نو باک، تان موقفہ کھاڑ ڈانگ، کھاڑ تان تان دیہاری ایگوکڑ و مان جواب دونیان
 ، ایغونہ کیتی بیتان موڑی شعری ادبہ مقابلہ بوکم باؤ شیر، مکم و دی خیالواظہارا کھاڑ بے ڈرمان،
 کھاڑ تیز، یارخونو استچو رستمو چے تور کھوؤ و اشچو دستی خانو کڑ و مان کچہ کی آشور جانو ہانگار و نو بویان
 ہے قسمہ تن شوگو چے مشقولیو ہی کڑ و مان دی ہے زائیلہ تن زیلہ بامہ رونو بوئے۔ دام دوریکو
 بوزیات ضرورت۔ مشقولی آشور جانو اندازہ شوگو تے ہموٹ رے چٹھیر و۔

ای پوڑ وار بد عادت ای پوڑ وار بے مراد سورا خور و ان
 دوی ژانہ مگر بوی۔ جہنمو موڑ و چوڑان آخر بوی
 چوڑان جام جو ساکو و کیہ عقل بوی

ریکو شوگ تنو تے چٹھیر و کی

پرچام کھانجہ نقشہ پوڑ بڑے ہینی
 پرچام دستی کوری اعتبار و سورا کوی ترے ہینی
 عارفانان عمرو پوڑ پتھرے ہینی

مشقوی ران کی

تو وے بو سو پکو خرو سوروشی تھے آف دیم
 واشوغورو موژی تہ کی لیم تہ کی لیم!
 چوڑان ہوتی پولی سو پوڑو کوری تہ پالیم

شوگک جوابہ ران کی

اے گدیری مہ برار نہ تہ غنچ پاشینی نہ دی تہ خیر کسیر نہ تو دیکو بوس
 تھے شوغورو موژی شوٹوان دیتی تو مہ لیکو بوس
 شوغوروے انکار وڈانہ نہ جو شوڑو کورالیں نہ پالیکو بوس

وختامائی وختہ شوغورو زپیتہ مراح پوچی مشقوی شوگوتے مینو گیرؤ۔ تے زمانا کو موران دی
 سف اہل ذوق یو و شوغورا کو موران سف پوڑوار۔ اھی موغا کو موران سف تقا تو سورا پر چمدار
 تھے شوگک پوڑواران گنی تان مینو و، مشقویوز بردست احترام کوری مشقوی دی بو خوشان گازاشی
 اسونی۔ چوڑوار مراح حوپی انگیتی مشقویو چھانگالہ درینیان۔ مشقوی کھاڑ پھین تا مینا۔ اقبلاش
 مشقوی راہی بویان، شوگک چوڑواران گنی مشقویوز خست کویان۔ پھار راہی بکو تغوتے ریران کی۔

اے ویداٹو کانومی روئی مراح خاپینی تو مھنسیس تو مھنسیس
 ویتھوک موٹلو دیتی تو کایس تو کایس
 پوڑان ژان پولویر حوپی قفہ دریکو پوڑان موختو غیر چھوم ہایس

کندوری زمانا شونگ وے جواری بیو بیرو۔ موعا تان دستو مشتو لیونسوتے راہی کارڈو

(جام وخت - جام روئے - ایوال ایوالو قدر، عزت احترام، شونگ موعا تور یرو۔ مشتولی

پر حمد اران گنی شونگوا استقبالو کارڈو۔ بس بیرو۔ مشتولی بشار کوریکو لو دیرو کی برار! وے جواری بیو

ھوتام۔ ریکو مشتولی تمام پر حمد ارانان ^{مشکھی} راردو کی ایگان پتھا خہ جواری انگیور ریکو۔ سف

ایگان پتھا خہ جواری انگیکو جو رڈو کیہ۔ تھے چھوچی شونگور خصت کونیاں ای بورڈو کیولا کھی اچہ اوس

رے، تھے ای بورڈو کیوئے شونگ پھار راہی بکو مشتولی اچہ کوری تنغوتے ھوی دو یان۔

چوڑان یہ بے ایمانی چوڑان یہ گن گھی گش امباران ڈھنے تہ ڈڑیر

پرچم روش غیرتی مہ سار اوشوریزی تہ بریر ریمانے

ریکو شونگ قہری بتی بورڈو کیونیزی پھایر اچھی ران کی

اے ویدا حوکانو وقفہ ژو و سورا کیہ غوغا و کیہ غوغا و

ڈاق تہ نوڑانیا پٹھہ فتح تہ خوراک بوتہ راو

ای شیتی شانگاشی کڑنہ منجی ویتھوک مُستافرو بوی

مشتولی:

پرچم اسلامو ٹھون چوڑ کافرو بوی

اے گدیری کانو تو دورڈوری کوسی نغلی کو چوڑیان

شونگ:

تہ لوٹ گوخہ بوی برار تہ لوٹ گوخہ بوی

مہ ٹھون قہر گیا واتہ ٹینجے کی پھریتام تہ لوق زوخہ بوی

پرچام نست بتی بیر چوڑتے اچتو ٹھلور شہ دار باک

مشتولی:

پرچام شوم کی بیرائی میتان کو مشکھیدیان متار باک

شوگ: پرچمدارنا موسم مه عنت ، اوه پوڑان غلام یقینت

بیوفہ پرچمدار، کھر زہیر پرچمدار، ای گمبوری تارے کوئے منت

مشقوی: لگ منت کی آری، ہزار خیر شیر

جہنموڑہ پوڑان آخیر شیر

پوڑنئے جم رکوڈ کیہ عقل شیر

شوگ: پوڑ وارڈوری اسورخانہ دار، پرچمدار و ہوستہ ای اوتار

توغو تن ڈیو یہ ، توغوخان ڈیو یہ توغوخر

مشقوی: پوڑان ایشکھاوے منجھی امبوخ دونی تہ لوٹ گوخہ بوئے

پرچمداران ٹاکیئے ہش تہ دوم کی تہ زپ زوخہ بوئے

پرچم نوغ نعمت جوانان کھہ ای گمبوری شیر

پوڑ چھویر شاڑ موپو موئیو خورک گلان دوری شیر

پرچم نوغ باستی پوڑ سرقٹ ، چوڑ سرقٹ

شوگ ژوڈ ژیر یوغونہ زردحتو نو توری ریران ٹٹ

ہمی لو ان مودیت اسپہ کفر اد ریمان اے نہ بت

شوگ: ٹو ہروش بے وفا پوڑان دوری پس

پرچم پوڑ کی ہونی گورو کوری پس

پرچم کھانجہ نقشہ پوڑ بری شینی

عارفان عمرو پوڑ صحیح شینی

مشقوی:
 زین کورورمه خروا نگیور خانو خرو، انگیورمه تھیا تو
 خرو سورونیشی تے دیم، سہ پرچمان اقبال
 ہیستان پرورش کوری، نیو وکوحونسی ڈق تے لیم،
 تے مارکیہ حاجت، نیو وکوحو پونگا، ہو شوژان ہوستہ کوری، پوژان موژی
 دیتی تے پلیم

شوگ:
 اے مہ میک پاروژاؤ اے مو ان مشنگی کیہ ریمان
 ہی لو ان دیاوہ کی مہ رویتو دیوتہ دیان
 نہ دی تے خرگسیر، نہ دی تے غنچ پشیر نہ تو دیکو بوس
 نہ انکار کورہ شیر نہ پلکیو بوس نہ پلکیو بوس
 کیہ خیال مہ سارکوس جو، سو تھو آسمانہ ڈق تے لیم
 شوغورے انکارو ژانغہ شوژان ہوستہ کوری
 سو کو ٹوؤ کوری تے پالیم تے پالیم
 اے شوغورومہ برار، تے ای بزدی بیدو، تے ای گاؤدی بیدو

مشقوی:
 دی ژپئے مہ براردی ژپئے دی ژپئے
 مٹھکھی انگیر و سور چارو پوژوار کپا لتو دیکومہ برار تو لپئے
 اے گدری مہ براری ژوغیدیان سورہ کیہ غوغاؤ
 بوتہ تے خوراک چٹہ راؤ

مشقوی:
 شوگ شوغورو چھار بوادہ موغیکو خان

مہ سُم کیہ برابر گفتگوا کوس
 سوت سالوت چھیاک ای دُو ہوا بوس
 اے گدیری مہ براری روئے مرخ ژ بیونی تو تمہیسی
 خوپی قفہ دیکو پوژان موختو لوژی چھم ہسیس
 پرچم برونی ملکھون پوژ عالم، لوق پرچم پوژانتے کیہ غلیم
 یہ قہر گیا وہ چوژان شُم نامیکو، خنموا ای ناموگوژ روئے ماریم

شوگ:

نست کی بڑک بیردو آچہ گاؤ

مشقوی:

تہ بختو پالیران جلت واؤ

پوژان بانگت دیتی ہتے موژو نیشی کومان ژانگ
 پرچمدار بو امبوخ ہیت بوگھر ز ہیر کوری مہ مارینی کومان شانگ
 لاکے مہ مارانی کھوژان بخو پچھور پوژان نانگ
 پرچمان شُم نامے اسپہ کفرادر یسان ائے نابت
 شوگ ژوؤ ژیر یوغونہ دروختو نو توری ریران شت

شوگ:

مشقوی:

پرچم برونی ملکھون موشتو موژو تودیکو بلوئی شینی
 رویان کنیور مہ نہ شُم لو مہ سُم نیکی گلانی شینی
 سہ پرچمان سوری مہ طرف مہ طرف
 سہ پرچم جدتہ مشرف، مشرف

شوگ:

مشقوی:

شوم پوڑ جہنما، جم عرف جم عرف
 آب و پنج کی بیرائے سوری گاندلاکھے
 جو اتانن موڑی تانتے نام لاکھے
 پوڑ وار ہٹس وفاداریہ بوسونو وختہ کش خمخان ڈانٹی تہ داڑیر
 پر جم ہٹس بے وفہ موغنی امبارار عشر نیزی تہ باریریر
 علاقائی حکمران مرید سنگیر ونسہ بوغاوا، دو چھارہ گیر واسپچیلی واؤ گنی مشقولیوت ران کی:-

پر جم پوڑان سار جم بیک بو نوڑان واؤ:-

موس سورا وار گویان کا نوڑان

بیکنگ پوڑان سُم ٹوق گور وڑیو گنی گیر ییاک مشقولی:

و پو شیران پوشی، غون پی غونی بندہ چھپیاک

ا وہ تے غرغاؤ کا نو تہ غون، کیر یزی سیور جان جھیاک

تے موڑی کندوری زمانہ اچہ متارا اوجھوتے بوغاؤ بیرائی شوغورابی شوگلو گیز و موغابی۔ سپونہ آرام
 گنی راردو کی مشقولیوانگیور۔ پھار مشقولیوتے لودیکو مشقولی ہوس کارڈو کی خانی متارمہ انکار کھیونچے
 مسکھیر کوکیہ شوگلو تان سُم انگیتی اسور، تھے پونی یادیاؤ گیر و۔ گیتی محر کا توری اھسی کوری ہیہ الفاظا
 سلام گویان۔

اسلام علیکم شہنشاہ جھیترا راسپہ جو گدیریاں کیہ مسکھیکو بس مشقولی:

پوڑی لتہ دیتی سہ گوردو غوسوری پر چمدارو پر وٹھہ کھار بر نیکو بس

ریکو شوگنگ ران کی: ناپینائے اعظم پر چمان اشتیکھے تو کھیو گوڑو بس

درو زویکا پچور پر چام پوڑی کی ہونی تھے کی گورو بس
ایغوتے نو مٹھیو نیان۔ کافی مد اچہ ہمت تان ہمی دعوان گنی مرید متار ژا اوڑتے گونیان
کی اسپہ موڑی کیہ فیصلہ کورے رے۔ مرید دستگیر دی اہم موش
۔ دماغی اہل ذوق درونگ چھوی ہیتانے کار کوری ہیہ قسمہ فیصلہ دو بیان۔

نہ کی چوڑ کرامت نہ پرچم

ہردی ٹوئی کی حوکت سے جم

ہیرا رچی شوغور روچے موغو ہے جو بڑ بیان تموڑی وکیہ شعری ججالو باراکار انوتروران۔

☆☆

ہی جو قسمو کھاڑ کڑوم پھار یوگپسو استقامنوچے یاسینو، کڑوم نیز کان نام معلوم نو ہوئے البتہ گتو
پولٹیکل ایجنٹ ”جون پڈلفو ۱۸۸۰ء چھاپ بیرو کتاباری ”رومینا“ و ہستانچہ ” H.C
Thomson “ ۱۸۹۵ء چھاپ بیرو کتاباری کھوؤارو چلا یہ ”سورنکا“ کھوارو خوش دور کان
بچے شامل کورونو ہونی ہے کھاڑ ہنگان ای کمہ کڑوم ہمت :-

بلبل خومیتائے رانگ ژویہ اوغوتے ڈیر نیکونو بوم ڈرنگ بوم رانگ گوڑوتے

ہئی مہ ژان ژانئی تے غیروم

بلبل خومیتائے تان گازہ چھاغوتے اوہ تہ تھر شلو استخا وے داغوتے

ہئی مہ ژان ژانئی تے غیروم

بلبل شریکی تہ ژانہ کوکیہ شیر مہ ژان تہ معلوم پھانہ لاکھی شیر

ہئی مہ ژان ژانئی تے غیروم-----

اوه بر یومان تے ہیہ پچھانے ای دی ایہہ کورے بلاؤر پچھانے

ہئی مہ ژان ژانئی تے غیروم-----

بتھان مہ بتھان sirjush ta کو سیمے کو کیہ جم آنوس تہ موخو پشیمے

ہئی مہ ژان ژانئی تے غیروم-----

دیوس گردینی چھیر گوڑہ بس بوئے گویا کہ چھیر و سوری مگس دوئے

ہئی مہ ژان ژانئی تے غیروم-----

H.C Thomson ۱۸۹۵

| | |
|--------------------------|--------------------|
| تہ نگوچے ناموس | ڈھیکے مہ ماریسانہ |
| تان ہردیو پچھین | فقیر و نو لوژیسانہ |
| بلبل ڈوری اسور | مایون بیری ریم |
| تہ عشق و ووری متے گیتی | ڈق گدیری ریم |
| ہائے ہائے مہ بلبل مہ | شریکی ریم |
| ڈھیر گوڑی حکوم ہائے رفیق | مہ مارے کی ریم |

جان پلڈ لف ۱۸۸۰ء

ہزارہ بیک اسپہ تیج
 ڈھیر ارتے بیسی کیچ
 ڈھیر ارتے میتار اسپہ تیج
 خوشانی کوروم ژانین
 مہ میتار یو نسائے
 پنجر شو مس نسائے
 مس نیسی یوڈو کو پرائے
 خوشانی کوروم ژانین
 اے گوہر خدایار

شاہ محترم ژانو یار
 مہ متارو بول خطار
 مستوچو کویان شوتار
 خوشانی کوروم ژانین
 کائی غواس خان دُرانی
 تھل نیزو اہیہ گانی
 کوئی تہ سُم میدانی
 خوشانی کوروم ژانین
 مہ یہ متار چھیاک ہوئے
 ژان تناری جُدا ہوئے
 نیسے متار تازہ ہوئے
 خدائے موتے رضا ہوئے
 خوشانی کوروم ژانین
 پری میتار پھاری پرانے
 پھاری گوہر ژانی پرانے
 خوشانی کوروم ژانین

لوٹ اوو پرو شو تو بشا و نو

۱۸۹۵ء فرنگی ڈوہوؤ موقا، نو غور دوڑ یو چے ریشنا دوسو نو بیرو جو انگریز آپسرانن بارالوٹ اوو پروای عوامی شاعر عرف ”شوٹ“ چھیترا رو رویان جذبات اوچے احساساتن ترجمانی کوری فرنگی ڈالیانت ہی الفاظ مخاطب بتی راردو کڑومان ای کمہ بند ”سورنکو“ قارئینان طبیعتو پھوک خور کوریکو بچین پیش کورونو بویان۔ شوٹو ”پھتو کی بشا و نو ہیت ہی بشا و نانے کھوؤ ارہ ہجو دی ریکو

بوسی

فرنگی پسہ بیر پسہ ہو رو مرید نوا جنتوتے پک پسہ تے مرید نوا
 نو غور دوڑ بیر و فرنگیو چے تو سُم جتہ آسکانت ران کی
 کافرے بیر نئے بیر تہ دک بتی شیر مُردارن کھوڑان سورہ ژو و رینیان کی بریک بتی شیر
 ہسے و جو وان بیر ایہ شوژ یو گنی دو پو پرانے زینہ شیر افضل تو ریکو تہ استاری ڈو کو پرانے
 تان تھوڑاؤ محمد عیسیٰ تان دشمنو پھوسکی دیرو ریشو جنالیہ دوسی فرنگیان کوسکی دیرو
 بندیان انگلیکو بچے اسپہنسی اوسوی محمد عیسوتے عمر مشکھی اللہوت خوسی اوسوی

مشرف خان

اصل نام مشرف خان تخلص مشرف، تھو نام رحیم خان بروز و بر بولکار۔ مشرف ستھاری
 کڑوم نیزک، ہانگ دیاک، تان بوکڑ و مان خوران نامہ جاری کورک تان وختو منشور بزمی، اکھا
 بر پوہالتہ بوشوقی روئے ہتوژانک۔ امان الملک متار و نصفار زیات دور و پوشیر و، غیر ز و امان خان
 آمانو سار عمر ازیات، فرنگی دھوار بو پروشی پہلوانو میتاریہ غیر زہ پورہ ای مساپت ہر بوتاجنڈ وریہ
 میلس ہیمان موژی باوشینی۔ مشرف امانو ہوسکوری تونسہ مینوخصیبتہ حال ہتی اسور۔ مکم آمان ہو
 ہوشنو آریہ۔ کھاڑ عشقی شاعران، تان تان کڑ و مان موژ موژہ راودی اسونی۔ امانو ہر ہنگا کڑ و مان
 اخیرہ تو نام گویان۔ مکم مشرفو ای ہو ہنگا کورہ نام گیا و شیراکسار ہنگین نام نیکی۔ نام شیر و کڑ و مان
 آمانونسہ نور اسور۔ تھے امان راسور کہ آپسوز ہی کڑ و مان نیزک مو شو پر یکار پروشی کی ژانک
 بیسام رے امان ارمان کوری اسور۔ ہیہ قسمہ آخری ایغو سار روخت بیکو وختہ مشرف تان کڑ و مو
 راسور،

ہے بیارومہ دستو دوریہ بیارومہ خرفیئے غیر ز امان کی بیرائے بروز و موژہ مشرفیئے
 ریکو امان ہوسکوری اہیہ رو پھی تو سُم حانگ ہتی اسور۔ پاکستان ساؤز ہتی جو سال آچہ ۱۹۴۹ء
 شور و موسامہ بولکاتن امانت ژانو پو بیجائی۔ واپانی بوم چھوتیہ پتھور کورینو ہوئے۔ کھوڈار ار علاوہ
 فارسی اوچہ اژغانی وارہ دی بس تان ہو دار نسا و تائے۔ مشرفو یادگار کڑوم ہیبت:

تویونانو تھیبیب ذق عشقولہازمہ نبضولوڑے شکرانہ گنی
 تو تھنو جم روئے ذق رومو فقیرتہ سلامو گومان دردانہ گنی
 اژی تہ گدیری تو ہشو کوروسان مہ شیرین ژانو یار دنیہ جو بسو

انگارو غیروم کی جھروئے ریران خہ موکورور مہ ژانو نسو
 مہ ژان تان پر چمان اُخلی پڑو پھی نختیو بڑھ چوڑ سوئی اَسور
 مہ دُچار اگیتی مسم لُونو پر اے کیہ سبوسورا دُست کروئی اَسور
 تو یونا نو تھیب دُق-----

مہ ژان مہ نسین کیہ کی تیز بغانے مہ پُشور اُندروئی مہ کھوڑ تریز بغانے
 بو نو ژان پشیمان مہ دُست کو بغانے موکورمانتے دونی مہ عمور بغانے
 تو یونا نو تھیب دُق-----

دُست سیلوت بیران کاوش دوزوتے رور مہ دیناروکاوشان شاوشوئی اُنخیر
 دُق گدائے قلمدار ہتام تہ شرانہ خبار گنی آنکلیور کہ ہالییرا دُزیر
 تو یونا نو تھیب دُق-----

عاشقان بغانی چھمدین ہزاران ایغونسہ نشور یار برابران
 نیورین کچہ بوئے کھاڑ ژانویاران مسارنست گنی الور مہ ژانوباران



قلمدار ہمت شرانہ بیر نئے کی مہ خونچہ
 دیوانے کیہ گسیسان بخت پولیئرے تہ جزا
 چوڑ وار تختوتے خونچہ پرچم تے گو حومز دورے
 جنت رفیق تہ بہتھان فردوس کو مورودورے

 قلمدار ہمت شرانہ بیر نئے
 ملکاری گرزندہ ہوت سورخم خوشانی کوروے
 بہتھنار ہوت بے بہتھان تھدی کوس کیانی کوروے

 قلمدار ہمت شرانہ بیر نئے
 ہے بیارومہ دستودوریہ بیارومہ ترفیے
 غیرزا آمان کی بیرائے بروز و موژہ مشرفیے

 قلمدار ہمت شرانہ بیر نئے



ای مہکتیو خیالہ ہی کڑو مانٹ مرزا محمد غفرانور بییان۔ مکم بوڑون ہمیتانے مشرفو کڑوم

رینیان۔

ڈق تے غیرے گوم پروانوغون ^{ٹسکھی کورہ لیم وڈردانوغون}

رہ رہی تھر ومان دیوانوغون

قربان شوم نازک لوئی ریم
گمیت استور سور و خوش اسور
غنج غیر سیر و مسار قلمبر وئی ریم
ہمش چھیر گوڑوسم رفیق کوس اسور

ڈق تے غیرے گوم پروانوغون

ہنون دی اسم چھوچی نکلی ریم
خسی بندی لوگار شریکی ریم

ڈق تے غیرے گوم پروانوغون

تہ دور و درو کاڑہ مہ نشار و گونے یورکی مہ پلپتائے گان مہ شار و کونے

ڈق تے غیرے گوم پروانوغون

ولاغیلو وختہ مئیس گرم بونے
پوشی مہ حالوتہ ہردی نرم بونے

ڈق تے غیرے گوم پروانوغون

کھلان دست اسونی مہ سم نکلی ریم
چھیر گوڑوار منامہ ماریکی ریم

ڈق تے غیرے گوم پروانوغون

ای انوس بوانوس آخیر ہیر و بوم
جم ریو ار منا پولوی پھیر و بوم

ڈق تے غیرے گوم پروانوغون

ای کیڑیم بوانوس آخیر ہیر و بوم
تہ عشقوا انکارہ پولوی پھیر و بوم

اوه عشقو سوداگار اے ژان راہو پشاوے
 تہ حقہ رار کی ڈق بیر تیم ژارو ژیراوے ہائے ژان ژارو ژیراوے
 یہ جو بسکینی دنیہ بیرے مہ موذیراوے ہائے ژان مہ موذیراوے
 تو تان اللہوتے لوڑے ژان مہ موذیراوے ہائے ژان مہ موذیراوے

بوسون کنیران تان بدیلو جو چھان کورے

تہ سہ ہورونی مس مخوتے پچھان کورے

اوه عشقو سوداگار اے ژان -----

اوه زخمی اوٹح کوورہائے ژان غیردوم تہ سوری

عاشقان خوردی بوآونی اسپہ سارتوری

اوه عشقو سوداگار اے ژان -----

دوستو مھلو نسین اوه ژان اچھو پولوغے

تہ سہ ہورونیاں موڑہ ہائے ژان اشرو گولو غے

اوه عشقو سوداگار اے ژان -----

تہ مہ الیکو خیال برائے او او نو کوے

مہ پچھنی تان عشقو میدانہ تو ہاؤ نو کوے

اوه عشقو سوداگار اے ژان -----

کروو سلیوتے نسانی نویسوچے بیچ

پیسے روئے مریکہ پرانی مہ ژانوسوم غیج

پتھیر اور حاجی خان صوبیدار مرحوم نامہ جاری کار و بشاؤ نو

کہ ہتوخوش رو یونام زاریہ او شوئے

ہوران کی جم بیرانی تہ ساراچی تیت مہ بیئے
زمینہ توروشتی کو آسانہ یوروچے مس ہائے مہ شرین ژانولس

ہوران کی جم بیرانی تہ-----

اوہ سر ہندو فقیر ٹو دیکو یار مہ نیکی
زارو دیتی کرینیسام تہ کرینیکو زار مہ نیکی

ہوران کی جم بیرانی تہ-----

اوہ کھشتی ساؤ زیمان تان نسہ دریا ہونجین
ہردیو بھت موکورے مہ ژانولین موکورے دُستے تان اللہونجین

ہوران کی جم بیرانی تہ-----

راہنین بھت پھار عیے تم کنخولی مس پنجرش
مہ دُست تو کیرے نھ مہ دُست تو کو خروشی تہ اسکیم پھور کو جلس

ہوران کی جم بیرانی تہ-----

کیانی کورو مئے مژان، مژانوتے ہوئے گیرانئے
مہ بچے اللہ راؤر ہوست بیلنجی مہ یارائے

ہوران کی جم بیرانی تہ-----

کیانی کورو مئے مژان زور ہوئے ڈا تو ژانوتے

دروٹم مچھہ بیروا باریکی ٹرانگ تھنوتے
 ہوران کی جم بیرانی تہ-----
 اوہ کھشتی تھیمان موڑو دریا ہونچے
 دستنی مہ وو سکی لوڑے تان لوٹ اللہو پچے



پوڑاؤ کھسیوتے گئے میرزا بیتی پنجر شو مس
 گدیرو یو ژان تے قربان کیہ مہ یور مس
 تہ تھان متالیو کبوں کبوں چھیتی برونہ پرانے ژانے
 مہ ژان تان پچھیر چھوٹان دونہ پرانے ژانے
 اوہ تہ دوری ہتم بیندہ دردانہ او شوئے ژانے
 مہ وچے خوشو موڑی چندین زمانہ او شوئے ژانے
 اوہ تہ دیہی کیکو دس روئے مہ آزار آریر ژانے
 مہ ژان تان ٹسہ جرونیان مہ تے لک ہزار آریر ژانے
 اوہ تہ دیہی کیکو دس روئے دنیہ دار مہ جسور ژانے
 کھشتیو گوڑو دریکو گدائے قلمدار مہ جسور
 پرچمان چھینے ریکو تومہ لوا نو چھینتاؤ ژانے
 تان ہے سورخامو لوا بوانوشو مھنیتاؤ ژانے
 اوہ تہ دوری ہتام چلیم تماکو متے دیت ژان

تما کو مکہ حاجت شوکھور شونین لومسم دیت ژان
 گدیری جم نوبویان گدیریوت ویز کورور ژانے
 ہر دیو پھوری چھینی نسین ہراویز کورور ژانے
 اوہ تہ دوری کیکو مکہ ژان چرچانہ اسور ژانے
 ہیہ خوشو گدیری جرونیان ارمناسور ژانے

☆☆

چو کراڑا سپرورامنو، کاشانے قاماری برائے ہتو تو چے تو تان نام سہی نما بونی۔ سسری
 نموتی خیق ڈق پراچان اچہ حو کیکو، ہتیت ژان پلے تان اولانغوسور و پھنچی چھیتراہ فیروزہ دیو اے کیکو
 منڈہیا انگیر و برانی۔ دیو اے کیکو ہے خیقو باراکہ پسہ ہمو کورار لیتھی رے پراچان سار بشار و بسخا ساراً
 چھی، ہی کرومان و مو کورور رے ہتے خیق ڈاقو اچھی گنی میتا ر شجاع المملکو خدمت پیش کار دو۔ میتا ر تو
 ہمو ہالا وے رے وزیر اعظم دلارم خانوت دیرو۔ ہیغار اچھی ہے خیق گہریتہ کیتی، گہریتہ چو شدا۔
 اوشوئے۔ مھوک قالب، روع بدن و شہ صورتو سُم پکین ہتوتے چو کرہ نام نسی اوشوئے۔ اصل
 نام کوستے دی پتہ نکلی۔ ریشا ر رٹم بیک نامین موش دی بال بچ گنی وزیر اعظم و دورا آسا و تائے۔
 پروشہ و مدار شدار اوشوئے۔ ہوا ی سیرتہ و صورتہ نمایان لعل نہ نامین نوچہ ژور آسا و تائے۔ جم
 قلبی چمکلیر اوشوئے۔ چو کرہ ثورت عاشق ہوئے۔ ہومت دیت رے غیر و موسار تو ٹسکھیتائے۔
 لوٹھورو۔ تان شدار چو کروچے آسقا لوٹھورو پراہروئے کوری ہو کم ژانہیو، وے ژانہیو چے وے
 صواتہیو تے لوڑی تو ہتوت نو پرانے۔ ہے سہین چو کرہ ہتو غمہ بوتنگ ہوئے۔ عاشق ہتی گدیریتو
 دیتی بشا و نو نیزی ہتے سُم گہریتو ہی پشا و رو غیریتائے۔ ہتو نو کری کوری ۳۰، ۲۰ سال آچہ جم پیسہ
 دار ہتی اچھی کیتی ژو غورو ہنجو ولیہ زمین گنی ارٹخالداری کوری آباد اوشوئے، و ہیرہ تن حقوت

توربتائے۔ ڈونگورہ چوکروانوار نامین ژاؤ اُسور۔ چوکرہ ملکار بیکار اچی ہتو خوش روئے اول
 چھترارہ موش آوائے کندوری اژیروینی بیکار اچی کیہ لو اموش تو سارنھہ ہتی تو آزاداریر
 لاکبتائے۔ لغل نہ گہریتہ کیتی حال ہوئے۔ کوژوؤ میران موژار زرملک نامین وزیر
 اعظمو میرشکار ٹسکھیو ہتوتے پرائے۔ لغل نسو چھوتی قالب کوژوؤ اچھوربتائے۔ ہی کڑومان
 مشرف نیزی چوکروتے بس کار دوہرائے۔

مہ دست مہ سم گیاک دستون ت کورونیان مہ حقہ دُشمانی
 پشچی بی سی ہیہ ہتھو اے ژانویار نکلی پشمانی
 ڈمبوز مہ ہوستہ ژندہ کڑوتہ فقیر و کھشتی روعانی
 ذق آپسارونو کار ہرچھو چین دیاؤ آلونیان شدیو اشکار
 متے کیتی شیراے واوؤ ژور اللہو ووٹسکیار
 گہریتومی روئے گھل مہ مارک ہٹسکورومان ہمیت جوارگار
 کوس نمکوکی بوژیومان اے برار گیدیان سے مہ سابعار
 ریشنیغو سارتیغون اژیٹائے بیرنیسی کورے میرزائی
 نصیبو کوروم گلہ نوکوئے چوکرہ غریب خمو ووٹسکیار نکلی رضائی
 وٹھنومی روئے سف مہ مارک مت جوارگار
 پشچی بیہ ہتھانو اللہ تو مہ یار
 نن تان سارتیغون اژیٹاؤ بیرنیسی کورے میرزائی
 نصیبو کوروم تے کیہ گلہ مہ جم روئے مہ تان غلتی

گہریٔہ اَسْم ہر چھوچھینین دیاؤ آلونیان ہدیو اشکار
نصیب نو برائے گلہ کھیو کوم یار دستان اللہو ووسکیار



عاشق بتی گدیری ہو تم ہو شکورور رویان
مہ ژانوغچمورورے مرییان شن کھورور رویان
مہ چھیک بتھانہ متے گلہ موکورور رویان
ستھارو ملنگان گنی بتھنی کسیمی
تان بختوچے نہبار پشیم تہ سارنو پشیم
مہ ژان مہ کھارو گلسمبار ڈق تے نہ چوٹ
تان ژانی لوؤ کوستے نو دووم کلامہ مہ شوت
سیلوتے نسائے اے مہ دینار برابران سُم
بارکشی پیٹوم تان دینارو گل سمباران سُم
مایون چوڑی توتی ہواز کوئے تہ دوروسورہ
مہ ژان صداقہ اے برار گیدیان چھیر گوڑو سورہ
مہ ژان سرفوکان زیر بلیو کبوخ ڈق تے نہ چوٹ
تہ عذرو لوآن کوستے نو دووم کلامہ مہ شوت
تہ نوژا نیامہ دُردانہ ٹوپری آسوس
رحمو نظارو ومہ ووسکی کوری مہ ماری آسوس

بھنڈارہ بیر و تاریخی غاڑ

ہیہ ”استور غاڑ“ پھار یوچے چھیترا رو غاڑندان موڑی تت میتا ر شجاع الملکو اول دوری ۱۹۰۸ء اولو لوٹ مراضو شروغی بھنڈارہ بیر و برائے، غاڑندان پھاریوت ویشی، تن ملکو غچی گیونو شدار بکان گنی گو ہو، توری و موڑی کھو و علاقان اوچہ بیارو“ کہ بس ہتے وختہ شہ چارو کھونگوردیرو ولہت فرنگیانن زیر انتظام علاقہ و ہتیمان و وٹسکیار، فرنگی دودھواراچی ۱۹۱۳ء پت راجہ بہادر خان مستو چو انتظامیو لوٹھور وادشوائے“ چھیترا رو سرحدی حصان کہ ہے موڑی غدر و یاسین دی شیر، چھیترا رو پولٹیکل آپار ”ملکی کپتان سمٹھو دی شامل دورہ کار دوہر ائے۔ ہے دور و موقا شالیو لال ملک اشعرا معظم خان اعظم مصاحبان موڑہ شامل آستائے۔ ہسے ہرای غاڑ کور کو و وٹسکیار ایشکھیک“ فارسیہ لاف زنی“ دی نیوشی یادگار کوری اسور، چھیترا رو ہر غاڑندہ بجالیہ پڑنجو موڑ تو بھو کوری کیاغ پھیشیاک، خاسکی میتا ر ژا و غلام دنگیر اوچے دیوان بیگی فیروزہ بیگ تان وختو غاڑندان موڑی نیویری جم و بوجم برانی، بقول بختوار بیگ عرف ڈاقتت ”چھیترا رو بجالیہ ای غاڑہ ٹھور ہتی کھانچتو دیتی دیوان بیگیو فروسکیو بازو تر وئے ژاغسی چھیتی، آچی جو کی تازہ ہتی غاڑ و قابل نو ہوئے، فروسکی ہوست غاڑ وختو دو سیک نو ہوئے، ہے سببین کھوڑنیں غاڑ شروغسی لاش کوری فروسکیو برا بار تن غاڑ آری، ہے قسمہ تور کھو و خوش لال شو تو پکون ساؤزے نپت غاڑ کوریکا بے مثل برائے، غاڑو موڑی بو تو ژڈ ہو کورک ویرھیک، یسینکو چے غزیکانت استور و باندیر و برائے، ژانگ ژانہ غاڑا ر اچی پھاریو غاڑندہ چھیترا رو غاڑندان سورہ صرنی ای بیش نیکا کامیاب بیرو۔

یہو غاڑ کورک وتیمان لوٹھورو

پھار یو غاڑ کورک وتیمان لوٹھورو

- | | | | |
|-----------|----|----------------------------------|----|
| سکندر خان | -1 | میتار ژاؤ غلام دستگیر وفات ۱۹۲۸ء | -1 |
| خدا آمان | -2 | میتار ژاؤ آسفندیار وفات ۱۹۲۹ء | -2 |
| علی داد | -3 | خوش لال تور کھوؤ | -3 |
| خدا داد | -4 | فیروزہ بیگ وفات ۱۹۳۷ء | -4 |
| سلطان علی | -5 | شاہ بجمر حاکم اوویر وفات ۱۹۳۳ء | -5 |
| | | سلطان شاہ صوبیدار ۱۹۲۳ء | -6 |

پوینسہ می توری چھترارو میتارنان غاژندان قہروت انکیو کچین ہمی کڑومان نیزیے جاری کوریرو
برائے ناچیت کوریرو

بشاؤ نوہمیت :-

چھترارہ روئے نو آستانہ کھوڑیو پویشیمان
شہ دونی لال ہوشہ گئے رویان لچھیمان
ہائے دروغ ہائے دنیہ ای کی پیشیمان
مہنڈرہ غاژوت بغائے غلام میتارژاؤ
تہ سورہ جم پیش نیزیتائے پہلوانوژاؤ
چھترارہ روئے

مہنڈرہ غاژو بغائے تورکھوؤ پہ خوش
کی موخو گنی کیہ خبارٹو واہا گوس
چھترارہ روئے

ویر شکان سُم غاژ آریر چھمارو ژاؤ
شہ دونی لال آچہ گویان سملت زہامواؤ
چھترارہ روئے

ویر شیکان سُم غاژ آریر کھوڑی فیروزہ
فروسکی بازو پر اشوبیکین کھوڑی ہوست قیزہ
چھترارہ روئے

اعتبار شاہ قلمدار

بدخشا نو سمنگنا رگیتی سنگور و لوٹ دیہا آباد بیر و سنگینو اولاد ان موٹا رعیسیر و حمایت شاہ او
 ژاؤ اعتبار شاہ تخلص قلمدار کوراؤ تائے۔ شجاع الملک بیتار و اویل دورار گنی ناصر الملکو موٹو دوراپت
 تان وختو کھوؤار و شاعرانن جیرا نو یوکو او شوئے۔ کڑوم نزاک، بزمی کڑوم راک و جم سیٹھاری
 او شوئے۔ ہو بوزیات کڑومان ترتیب و بڑا تھنیو نو بیکن تو سار آچی خورکا تان نامہ جاری آرینی۔
 بوٹو شوڈیکار آچی ای بو ہنگار غیر کیاغ لین نو ہوئے۔ موٹو کھوؤ سہتار گیتی دولوٹجا آباد منالی اسقالو
 ژاؤ ڈربیک اسقالو شالیہ موش وینی ژور خورہ لشلو سیرا او غوبیکو تو نونو فرماییشا مرثیہ راسور، ڈربیک
 اسقال تن دی ہے وختو مشہور سہتار ساؤ زیاک و سلوکو ستھاری او شوئے، قلمدار و کڑوم ہمیت :-

مہ سورودیتی ویشا وے مہ اسکیم تاجو
 شیرین ژان قالہو حقہ جو بسو مینو
 گل زرین بوڈنگ مسلمان گولینی شیئے
 صابو دُعا مہ حقہ تھے دی کیمیہ
 مہ دینار و موش کیہ اسورا نو موکوڑئے
 ہردی چوکی بوہت بتی شیر و نو بو بیان خور
 کار یوژانگا چھوریتائے ڈقو تختو بابیتئے
 کیہوت تہ شرانہ ہاتم تہ ہر یکونابت



تہ ہردیار نیسار ڈقو مس موخی نادر

ژورو تو نجھی نانو ہر دی ہلہ ہوئے
 نانوشیرین نوبلبیل لوکھو و اوغ امبوخو
 کوری آواوئے مہ رنجولیو کبوخو

شالیو موڑہ-----

مہ شیرینے نوبلبیل شوانوتے گلہ ہوئے
 نونوشیرین کوری بیکوننو ہر دی ہیلہ ہوئے

شالیو موڑہ-----

نونوشیرین نوبلبیل ننان مہ دُردانہ او شوئے
 نان تہ بچین شوتارو گیا و پروانہ او شوئے

شالیو موڑہ-----

نونوشیرین نوبلبیل لوکھو و اوغ یہ مہ حقاراروغہ
 نوبلبیل تہ اسکیم مہور سینوسوری اووغہ

شالیو موڑہ-----

ٹھوہت نودیتی رد پھیکو لو جنانو
 ژورو تو نجھی ہر دی لین ہوئے تہ نانو

شالیو موڑہ-----

خورونامہ

اے ہونجھیر خورہ مہ پیٹیر و شین کو کوسان

رُوشو کو دوم برابر مه هر دیو لین کو کوسان

اے ہونخیر و خورہ-----

موتے خورار او شتم مه خیالہ پیشیر ان رے

اوہ و کیہ ہوش ا ریت یہ موژ تو الیشیر ان رے

اے ہونخیر و خورہ-----

ای شو پیکا اسم اہیہ ہر ہوردورا یونسورا

مه یاران جم لوژور مه غون ہوزورہ کا اسورا

اے ہونخیر و خورہ-----

کیہ وت گوژہ کوسن مل انگیا و اموژ تو حا کیس

اسارژ و گوژا التی مالیمو خالی مه پاشینس

اے ہونخیر و خورہ-----

اے ہونخیر و خورہ مه پیشیر و شین کو کوسان

رُوشو کو دوم برابر مه هر دیو لین کو کوسان

اے ہونخیر و خورہ-----

نعت خان

اصل نام نعمت خان عرف کوہستان خان تھا نام قلمدار خان بروز و دو مار ریسیے قمار” سنگین علی مانیو بدلو گنیکو بچین ”غد رموی“ آند ہتیار توری ارکار یو او یلو دیہہ مومیا رکیس خاندانو بڑا حنیو پیر و ختیق سولوٹان سورا پیر و شب ٹونار بچ ہتی ملکو موژی اُورورین باؤ پیری عیسی رُوز کوزکان موژار نسیر و قلمدار خان تان اُژیروان گنی تجمل شاہ میتاروژاؤ تحول شاہوسم ہتی سردار نظام الملکو دورہ ہتے کوہستانا رہیہ کھوؤ ستانہ اچی گیتی بروزہ آباد ہوئے۔ نعمت خان شجاع الملک بیتارو اول دوروتان وختو نو یوکو بزمی شاعر شیرہ دار میلیسی و سلو کو سیٹھاری، ہوکڑو مین سوز اوچہ گدازو شیرینی شیر۔ ہوکڑوم دانی اوچہ ساؤزہ بوشینی۔ یارانن موژہ پلس کوہستان خان ناموسورہ مشہور او شوئے۔ ہو بعض ہانگا کیاؤ بوژون کڑوم راؤ آسونی، و ہوکڑومان دی ہتے موژو و شلی کوراؤ آسونی۔ لش کی لوژین ہوئے، ہانگ ای تن، ای نعمت خان تن نو بلکہ بروز و ہر شاعر ہانگوچے کڑومان اُستاز، خورژاغو شاعر و کڑوم دی ہے ہانگہ تن۔ مگم کیہ رین بوئے ہیہ دور و کڑوم راک فنکاران، بزمی و میلیسی جو اتان، ہیغار، میغار اُنگیتی ہو ہے ہانگاتن رینیان۔ ریکو وجہ ہیہ کہ ای مہت شاعران ہانگ بوتائی۔ بو اُستازی و دم دوریک دی مسکھیران۔ ہتو غوپورہ کوریکو نو ہتی ہیہ ہانگی غیر بیدیان۔

ہیہ قسمہ ہتی ”اوہ لیلیٰ مسکھا و امہ دُردانو کانئے مہ کو مجنون کوروسان“ کڑومان سُم ہتی کھوہستان خانو برابر پیر و ہانگ مشہور او شوئے۔ مگم موژین مور یو عاشق ہو ای کمہ کڑومان پس مصرعوسم کوری تان نامہ جاری کوری اُسور۔ نعمت خانو ہانگ ہتھنورویان بو خوش بیکمین ہو ہانگہ و جا کیاؤ ہرکاتن و سومطابقہ تان مہو دیر و نیزاؤ آسونی۔ خشکی مور یوسم متعلقہ کڑوم، ہتتا چھہ سرحدو

ای خور عشقی جوانو کڑوم

سنو غروتے شہر ریکو موسورہ گواہ نکلی، وہیہ قسمہ اویونو بختا ورخان حقوت توریکو، تو تو ہردیو ہواز
مریو صورتہ دی پروشہ ہانی۔

پس مصرع کڑوم ۔

خورکیہ چارہ مہ نکلی ہمیشہ گوم تہ قہبتہ
اللہ جنت تے دیار مہ لوٹ نہی تان رحمتہ
تہ بچین اوہ کوریکو ہردیو باتین زہمتہ
گروؤ برونہ نیشی ماچے تہ لو او شوئے

ہموشتان ای خور کڑوم و پس مصرع

پہت کیہ ریکو پہت کیہ رینیان ختمو بندہ گان نووا
تہ دووری قلا ہورے مو ان تھان نازک بدان نووا

اسکوروی لوہیہ کی بروز و معروف کھوہستان خان تان کڑومان اوچے ہانگان گنی تان
وختو حیق سولوٹو مکیلیسیان عشقی جوانان، شوقین و بز می یارانن بے حد خوش او شوئے کوس گمان نوشیہ کا
۱۹۳۵ء بے خباریہ خدا یو حق توریتائے۔ بوم چھوتی گہریتو سیر و شوہ شیر، مرحوم نعمت خانو کڑومان
ہنسیں دی بو قدر شیر تو یادگار بشاؤ نوہیت۔

ہردی پریشان گمبوری ڈق تہ نوپوشی
لش کوسی کیئے جنتو موژو حہم ہوسی

تو آسمانہ مس اوہ زمینو شہ پُھوتی
 ہردی پریشان تان گل گمبوریو نو پوشی
 شیرین ژانہ قون مہ دُست مہ اندرینی کیتی
 اخیر بریومان تہ چھیر چھوٹی نو دوسی
 آفتاب برآمد مہ ژعے مسئی نو نیسائے
 مہ ژانو چستی و تھنار نیشی نو نیسائے
 اُشپرو پٹیک مہ ژانو ژائے توار پیران
 ڈق لینے کیرا وہ مہ ژان اُرتونوتے پیران
 پونگانے کاوش ساؤزینیان پشیمنہ پیران
 ڈق لینے کیرا وہ مہ ژان اورتونوتے پیران
 تہ تھان سرفو کان تہ وووری مُشکو چہ عنبار
 مہ نہ نیشے دُست مہ ژانو سم برابر
 پھیر و مرض تختیائے کلو نو پھیر
 اسپہ دی دی امید اللہ ہار ہروش شیر
 ژانو سم تھمیل کھیو کوروم یوروچے مسو
 کرامتے دوئے برار گیدیان مہ ژانو نو
 ہردیو باتین مہ روح بالچہ موحھورار
 غمچھان پوشا وہ اللہ مقصودو درست کورار

دائے امان پتھیرا رہ عشقی نعمت خان
تکبیر و کوروم تقدیرا ڈانے تو مہ تان

☆☆

تہ عشقو انکارمہ پالیر ٹولغلی ایشیے
زمینہ رشتی کورویان مہ دینارو چختیے
ہمیش تہ سلامو گویان پھارہے دو موقییرے
ڈانویار مہ نسہ نشے زمانہ بیر آخرے
کبیلو سیلوتے گویان ڈانویار باریک تھینی
ہمیشہ پیسک سیریم لہ مہ ڈانے تہ رتھینی
کبیلو سیلوتے گویان رنگ تھینی پر چمدارے
تہ غون نمکین دینارو نعمت خان قلمدارے

☆☆

ٹسمٹہ پرچم مہ رفیقو اے برار کیدیان پھورینین بیڑو
عقبت او برستم تہ ملنگ گدیری رندیرو کوڑو
ای انوس خوشان مہ اروہائے ڈان ای انوس نہ
ٹسکھی کوہستانہ نو لیم اے ڈان تہ غون بے وفہ
بیخبارہ اہیہ عیستم اے ڈان دست ہاؤ لیو ہوست تکیرانہ
کوڑ گنچو خاطر ونچے ہائے ڈان تان گدیر یونولا ڈیرانہ

یہ بو بے مہر سان ڈانڈاے ڈان نہ تہ عزت نہ مہ قدر بوئے
تان سورو لاکھوم تہ شیکا اے ڈان ووری عطر بوئے

☆☆

اے مہ ہر دیو باتین مہ قلمدار ارو
ڈق ڈقیہ عمورتیرے خورو دم دار ارو
اوح کھشو بکو لچھی چوینو ڈار ارو
قیامتو شیرین ڈانے مہ خاکسار ارو
ملکو خوبنا ن موژی مہ دست اصلی نوا؟
گلسمبر و موژو تھاغہ تہ تھن و شلی نوا

اے مہ ہر دیو باتین -----
ملکو خوبنا ن موژی تو مشرف نوا
نس نوڑو وا ڈکسیان موژو در یہ نوا

اے مہ ہر دیو باتین -----
پور سالی دنیہ او یو تم ہیہ سال غم نوا
ہیہ غم تہ مو شو تے گیار ہیہ کی جم نوا

اے مہ ہر دیو باتین -----
تہ موش کسمیر یٹہ بابوتے میر ژوری ریم
ڈانے تہ غچھانے غیروم کیڑ لیس کندوری ریم
اے مہ ہر دیو باتین -----

تو کی قاضیو تھلیب ڈق عربی کوروم
ژندو تان کاڑ تو بھی تسم غریبی کوروم

اے مہ ہردیو باتین-----

ٹرانگ زوما لویٹکھ گیکو مہ ژانوڈور نیور

تان شمعو اچی پھٹھے تہ اسکیم پھور نیور

اے مہ ہردیو باتین-----

اوه تے دست راؤ شتام ژانروئے ہندو براؤ

مگم تہ قہبتہ کیڑیم مہ حقہ ہردو براؤ

اے مہ ہردیو باتین-----

گیئے لہ ژانے بیسی ریکو یومون بہنہ ارو

لغل جعفر یاتن بڑا چھئے تانتے گہنہ ارو



اے ہردیو باتین کھلانے ہوتی کوسانہ

اڑی عرفہ اسم نیزی پھشٹی کوسانہ

برونہ متالیو کبوخ یوروتے سُستی کوسانہ

پُختیو سورا نیزی تو تانتے روشتی کوسانہ

پونین پھار عیسکیو پونہ رھامس توری شیر

کیہ چارہ تہ گدیریوتہ اکان وِس توری شیر

پونین پھار عیستم پونہ ای گمبوری شیرائے
 بہشلو خورموکان کوڑد یوسودوری شیرائے
 مہتی ستھاران گنورمہت گنوری ڈفان
 ملنگ اڑی کھورفہم مہ پشاوے تان ہے رھان
 ڈانے افسوزار تیم دُست مہ وو سکی لوڑے کی
 کافرو رخم نوبوئی مسلمانو ڈان پولیویر
 تہ ملنگ اوہ نوکوروم اوہ کہ اریت زوم ایلیر
 اوہ کیہ ریکونو بوم ڈان تہ بریک تھانوتے
 روئے شکایت کورونیان بہشلو لعلوکانوتے

مہ دینار دل مجنون متے آنوس دی ہنون یا شیر سرکارو قانون
 پینمبارو شریعتہ عالمان فروسک لوو دیور مہ دینار متے تارور
 لو دیکو خوش نو پتور، سٹہ لیئے اندرینو کیتا و بویان ڈانوتے زورور
 اوہ کی دِش لو دومان دُستو شرانہ اتی مہ قلمدارو مارور
 اوہ لیلیا مسکھاوہ مہ دُردانہ رفیقے مہ کو مجنون کوروسان
 بیوفا ذق نو اسم گھر زہیر شہین غنچھے مہ کیہ از مون کوروسان
 اے لہ مو ان برار گیدیان سٹہ کھوٹ پچھان کورویان مہ پنجرش مسوتے
 ہتھنو جم رویانے مہ دُست پوشارو گیتی بہمان دستونا سوتے
 لو دیکو خوش نو پتور

یہ مہتوک تیج ابدارتہ برو نیز یوقنجا، تہ مخ جنتو گلزار
تہ غنچ غیر و مسارمہ بے ہوش کوئے تہ نظار

لودی کو خوش نو پتور

قلمدارہات شرانہ مہ دُردانہ رفیقے کیا غ چھر اوئے کھشتیو
کھیو کوروم تہ صینتان جہانہ شور بتی شیر ژانویارتہ چُستیو

لودی کو خوش نو پتور

چمکدار دُردندان تہ شون یا قوت مرجان باریک تھان سرفو کانار
مَس موخوچ مہ پاشی تان مقتل گاہا التی مہ قلمدار و مرار

لودی کو خوش نو پتور

تو تان کھویو متے دیت اول تان غچھہ لکھوم اچی تان ہر دیہ دوم
لاکے تہ کوڑ مہ مارار مہ خون تہ بخشنده مہیزئے حولیہ دوم

لودی کو خوش نو پتور



خدا رحمت

بدخشا نوکیہ حصار گیر و خاندان موڑ کھووا و اوویرا، تیغار چھیترا و سرحدی دیہہ مہستی
 گیتی آباد رحمت قلے قمار مولا رحمتو ژاؤ خدا رحمت یاران موڑا قاضی و گرامور وئے ہوت
 گولدور و قاضی راؤ بیرانی، جو ویتار محمد ناصر الملک ہوتے ملنگ راؤ اُستائے، مولا رحمتو خاندان
 امان الملکو اول دورا چھیترا ۱۹۱۶ء پت میتاری پڑالان، کڑوپ رشتو شالدینا ہوڈور،
 چھیترا اہ اڑیو، ہے ت میتار و دور و پو شیرو، میتاری شدار بان موڑی بو اعتبار و سُم، بعض اوٹھون
 و بو ضروری کورمان ہے خاندان غچھو پھڑکا انجام دیاک ڈا قیو چے جو انی و مستی چھیترا
 شوختیائے۔ ہو خوش رویو بہتان حیرانکو نارگنی گولدور و ورازہ پت، لش کی لوڑین بو یان سنو غرو
 زیر کوچا، بس دی چھیترا رو ہے ہانی ژغوت عاشق ساریران۔ مھوڑ کان، ناقندہ کور کان اوچہ
 نجیت کور کان پورنہ ہو چو ہو چھور برار گیدیان نئی بلچہ اَنکیو ٹو بو یان، ملکا رتن نئی ہتو ڈاڑینو بو یان،
 ملکو حو کمرانو پروٹھ حاضر جو ایو و چھین غچھو دوش، ہتھنار بے بہتان کورینو بو یان، بے ہتھمبو چہ گر
 زندہ یو ڈوری کابلا، پشاور اوچے سواتہ پت پرونی جو ویتار و اوانی جو کی اچی گیکو، مستوچہ اُتی و
 بندی کورینو بو یان۔ گر زندہ یو ڈوری کابلا، پشاور اجم شیروانی، کوٹ واسکٹ اوچے پیران پھر وال
 سویکا نازک ہو ستو سُم ہنرمان دی بیٹی اسیٹائے۔ جو ویتار و دورہ ہزار بیٹی اچی یو ڈت گویان۔
 تان وختو نو یو کو انقلابی شاعر۔ کڑوم نیزک، ہانگ دیاک، پروانو چا پو لی کروچ عاشقانت تان
 کڑومان بس کوزک، شیرہ دار بزمی، شلی میلیسی، ڈنو اُستاز و لوچ دمہ مانت کارو گو چو نئے بان
 لکھیر کا پھار یو پیاڑوچے ہنز و اُستادان سارا اچی یا کم نو۔ بچو مکہ پنجابیان غون بیٹی مملک چد ورتی
 چھیننی استور کوری چو ڈیڑو تے مھوڑا سور کوری، شیر جو گزگتہ چہہ جالپش کوری آوری تان پونگان

اوپے ہوستو! اشارہ اوشپو نیاؤ حومتی مہراکین مونوٹو چے مرا سکین، شیت رو پھسی نیزہ بازی کوراؤ
 تائے۔ نسین کوس شیلی غیج کیہ پوہیکو بٹا! اشلوک روش تو سُم شسی ٹھور باؤ تائے۔ قدر تو کمال ہیہ
 کہ ہوروسوروموژو پرشٹو دون سف اوشونی۔ مہ جم یادی گویان ۲۵ دسمبر ۱۹۵۵ء دروسو اوشیا
 کاپت چھیترا رارڈزی دو یان، بز میان میلیسان ای لوٹ ثقافتی ڈالو ٹھور و حیثیتہ شامل اوشوئے،
 کپال بُرووریکیش چھیر، سوری سملتان سُم پھسی ریکیش، بروشنا کو، کھس پخیری، سایہ دارقالیسی،
 سیت کروی باڑیرو پنڈورومو خوج لوٹ سوروسُم چھاغدارموش، ثقافتو دنیو ہیہ بے تاج باچھ گل
 اعظم خان گلوچہ عوامی و انقلابی شاعر ۱۹۶۸ عیسو پو شورومیکال حقوق توریتائے۔ موڑی کچھو
 معوتوا حاطا برابر گیدیان نئے پتھور کورونو ہوئے۔

تو زندگیو کڑوم ہیئت:-

گولدر شہادت غیر شیر حیران کوٹہ پت
 گولدر و ہمونی ژانغہ جنتو برق مہمت
 مس تخی پورومہ ژان زیریلیو کھورورے
 عیبوڈ تو سورو غیرے پھنسی مہ کورور

تان خدا یوخوش بنی ادم مقصدی تارور

نو نشیم ہیہ ہتھانہ اوہ گر زندہ یے کو موران سردار ڈو دست مُلکو تے خونجہ
 نو نشیم ہیہ ہتھانہ گدائے بتی نیمے ڈق عشقو لہاز تہ ملا تو ملکو حاکیم
 مہ ژان بے جبار بیروہمان سُم جُست بیتے تت کیہ مناسب سار سیران مہ سُم دُست بتی
 تہ شرانہ سرفوکان اہیہ بتی بیران پچھیر گوڑو ارمنہ پچی مہ عمر پیران

دونیہ غاری اسم ہائے ژان نہ یور و پوشیم نہ مسو
 و تھن دودیری ہوئے پوشین نو بویان ژانو نسو
 و تھن متین آرمان ہائے ژان یہ جزیرہ گوم رے کیہ گومان
 کو سُم کی عشق اد شوئے ہتے روئے ہوش کوئے عشقو کورمان
 پلکی خوبیان سو تھو آسماناری یو خومی
 عرضی منظور نو ہوئے ژان کھوسالو کغاز مہ سُم توری
 تہ مہ سُم شوت اد شوئے ہائے ژان خور و سُم دستی اوہ نو کوم
 تو مہ کھار و گلسمبارتہ شو نکھیمو چے گمبوری دوم
 ڈقو بجگی سیورج اے ژان دَو و ردیتی ژانگ کی عیسیر
 اوہ سستہ چہ چھیاک خوشو ٹیسیکی ژان کی نیسے سیر
 ڈقو تیغون سیورج ہائے ژان اسکیم پو بانغل بھٹولی
 ہوئے متے ژد نو بریک مہ تیغون کا غانتے بابولی



دریغے ہائے دُنیہ آخر پڑال ہو تم
 مہ جم روئے ہسکورے کی مُغار خلس کی ہو تم ذق تہ اجال ہو تم
 دُنیہ مسال ای غاری تو ہسکورے مہ پری
 لوڑے بلبل بو نیکو ہسے کچھ خوشان بویان گلپ گمبوریان پوشی
 عجب مہ دیشے یہ خام ہال بین بویان نہ کام

کیڑی ویو کڑوم اے مہ بھنورویان ہمیتان ریم اوہ تن
 مہ تان نصیبوستی نوہوئے لعلوسم دُستی
 موکورے بے رخمیان فلک جو بسوکیہ مہ ژان نو بچورتہ ہے چُستی
 ٹیکہ بی یو لوژیکو تہ دُور نوغور تہ یور
 یور مہ سور انوتارور مہ پونگ نموتی چھاؤر گدیر یوژان نو تھیور
 ٹرانگ نیسی یو لوژیکو تہ دُور نوغور نئیور
 مہ سور سیری بچور مہ پونگ نموتی چھاؤر گدیر یوژان کھیو تھیور



دُستی کسی ریکو تکھا بور بویان
 بلاوؤر ہارین کیہ کی گھور بویان
 ہیش کیہ نو بیکا پت ملکا شور بویان
 گولدورو قازی مُستافیر بیرو
 تہ جلت چھیرن موٹ کافر بیرو
 مہ بلبونن مہ مسکھی سور
 تہ جلت چھیرن تہ نشی سور
 ہر ای نمازگرا دُست تان کھارہ گوئے
 سلوک لوان مودیت رویان کارہ دوئے
 دُستو برارو نام بلبل خان برائے
 دُستو خور آلدو نسیب کام برائے

ارٹا خانو مایون

اسپہ بہتان چھیتزارہ بیرو بو شوم واقعان جیرا دیرارای نامدار و قد آور شخصیت صوبیدار
 معتبر خان دیر کو ہستانو ڈھوک دراری اوشوئے۔ نواب شہجان خانو باڈی گاڑوای کمپنیو غچی کیونو
 صوبیدار معتبر خان تان جیر و برار، تان گو میت ”تان ارٹا لور برار وچ تان ارٹا لور تسم گنی راؤ لیبو آنہ
 سی غیر ی پناہ مشکھی چھیتزارہ کیو جوڈیشل کونسلو شیکلی عمارتو اچو بند حویلیو سم میر شکاران چے
 یورجان ای کمہ ختان و قوشخانہ شاؤنی۔ گیرزی گیروان ای کمہ بسو کھین ہے ڈغنی ہالینو ہوئی،
 ہے نمایاں صورتی چھٹکیر و لوٹھور و اسپسار و نواب شہجان خان پروشٹی تان تان دربارہ ہالیئے
 استائے، ہے خیرودی مشکھیو ہے غیرتی جوان صوبیدار معتبر خان تن، ہوسم خطبہ بتی چھو یوسورہ انہ
 سی غیر ی چھیتزارہ توریکو یورجان ہے حویلیسی ای ختانی ہیتان ہالینو ہوئے، ای کمہ بس اچو دیرو
 سم لو برابر یئے اچی و شیکو نو بتی، صلاحوسورا معتبر خانو بورڈ و دفتر ا مشکھیئے، امان مشکھی گیروان
 قوشخانو روشدانو شویا بچار نیزی تر وئے ژوان چاکئی غو کینین شیبہ شیبہ ویٹو بوٹئے۔ کھاڑان
 مارینو ہوئے، ہر ایوالی ہیہ روشت لو و دیا و اوشوئے کہ بورڈوای اوچتو ممبر و اشارا ہیہ شوم واقعہ
 ہوئے، و ہر ایوالو ہیہ نو بیکو بس واقعہ ہتو سار پوشیتانی۔ ہے انوس ہے شہیدانن بچے چھیتزارہ
 بولوٹ جلوس جلسہ ہوئے، چھیتزارو روئے ہتے شہیدانن جسان چیو ڈو کو قبرستانہ التی مھتور
 ارینی۔ کندوری سال اچہ پت ہتیتان زیارتار چراغ نسا و اوشوئے۔ شہیدانن یاد امر شیو ہی ای
 کمہ کڑومان ہتے زیارتو وال چھیتزاروای ژان پاک ژا و نوروز خانو نامہ قازی خدارحمت نیزی
 جاری کوری اسور ہی مرثیہ ہتو زندگیو اخیر کیڑوم۔ نوروز اکھار یو حالتہ ہنپے دی تازہ و تندرست
 اسور۔ معتبر خانو اول چھیتزارو چھاو نیہ ہالیئو ہوئے و اچہ کندوری سالہ پت دروسہ دی حال

ہوئے، دیرونوابی ختم بریکاپت، چھیترا روغون امنوزنگوہ ہیہ کھورنوباک داغ یوغ اوچہ موژمسی
۱۹۵۰ء بتی اوٹوئے۔

شہید یو مرتبہ لوٹ زیارتہ مس تاریخ
الہو قدرتار غیر بندوکیہ وس تاریخ
اڑغانہ مایون سیسی لسی چھیترا رہ بر یونو ہوئے
گہنان تقسیم ارینی سوروم گھڑی بونو ہوئی
شہید یو مرتبہ لوٹ.....

چھوچی ویلغیبیلو وختہ گورا ییکین فیئراری
گموریان مارنیکوچین اتالیق برار کھیلاری
شہید یو مرتبہ لوٹ.....

اللہو مدار غیر مدگار کرا اسور
شہیدانن زیارتہ نوروزخان پیرہ اسور
شہید یو مرتبہ لوٹ زیارتہ مس تاریخ
الہو قدرتار غیر بندوکیہ وس تاریخ
اڑغانا مایون لی غیر یچیو وڈو کہ غیب ہوئے
سرفراز شاہتہ مارنیکو شک رویان کیا غیب ہوئے

مایون

اصل نام ہمایون شاہ عرف مایون، ہنزہ پروشی تلیرو "ہسپر" نامین دیہار اہل تھیو
 موٹار و وزیرے قمار اوشوئے۔ چھیترا اگیتی سنی پروہدائے۔ میجر گارڈن گلہن دیتی اوہل
 چھیترا روتے گیرکا ہمایون شاہ شدار حیثیت چھیترا گیتی ملکیا ن سُم کندوری سال پٹیکو گا زاحال بیرو
 بیرائی۔ ہر دیار خدمت کو رو پوٹیکل اسمتھ پت ہوتے تعارفی سندت دی دیتی آستانی۔ مایون
 امیر عبدالرحمن خانو بدخشانو سورہ حملو مٹا "میریاری بیگ اولیو اولاد کہ تہان دُور و جائیداد فیض آباد
 وچھتہ اوشوئے "ہوتے باغ میران دی ریر" امان الملک میتار و دورہ، میر لطیف اوچے میر کریم
 بیگ گری چھیترا رے گیکو، گولڈ و روز رکھان گازو سُم شیرو جائیداد و میر لطیفوتے دیتی آباد کورینوہ و
 برائے، میر لطیف لالو و وری خونجہ نامین ژور و سورہ غنچ توری چھیترا و عشقی طہیتو موسم ہو خیالان دی
 بسٹ و خور آریر۔ مایون عشقو لہازی دوسی تان فر قار بوغا و ہائے۔ وور یو الوئی پھاریوت راہی ہیتی
 پونہ دو یان، زیچتا و سونو بو یان۔ چھیترا رے اٹکیئے میتار مایونو بو سخت بان ویران اہیئی ٹیکا فرنگی خبار
 ہیتی ہے جوابہ اتالیق سرفراز شواہی مشکھی "کہ اسپہ شدار و سُم ہموش شومی و زیادتی کو ہوئے رے
 ہتیت بان دیندیان۔ میر لطیف لالو خاندانوی پھولوک ژاؤ میر محمد نسیمو چے تو ژاؤ میر حسین لالو سُم
 جتہ او سور ہتائے۔ وور یو الحضر ت میتار ہمایون شوتے اچی دینتائے۔ مایون تان عشقو تر جمانیو
 ہتے وختو نو یو کو شاعر خدا رمتو چاکے کوریر و برائے۔ تو نامہ ہے یادگار کڑوم خدا رمتو ہتوت بسٹ
 کارو وور یو لوٹھور و اسپسار پھار بدخشانہ تن موش وینی اوشوئی و تے ای والی برینیا پٹھان
 ہمارو بلو ارغال اوشوئے۔ مایونو ژاؤ و نام عبدالرحمت و توتروئے ژیراؤ صیف زمان، صاحب
 زمان سید ظفر آسوانی۔

مَریمیان مَرورائے برار گیدیان دژائے میان دژاودور
 آشرو آبا سین مہ بلبلو سوری سیرناودور

آخردژیمیان ای دی پشم خوشو بیرناودور

لالش کوسی کیئے مہ ژانے چھیتزارو موژین

جنت غیر ی شیر برار گیدیان لطیفو گرزین

لالش کوسی میرزابتی کیئے بازارو موژین

عجب شیلی کیہ مہ ژان تہ تو گرزین

مہ چھیک مہ سُم گیاک اے برار گیدیان مہ بختو سستی

دریاہو موژہ بند بیتی شیر فقیر و کھشتی

مایون دی مایون اے برار گیدیان اوہ د مایون

مایونوژاغہ ژان برار گیدیان رگلتو چے کھیون

میتار ریران مایونے مایون دُستوتے دوم

مہ ژان تہ سورہ نذر میتار پھار بی اچی گوم

ہمیرار گنی زیچتا پت تہ سُم پونغوسی

مہ ژان بدنار اُندرو سیران پونغوسان پوشی

ٹرانگ ٹیکو نسی یولوژیکوہارین کو بوسان

بورس میتارے مہ دُستوتے قہرین کو بوسان

سخیو ملنگ

ہتواصل نام ہش کوست معلوم نکی، سخیو ملنگ ناموسورہ مشہور اوشوئے تور کھوؤ کھوتاری
 چھیتراہ گیر برائے، مخر کھونار بوک آلتی چھیتراہ ارواڑیانہ آباد، تو اولوڈور آڑیانہ وتونست غیراً
 رٹغالوسار سکندر نامین ژاودی آستائے۔ اتلٹی بازارہ تو پھوک دکان دی شیرائے، شو یو دیہاری
 خچین ذق تو دکانہ دیر آشتی ژوا نگیاؤ تے بھین تان حاجتو اشاریان گناک بیرانی۔ تے موژی
 مہی لوژی ملنگ تہانت غش کورک برائے۔ ملنگ مھولی غنچھان سُم ڈرونک قالپی موش اوشوئے
 ، تو خوش رو یوڈور خور کشاندیہا تو نام مت بیگم اوشوئے۔ ملنگ تان ہوانیہ ڈرونک چھامینونسکیکان
 بوتی موژینگولو آہی ورازو ووشکی بی تو غواہیہ ترانگ کوری رفیقو ڈورو ووشکی کوری ہوئے دیاک

برائے

مُت بیگمو پوڑ شیلی تعلینو پرچم

دُنیہ مہ کیہ حاجت اے مہ شرین ژان

بو عالمان بو عزت منان نانواتی ویشکیو سُم بختہ دی توتے نو دیتی، کوس خاطر وکوس موخو
 نو کوری، اویونہ موشانے دیتی آسونی۔ ہے پرنہ تو عشق گدیریتو دیکو چھیتراہ و فیروزہ دیو ابگی، تان
 ڈورار، تو خوش ریو اینہی چھمکیر و توتے دیر برائے۔ جوؤ آرٹغالوسارای ژاؤ، نادر شاہ نامین
 آستائے ہتو غوتروئے ژیراؤ لوٹھور و محمور شاہ حقوت توریتائے خیر ووان جوژیراؤ آسونی۔ منور شاہ
 رگینو چے محترم شاہ ہتونامہ مشہور کڑومان دی خدا رحمت نیزی ملنگوت بٹس کوری جاری کار دو برائے
 (سخیو ملنگو ژانک و پوشیران سارکارہ تور او شیر کی صرفی ای مکالہ ہمار سخیو مزارہ پت پوئی و نموتی
 زیارت بی اچی گیر برائے) تان تو غوغنی ایشو کھوژانغین گیاؤ تو غواہیہ اسنی منیلسان گرم کوراک

ٹرانگ ٹیکٹوئیسی یولوژیکوگولدر گولو شیر
 قلمدار ہوتا مژان برار کیدیان کھشتی گوڑو شیر
 ٹرانگ ٹیکٹوئیسی یولوژیکوگولدر پست ناپور
 گولدر و خوبنا ن موژی مہ یورس ناپور
 دولت کی تہ شیر حاکمئے شخو موژی ہے
 زندانی دیتی مہ بلبلو ژانو موژی ہے
 لاش کوسی تعلیمگنی کیئے ووری ڈردانہ
 ووری نوغورو بند اسور مایون پروانہ



برائے تو نامہ بشاؤ نوہمیت :-

مہ ارمان مسوتے بویان مس تہ گوڑا تاریئے
 مہ جھیک میرزائی نوکوروئے کی آریروئے مریئے
 بختو آنوس اژیروروئے تان مقصدی تاریئے
 مہ ارمان مسوتے بویان مس تہ گوڑہ بس نووا
 اویونا سور خمو دوری تہ چستی آبس نووا
 اٹانمیو ٹیکہ رگیکو متے گوئے تہ ووری
 کھوہستانا دست موگنور مہ ملنگو کوری
 تہ ملنگ کہ بریسام تان مقصدی توری
 مہ ارمان مسوتے-----

تہ ملنگ چغیوی ملنگ تہ تت بولوٹ قامدارئے
 مہ لعلو زنگار کی ارواویونی مہ وامدارئے
 بیزیکی مہ واغو ٹیپے مہ واغ تہ حلالیئے
 مہ ارمان مسوتے-----

مہ کیڑیک تہ برارو پروٹہ شیطانو عبادتے
 ژومبوچے کا ژوم نیزیم ملنگان عادتے
 کیانی کوم بخو ملنگ رویان مہ سم مدتے
 مہ ارمان مسوتے-----

ملکو دشمنان گنی ننوتی گیروئے
 مه حقایلو بشکالی مه بلبلو بیروئے
 کیانی کوم خیمنگ ژان اللہودیروئے

----- مه ارمان مسوتے -----

ملکو آپسراں گنی اوہ ہتام سلامو
 نہ دشمنانو موخو ارو نہ خدا یو کلامو
 مه ژان تان خدا یوتے لومومارے تان غلامو

----- مه ارمان مسوتے -----

زرین کاوش تہ پونگانے زارسمہ کوم تھنوتے
 رویانے رحمت کورورکی جعفریاتو کانوتے
 مه رفیقوبیری ناؤرزور بویان مه ژانوتے

----- مه ارمان مسوتے -----

گل حسین

تان وختو بو چھاغدار شیلی صورتی میانہ قد جوان، بہد وراتالیقو خیر و ژاؤ، اتالیق سرفراز شو برار،
 اعلیٰ حضرت مینار و گو میت، خوش وقت المملکو، خوش احمد المملکو چے میجر محی الدینو تینو شنگوری برار
 پرانوا سکونٹا "لوئییا" صوبہ دار مئی ۱۹۱۹ء برکوٹو لام، چھیترا روو و لٹیار کابلو حملہ کورک بولوسم ڈنجدیتی،
 سرویل نسی برکوٹا رکابلیان نست درے آلاوا۔ کانتو اوسی چینگ دشمنو ویشو توری امانت ژانو
 پیو بیجائی۔ چھیتراہ انگیتی تور دیہو معذتیو شانہ متھور کورونو ہوئے۔ یادگار ای پولوک ژورانسپکٹر
 صد بارخان مرحوموارغال و شاہ احمد ونانی اوشوئے۔ لوٹ گوہاری ہو چھیرنن خدا رحمتو جاکے تو یادا
 جو کڑوم نیز بیجائے۔ کڑوم ہیبت:-

ہائے ہائے گل حسین چھوئی ختانی کیکو بنداس تاریخ
 کھوہستانو فقیر جو کڑوم تے نیم خور کیہ وس تاریخ
 ہائے ہائے گل حسین ہم بو انوقاندہ ژانگہ پروشی بوئے
 سلطان شہ صبدار ای تھو یک نو بھی بازو کشکی بوئے
 ہائے ہائے گل حسین چھوئی ختانی-----
 ہائے ہائے گل حسین تہ چھیر وغون پازولئی فری اریر
 گلہ میناروتے کافر ان دستہ چھماری آریر
 ہائے ہائے گل حسین چھوئی ختانی-----
 ہائے ہائے گل حسین تو ژانگوتے، سان تان بولوسورہ
 دنیو کیہ بقہ چھوتی نخ بیڈیان چھیر گوڑوسورہ

ہائے ہائے گل حسین چھوٹی ختانی-----
 چھیترا رو لکینہ ای چھیر گوڑی او شوئے ای ڈلد لانو
 نئے کر لہو ڈیرای شاریکی او شوئے ای بلیلا نو

☆☆

ہائے ہائے مہ بلبل، مہ بلبل تہ پھر یٹو گل نرگسو غون
 تہ غیروم آوہ تہ نسین ہی روئے گوغ مکسو غون
 بیتار متہ قہرین مہ جنت چھیترا ررنی ڈڑیئے اسور
 غیر ی گوم نور بان نکہان بالچہ مہ حالی اسور
 ہائے ہائے مہ بلبل یہ زیدان ختانی کچہ ہیر و ہوئے
 رخم متہ کورے قلمدارو ہردی پولی پھیر و ہوئے
 ہائے ہائے مہ بلبل یہ زیدان ختانی-----
 بلچ و کیہ ڈانہ نہ شالی یرا بوئے نہ دی سیری جو
 ڈقو جنت چھیترا درو درخت شیونیاں ملکو کرو جو
 ہائے ہائے مہ بلبل یہ زیدان ختانی-----
 رویان کوس کیہ خیال یہ گدیری خیق ڈق کوڑو سیران رے
 ملکو عزیز و روئے ہوٹس کوئے قلمدارو ہردی او شلو سیران اے
 ہائے ہائے مہ بلبل یہ زیدان ختانی-----
 بلچ دو دوران ماڑ ڈق دو دوران مڑہ قوش کوری اسم

چھیترا ہورانن ژانہ متے نو بو بیان رے ہو سکوری اسم
 ارمان مسوتے ژان ڈھوم چھنان موژین چھیر گوڑہ تاریر
 نصیب وچے مہ بخت برابار کی نو ہوئے بے مقست چھیر
 رویان بیری نور ڈوکہ مس کی عیسی اچی غیب ہوئے
 مہ دست مہ سارخہ روئے بشار گنور مہ کیہ عیب ہوئے
 ہائے ہائے مہ بلبل یہ زیدان خنائی-----

رویان بیری نور ڈوکہ مس کی نسائے موژ تو جو ہتی
 ہتھانو ہوئے بوسون خوبانن کسیدیان کروو جو ہتی
 ہائے ہائے مہ بلبل یہ زیدان خنائی-----

نہ شکور بنی آدم شکر نوار تیم تان چھیترا رو اسم
 بیتار دورو گنی کیہ مہ بلہہ دریتائے شاشو تارو اسم
 ہائے ہائے مہ بلبل یہ زیدان خنائی-----

رویان گو کیہ خیال یہ گدیری حقیق ڈق کوڑو سیران رے
 ملکوعزیز وروئے ہو سکوائے قلمدار و ہردی پولو سیران رے
 ہائے ہائے مہ بلبل یہ زیدان خنائی-----

مہ ژان تورین پھار چھو ڈق موژی راہنبنین پھاری کیکہ دوم
 گمبوریان متے دیت تہ عشقو گمبوریان ڈق شو نکھیکہ دوم

مینار ریران تورفت کجائی باز آمد پرسان موسار کورور
 دُور کی نوپراؤ گدائے بیتی بیم ژانے مہ کھوڑ خوراچھر ور
 دو دور گازوغ اللہ موکورار کی تان قدرتہ اسپتے نصیب
 جنت چھترارو واغشی جو انانن مستوچہ کیا اسیک
 عیبو سورو درے پھنسی مہ کورانی ہسے دی مناسب
 دیہو خوبان البت مہ سُم دِش متے قہرین نوکورونیاں سلام
 مت مسلمان مہ ہتھنو رویانے کافر میتان سارجم
 دیوانیکے تان تھو اروا ہوتے لوڑے موکورے شیتھنی
 خبار گنور عارفان ساری تیت بغانی کیہ گنی
 ترے ژون مہ آچہ جوالی مہ پروشنہ مہ کسینان ژا سپرک مہ پیرہ دار
 ترے شور بولوتے پرواہ نوکورومان چھترارو قلمدار
 کسٹمنان چھنی کوٹو وودو پھسی ڈق بیم چھترارو مستوچو ہوئے شورو
 مستوچو مینار مہ مہ غورا کہ نوہا اوغو دریم تان سورو
 راہین بوغادہ رہو بند آری مہ چھیر اہیکئی تہ چھیر گوڑو ووری
 تو بے غم بیتی نشاؤ سورخمو ووری کیہ مہ گدیری کوری
 جنتو باغداست نیشی اُسور مہ یاردوستان ہوران مو پیرہ دار
 ای او مہ سُم دیت مہ لوگار شریکے تہ سار بوم مینا دار

پایونامہ

ذقیادوان اوشوتم مہ نام اوشوئے چڑوی کافر

زر ویو حالائیکس خاکسار بیتی برین بوئے آخر

حوالہ خان مہ مست آریر گھل روموسار مہ نست آریر

مہربان پڑال بیتی شالی پھونومہ رست آریر

اوہ بیم گوخشا لوتے اچی نوگوم تہ شالوتے

اوہ کی تہ مال بیریت خبار گنے مہ حالوتے

ٹیکو موسینان ژوتی بسوتے بیم پھار ہے اچو

تھلب شہ چوون مہ دیتی مہ پرش نغوی پچو پچو

اوہ کی تہ مال بیریم خبار گنے مہ حالوتے

بج نوانگوس تان مالوتے دونیک گنی گوس شالوتے

ہائے مہ ارمان گوخشا لوتے اچی نوگوم تہ شالوتے

خدا اووتے


تاوونو تو ز پھیس رے مہ ژانی کیہ گمان
 پہ جھو غیا منشور نسائے یہ خداؤن سید آمان
 ٹو کی رُو زینہ ژیبوس خوئے انڈین خوئے چٹی
 مہ بوسونو نچو غاروتھ گھلیتاؤ تو ژوتی
 ای قفہ پھولو کو بچے مہ مریسان خون کوری
 ای تے خاتیر کوزیکوران تو بوسان خماری

خورو تے

اوہ تان ژو پھیر یتیم مہ خیال یہ آبادارے
 ہر وٹس مہ کیہ گمان کہ محمد رحیمو تمہدارے
 مہہ رحیم ژاؤ کیہ آری تانتے خورہ وال آری
 پھیاروشوکان دیتی ادر خوتے پھر وال آری

ریسوؤ نامہ

پھیرار گولتو موٹیج بورے مہ چکیدیان
ریسوؤ ہر دومت بوتی کش دراوڈرتان تکیدیان



ملکارنی داڑنیکو موقا آرنڈ ارتان دُست آرکار یوشاہ شہزادہ لیسوت ہیہ پیغاموکار دو بیرائے:

اوہ بغاتم تُو اُسو سیئے مہ غورہ گوسہ مہ رخنش



عملدار خان

دیوانہ گی وفادار خانو اوشت ڈیڑاؤ، محمد افضل خان، عبدالرحیم خان، عملدار خان،
 اقبالدار خان، اسلام الدین، بہاؤ الدین، حیدر خان اوچہ شمس الدین، ترویولبرو ڈاؤ عملدار
 خان ۱۸۹۰ء چھیترا رو دیوانہ گی ڈوری زرگراندیہا اڑی اُستائے، فارسیہ کم روسبق ریرو، ریاستی
 دورادروس، اُرخونا میرزہ و منچی ونوغ تنظیمار اچی چھیترا رپلو سہ محریر بھی ۱۹۵۸ء عیسویا ملازمتار پنشن
 ہتی تت ہٹی ڈور ڈوغورابی زندگیو دس ایشماران شتی سال ۱۹۷۴ء خدایو دیرو امانت ژانو پڑھیٹائے
 - ڈقیابیس دی عشقو میدانہ غدار لاکھیران جیرا شامل ادشوائے تو ناموسم منسوب بشاؤ نوہمیت :-
 خورد دست موگنے کیہ مہ ژان اوہ تہ مزدور

چھٹکل چھٹان پھورینین ڈردانہ ڈغور

تہ موش بختور کیہ مہ ژان تو جنتو حور

| | |
|---|---|
| اندرینی گویان مہ دینار تہ بریکی تھان | ژوغور کی تہ دور کیہ مہ ژان چھیترا مہ و تھنی |
| نصیب نو بویان رویانے گل گمور یوسم | ژوغور کی تہ دور کیہ مہ ژان ڈق شو تو اسم |
| فقیر و گل خن مہ جم روئے تہ درو کاڑی شیر | چنار و گوخو کیہ مہ ژان مایون مڑی شیر |
| تہ موش بختور کیہ مہ ژان تو جنتو حور | جنت غیر کیہ مہ ژان بچکی ژوغور |
| سکینین مہ دیت کیہ مہ ژان تہ کی قہر شیر | ژانگ نیلکہ تہ دور کیہ مہ ژان گوجو شہر شیر |
| اللہو دیرو چوڑی نیو ڈق تہ سم باژیم | شدار کی دی کوم کیہ مہ ژان شران دی مڑیم |
| گلہ بھچتائے بھنہ کومور اتانے | اُرخونا اسم کیہ مہ ژان دشمنان تہ |
| اللہو دیرو چوڑی نیو ڈق تہ سم یوم | نو کری دی کوم کیہ مہ ژان شران مڑیم |

اُرخونورا جو کڑوم

خوشوقتے قاتار مُلک آمان تانینو ژاؤ ”چھیتر ارو مختوم آبادا“ آباد مقدس آمانو خیر و برار
 راجہ، اصل نام راجہ عبدالقادر عرف راجہ ۱۸۹۸ء پھاریار چھیتر ارہ هائے، میانہ قد شیلی صورتو سُم
 ہوجیتہ انکارہٹی پہلوان بیڈیہی جوان اوشوئے۔ چھیتر ارو پرانو اسکوت ”لویا“ بھرتی بتی تان
 ہوشیار یوچے اوچوتین تیز ترقی کوراؤ هائے اول حوالدار آچہ ”نائب صوبیدار یوھوداہت هائے،
 پس مستچاندیہہ چھیتر ارہ او یونا، دروسا، نغرا، پٹیا، اوچہ اُرخونا حال هوائے، اُرخونا تن جاگیر ہوت
 توریتائے۔ ہونا موسار ہو عرف زیات مشہور اوشوئے، فرنگیان دی ہوتے راجہ راؤ بیرانی پس
 قلمدار طبیہو سادہ زندگی شجھاؤ اوشوئے۔ قدیمو چالائے انجیک خوشیاؤ تائے، کیہوت اُرخونا،
 شوآ لکوسم جُستہ بورانچی بشگالیان کون یا تچنگ ژیکان بوتی تے سوری پیتادہ دیتی چھیتر ارٹو گیاک،
 تان یارانن پوشی ہے چلایہ تن اچی اُرخونوت بوغک بیرائے، ای روایتو مطابقتہ ہونان شیر افضل
 خان میتارو ژور و تو اُرخال دَمیکار میتارو ژوان موژار اوشوئے۔ راجوای ژور چھیتر ارو بکامکا ویسکو
 بتی اوشوئے، جوؤ ژور راجہ سلطان ولی خان مرحوم سُمالیو اُرخال اوشوئے، ہشتا چھہ مختوم آبادا
 خورشیدونانی دی ہتو ژور۔ راجوژ اوؤ نام شیر افضل و ہوتے سردار میکی دی رینی ڈاقیوچ جو انیو عشقو
 عواضہ دیتی چھیتر ارار اُرخونابی آباد هوائے وہتیرہ تن حقوتے توریتائے۔

تو زندگیو یادگار بشاؤ نوہیت:-

اُده ژان کیانی بوم دُستو دُور پچھانی مژان هائے اوہ گدیری تہ مخور غچھان
 تہ بکو آنوس کی خبار بیسامے مژان تہ دہانیشی زروخ زروخ کیٹریام

اُده ژان کیانی بوم دُستو دُور پچھانی مژان

تہ دیہہ مہ بوخوش ژنئے تہ کورئے مژان ہائے بودودیر یار گوئے پر چمان ووری

اوه ژان کیانی بوم دستو دور پچھانی مژان

کلخو لتو کیو کلخول مہ تراگووئے مژان میرزانو ژور ہو سنگدان زرگوو

اوه ژان کیانی بوم دستو دور پچھانی مژان

تہ دوری کھیو گومی روئے ژائے ورونئے مژان لہش کوسی گئے زار تہ سار چھارونی

اوه ژان کیانی بوم دستو دور پچھانی مژان

تہ دست کو الدار شور بولو سورئے مژان مہ ژان صداقہ پتھیر گوژو سورہ

اوه ژان کیانی بوم دستو دور پچھانی مژان

اسکوڑ اسم راجہ کو الدارئے مژان مزدان تو نجی اسم خوشو و مدار

اوه ژان کیانی بوم دستو دور پچھانی مژان

گرافش موکو سے تہ یور چکورئے مژان ونگہ کیہ مراض تہ سم چکاور

اوه ژان کیانی بوم دستو دور پچھانی مژان

اوه تہ لوژک تومہ نولوژ کیئے مژان یاری نو دو یان پھیر و فلکیئے مژان

اوه ژان کیانی بوم دستو دور پچھانی مژان

کھنچو پتھینین میو پوشکیئے مژان عجب شینلی میو کوسکئے مژان

راہن بوغادہ رتھی دونین بوئے مژان دشمنو پوشی مہ لیئے مؤزین بوئے

تہ داؤ راجلہ واؤ راجلہ واؤے مژان ہارزا سیلہ کوری مہ ہوشوا داوے مہ مژان

اوه ژان کیانی بوم دستو دور پچھانی مژان

نادر ملک

لوٹ کو ہو علاقائی حکمران مرید دستگیر واوشٹ ڈیراؤ شہزادہ ملک، عبدالمجید خان، غلام
 حیدر، میر حمزہ، شیر حمزہ، پُردوم حمزہ، جنگور شاہ اوچے عبد الرحمن تان وختو بو معتبر اوشونی۔ لوٹھورو
 ڈاؤ شہزادہ منکو ڈاؤ اصل نام نادر ملک عرف نادر۔ قوت میراثہ توریرو جاگیر پرابیکہ آباد
 اوشوئے چھیترا رو بوروئے ہوڈ تک۔ تان پیو غون غچی گیونو قالیسی موڑہ ریکش سورہ پھریشوان سُم
 چھاغدار موش، پرابیکہ آباد بیکار آچی بزینا جدا کھے قامار نامدار موش جم موشیو ڈوروشاہ بمبورو
 اسپسار زولینو سُم ہردی جو کیلین پروانہ غیر کی کوسیکا پرانے۔ قو چھیرن تن دیکن ہو لو و دیکو
 نو ہوئے، تو کچین کڑوم نیز او تسورودلا سہ کورا و ہائے۔ تان خوشو تے پنچارش دی را و تائے۔
 ای ہنگار غیر ہوتما می ہانگین ہو عشقو ترجمانی نمایان بویان۔ ای آنوس ہاش دی ہائے، کہ
 ذولینو خدایو حق توری ہمیشہ ہمیشو کچین سور او ردیتی پانی بوم چھو تیا تھور ہوئے۔ نادر سوروزوم
 نشیو ڈیتانی، دُنیہ تو ترا نکلیسی الائے۔ نادر تو کمبد ونسہ بی پیا موش کوری، گل خان دیتی پچھین ہوئے
 ای چھو یو سورہ ڈیشو چے مہمت ہیم کوریکا پت ہو شہ نو ہائے۔ چھوچی بیکوروئے گیتی ہو گئی
 دُوروت آوانی۔ ہمیشو بچے اوراری بوغدو ڈلیخو غونہ ولیمانولیم رے ^{مشکھی} بی ہیرا ہیرا ریرا خان
 بیتی ارکار یو او ویرابی۔ ہو بہو ہتو صورتہ ای نوچہ چمکیر سورہ غنج توری تائے تان بچے تولو و پرانے،
 و پچھیتائے۔ توتے پرانی۔ اویلور فیت تان وختو پختان سار پخت نمکینان سار نمکین، شیلیان سار
 شیلی، و سور تیان سار صورتی اوشوئے۔ نادر کراچیا پت دُنیہ پونی آیتائے۔ و ڈقنو، بوانیو چے
 اکھا بربو بارا کیولی جم رے بوانانن ساروا اکھا بربانن سار خبار گنا و تائے۔ نادر ملک بو عمر ^{مختی}
 پرابیکان امانت ڈانو پربیتائے۔ خدائے دیرو و چے غازی امار بیگ (امیر بیگ نادر منکو یادگار

ڈیراؤ آسونی۔ کڑوم ہمیت:-

لش کوسی میرزہ بتی گئے می روئے تہ لڑینی
 مہ ژانو پرچم مہورین غیرونی
 ادینو آنوس تہ دُوری گوئیے
 تہ بانہ خوپی ذق گمبوری دوئیے
 چھیروغو چھارہ گیاؤ چھیر ہوستان نیگے کی
 الہونامہ تہ ثوت زولجہ اسپہ مومارے کی
 سوئرو کھوئے سورودیت چھینے تہ پھوران
 چھوچھنن رشتی کو بیان مہ ژانے تہ توو تھان
 سوئرو کھوئے سورودیت اخلے تہ پھورانے
 زلیجہ لاش کوسی گئے تہ تو بہتھانے

☆☆

دُستے اجازت متے کولا کے تہ دستومرانی مہ ژان صداقہ
 تہ صینتان کورین نوبوئے تہ تحریر دی بوڈرنگار ڈو دردانہ
 دُست مہ بیوفا موجود تہ شیرین ژانودوم تہ بچے موبوس بیگانہ
 شہم ہل شیر ہر دیو وڈسکی جو غنچ دستوسورا توری مہ ہر دی پلوئی
 ہر دی متے کیہ ریران ڈزرو پھی دستوپوشی گئے ہیرار آلوی
 ہزار وچے ای بہنا ہنون تان دُستو پوشیکو اوہ تیاری

مہ ژان تو انصف رخم کوژن زروٹھی مہ پاز تو نسائے مس مختو لوژی
 مہ ژان تو تان لرو دیت ڈق کیہ جستوم خور رویان مکم لوؤ لاژیم
 مہ ژان تان اسکیم ژورویان لغل ہوستین اچی کو مسموختو لاژیم
 اوہ ایرانو جوان گیتی اسم تہ سلما مو اچی بیان ایرانو فقیر
 دو چہارہ گیتی سلما مونو کنیر ان اے برابر کیدیان زمانہ اخیر



شہ شمار توری سف مہ تھو دورے
 کیانی کوروم برار مہ پچھیر برارو ژورے
 ڈقو نور غچی دیوان زونجو میکے
 زونجو میکوتے گیارہائے ژان مہ ہر دیو چھو میکے
 چھیکے لاش کوسی گئے می روئے تہ لاژینے
 دستو شون دون و غچ برو ژانے روئے مارے مکے
 پچھیرار باچھو ژانہ مہ ژانہ کا پلے
 مت و کیہ فائدہ بیٹی شیر مہ ژان دروشپ مہ تھو دورے
 مہ دینارو نامہ ای گلا سیے
 عاشقی کوریک کیہ مہ میرا سیے
 الہیے کیانی بوم مژان راہی اریرے
 جگار ان سورو مہ لیتی ناری اریرے

ژانوسارخوش دی توتن تہ گنی بہم اوہ تن

تہ تھان قہور وکان تہ ووری ابیر تن
موکورے متے بچھان ژان تان ٹیلی غچھن

یہ مس پنجرش بیرومہ دست کورہ نور گیر و

شکور کوراؤ کسیمان اللہ تہ متے دیرو

----- ژانوسارخوش دی توتن -----

مہ رفیق عشر و بویک پوشین بونے بختو سورہ

تہ کی اللہ متے پرانے نشے سام تختو سورہ

----- ژانوسارخوش دی توتن -----

مہ دینار آدمی پخت قو لو سورہ تو مہ دست

مہ بہتی ہزار سالامہ آروہ بونے تہ سم بخت

----- ژانوسارخوش دی توتن -----

مہ دینار آنگ بر و نو گونے چوڑیکو مہ گونہ گونے

ڈقو بلبل شریکی چوڑاؤ ہوستو دونہ دوئے

----- ژانوسارخوش دی توتن -----

رفیقو دور پونہ شیر جگارورنجی قونہ شیر

تہ ہے داغیو چمٹ ہمیشہ مہ دونہ شیر

----- ژانوسارخوش دی توتن -----

نادر ہی کڑومان موڑ بسقیر و غلام قادر و ت بس کوری جاری کار دو بیرائے

ہردیو باتین ہروش مو بوس ہوتم گدیری کم دورہ بسوت گومان ادریت ہوتم پیری
مہ کومریمان تان ارمانا گھر زہیر ژیری

کابلو ڈرانو غونہ دست نیزہ گنیرے تموشی ژورو کھوستولوان ہردیا گنیرے

----- ہردیو باتین ہروش مو بوس ہوتم گدیری -----

مہ شان مصر و عزیز و غونہ باؤ باغی کسیر مہ بوکتو گیا وہ اوج کھشنو مہ دست کیہ پشیر

----- ہردیو باتین ہروش مو بوس ہوتم گدیری -----


مہ سمیری دیتی نیزے کیئے گولوسید مقستی توری کی پر یوم مہ بریک شہید

----- ہردیو باتین ہروش مو بوس ہوتم گدیری -----

تان یار برابر ان گنی دست سیلوتے گونے اسکیم ژورونی مہ رفیتور وان سور و کھونے

----- ہردیو باتین ہروش مو بوس ہوتم گدیری -----

مسمیری دیتی نیز کی سید مہ مہربان قالب تہ پروانہ مہ ژانے ژان تہ قربان



چلیکیو چھانے مژن تہ شرانہ بیدانے کھیکوروم تہ صفتان سوکھو پھولوک دُر دانے

اندرینو بنجوانگار جوش کورویان بیدوانے

اوہ راہی کوری گوم بسوتے گوم تہ دربارہ مونے گوسہ نوگوس دردانے مہ خبارہ

----- چلیکیو چھانے مژن تہ شرانہ بیدانے -----

پھارو بیر موغو موڑہ مہ دینارو بن گلیے اللہ تہ متے نو پر اے رویا نتے مہ کیہ گلہ یے
چلیکیو چھاغے مژن تہ شرانہ بیدانے

مژنے بیر یے یورو ویلٹیا رتہ خرنی نادی تہ عشقو غلام روئے متے ہزار کیہ رینی
چلیکیو چھاغے مژن تہ شرانہ بیدانے

یہ سورخم نوہ یوران یہ کی بریو رژن خلے کیہ ہسکویان تہ قدر روئے نو بیرو پچلے
چلیکیو چھاغے مژن تہ شرانہ بیدانے

خوشون تہ بے رخم تہ گدیریو کا آسونی زرودیتی تہ کر بیہمان البت متے شوئے جسونی
چلیکیو چھاغے مژن تہ شرانہ بیدانے

مہ ژنو تھان بریکی سورہ شہ پرچم غیزوچی تہ شوکھور شو نو سورہ ژائی بیڑو نسکار بریکی
چلیکیو چھاغے مژن تہ شرانہ بیدانے

شہ پھورا چو آلو می شیر تھانو سم برابر ڈقو میرزہ پرچمدار مہ ژانو سم برابر
چلیکیو چھاغے مژن تہ شرانہ بیدانے

شہ پھوران آچو اولیے شیر تھانو سم برابر ڈقو میرزہ پرچمدار مہ ژانو سم برابر
پچھیہ تہ تان و تھنو ڈق گدائے لہ ڈق گدائے مقستان درست کوروئے مہ لوٹ نیسی لوٹ خدائے

چلیکیو چھاغے مژن تہ شرانہ بیدانے

زرین کاووش تہ پونگانے زرسمہ کوم تھنوتے ہی لو ان کوس نہ دوم زرور بو یان ژنوتے

چلیکیو چھاغے مژن تہ شرانہ بیدانے

دست سیری کی ہوئے شہ پھورا چو آلیے شیر کیڑیمان زاروزار ژنئے قسمت کچہ اور یے شیر

چلیکیو چھاغے مژن تہ شرانہ بیدانے
 درشپ مہ تو بتھانے ہیغار مته کیہ فاندہ ہر چھوچینین بیر نسیر ژنئے مہ بلبلوقاعدہ
 چلیکیو چھاغے مژن تہ شرانہ بیدانے



یوروج مسوغونہ بتی دُست بیر زسائے آخر او بر یتیم مہ دینارو ہر دیار زسائے
 کم بخت بیر یتیم نار آژی دُنیہ مہ او یوئے گلاپ گمبوری خور و باغہ و وُری کچہ گوئے
 یوروج مسوغونہ بتی

گھنچو فیکھینین گوئے کیہ مہ ژان اوچ تاو وُ سوغون جنت تہ شران اے مہ دینار فرد وُ سوغون
 یوروج مسوغونہ بتی

گل مان

قمرے قاماری فرمان بیگو ژاؤ گل مان، تان وختو بوشهور عوامی مذاقی فنکار، ژانگ ہنپے دی ہتو لو ان بودونی۔ جسے مہر کا لوٹ ایشو کھین او سیئے رویان شنگور خینی کورک، نام گنی ہوتے فرمائش دیاؤنی۔ ہوسم ہتی ہے دورا تور کھوؤ ار گیر و جو برار گینی تو تیبو۔ چے شیر قزادی بوشیرہ دار پھر گام کوراؤنی، کا اژغانی وکا پنجابی ہتی گیاؤنی۔ بو بونمکین روئے اوشونی۔ ہنپے صرنی تیان نام بھی تائے۔ پلچھو کو گل مان میان قد اچتو موش، تو لو انت کار کوراروتن گیاؤر، گل مان مئی 1919ء برکوٹو لامہ حصہ کنیر واوشوئے۔ تان پیدا ئیشی دیہہ پلچھو کوتے عاشق سنو غزیر کو چاہیس دی عمر و آخری اولاتو جو انا تے تان دیہو نسین حولی چھنیکو دعوت دیوان۔ گل مانو جو اژغال، کھاڑا نسا رایگان ژور گینی، مکم وے ژاؤ و اوشوئے، ژاؤ نو ایتائے۔ ہزاو طہین ہونو کوری بو عمر شہزادہ ۱۹۸۵ء پلچھو کاتن ہمیشو بچین اوراری بغائے۔ ہتو ساراچی ہیہ علاقہ کھوؤ ارتقا فتو دنیوای حصہ اوسوریتائے۔ تو ژاغودو سیکو کا نو بیتانی۔ تو ای کمہ بشاؤ نو ہیست:-

| | |
|-----------------------------------|--------------------------------|
| ریٹو ٹسکھی لالوڈوری مو بوغور | بے غرازان گیتی مہ ڈیکو لوژور |
| مہ ژن ححق بلبل ححق جیو ححق | برانو ژوتی پو یہ نسہ کیہ شمشق |
| مہ تت گواہ مہ ویرکھالو لوٹ اوشوئے | مہ تہ سُم مقدمہ بو ژوت اوشوئے |
| مہ برانو ای سُر ونگ سلاستالہ شیر | مہ تہ سُم مقدمہ کھاؤسلہ شیر |
| ہائے مہ برائے تہ خیم لاشہ اسور | پرواہ موکو چھیتراہہ باچھہ اسور |
| دوری بغیت لالو سورخم زی کویان | برانو پشور رینیوتے ویزی کویان |

خیر و برار حقوت تو ریکو مر شیو ای کمہ کڑوم

عجب دو دیری کیہ مژان گو بورو یہ پون
 قالب تھنور و موژو مہ ژان ژانہ بنجوقون
 شوتار و پونگہ کیہ مژان مہ برار و ختان
 یار دُست تہ بچے لیئے کیڑینیان تہ دشمان خوشان
 تہ یار برابر ان بچین کیہ مژان ہوست مہ پزی شیر
 قالب تھنورا و یوم گویان ژان نحسی شیر
 تہ یاران موژی کیہ مژان کبیر وفادار
 بے مقست چھوریتاؤ شہ چھوتیا برار و گُسمبار
 تہ یار برابر ان پوشی گدیری ہوتام
 تہ بریکو آنوس اے برار و ژان دودیری ہوتام

تومینلسو یارو ژانی دُست زیارت خان
لوٹ مرضہ حقوت توریکو تو یاد ای بنو کڑوم مرثیہ رے آسور

نیسے مہوس کی تاریخ بیامٹس کوم تہ قہبتہ
تتہ جنت میانسر اللہ کورار تان قدرتہ
اوہ تہ تتہ بیرووا بنجو موڑا نچ کورے سم
سوراری اچی پچھی تہ چھیر گوڑہ بہہ کورے سم
اوہ تہ نن بیرووا بنجو موڑا نچ کورے سم
تہ سورار اچی پچھی تہ چھیر گوڑہ بہہ کورے سم
اوہ تہ تتہ بیرووا ژیر ژڑی گرزین کورے سم
گرزینو موڑو تونسی یارے تہ پازین کورے سم
ہئی ہئی دنیہ تو گھلو آزار اروئے
مایون پوڑیکو وختو موٹس اسپتے ژار اروئے
ہائے بھکی مرض تو کولان سر اروئے
بلبل پوڑیکو وختو اسپتے حقہ ژار اروئے

مئی ۱۹۱۹ء بریکوٹولا موموقا

رشپوت ریران کی تیجھی (ایکسٹران) ہمو کیہ قائدہ ہیہ کھوہستان

رشپٹان چا کیئے مہ کیہ لچھیسان

کڑومان نیران بلہھو کو قاضی دیتی گنیسی تان حقو ماژی

ژانگوتے ارمان تان نارآژی

کڑومان نیران بلہھو کو گل مان کلیم ریسانہ ہیس تہ کیہ گمان

ژانگوتے ارمان تان نارآژی

جنت چھیتراروقواندو وخت ران لوٹ باؤ گویان مہ باچھوتخت

ژانگوتے ارمان تان نارآژی

مظفر الملک جتارودورا

گل مان کیہ ریکو موڑ دیر بہ او یو نوصل تہ ضی تو رے شوڈ جرمان کوری جتاری ذقو صیے آکھیے تھا ابو ہوست
دیتی تان ڈوروتہ اُختر و۔ دی ہے ٹھو یو تن نو نمورہ اہنوک بیرو۔ گل مان تان مادو متا بقدر او
پھر نرو۔

ہوئے پرانی کی اسے گل مان ہنسی پھونے ریکو گل مان رو صبح ہے۔ او یو تن شروع آری کی۔
می روئے متے رینیان کہ یہ رینیا مسدے شوڈ اداے اوع نو تانیا
قیامتو انوس مسانہ تو کون ٹوروزیا

پہ تھرا رو منگی صاحب شور و می کال لوٹ کو ہو دور و کوری آہی گیا او ٹھو کا پاپوت خومسیر گل مان ذ
ای کڑوم رہے آسور:

پروٹنی او شوئے اٹک منہ ہونے گرم
فنگو از براظم سا بوٹانو سا ر خوش ڈرم

ہا

عروا خنی پوگم کو یہ کار، دوست دو سہ کار بی تان گراموٹا اتا تے رے کی۔

دیش کیہ ماگلی ٹھو وٹھیں
اسے گہری کیہ کی مان
گنوار کی اذقان غولی ٹھو ٹھو ٹھو
گنوار تہ کوزہ شیروتہ رین

تور موری خوشو بہتھان موڑ موری روشتی کوروئے
 جم عادت ژانویاروڈوم خوبنا سن موڑوہ پٹیک نئی ہوستی کوروئے
 لودیکوڈست نوپتور شہ

اوہ سلام چھچھیکو مہ سلام اہہ نوچکور نسینین چھر پولوغ
 اوہ تھروٹنی بتی گوم اے مہ ہر دیو باتین تہ شن مہ حقہ یوزوغ
 لودیکوڈست نوپتور شہ

اوہ ادرختو پڑال گسیم جنگلو موژین پریم جنگلو موڑوہ
 تو متے ہیچ کیہ مورہ ژان تان خدا یونا مہ توتان لیکینو موڑوہ
 لودیکوڈست نوپتور شہ



نازنین پری

نازنین پری دی اور غوجو، وکڑومان نیزک دی ہے اولاتری تن، بو پرانو کڑوم، ڈفو
میلیسو چے دول ژیر یہی کڑومان بوخوشیا و تانی، بشا و نونیز کو نام معلوم نہ ہوئے۔ جیتار ان وختہ
اور غوجو کوموش ہے سا و زوتے ہے کڑومان را و پھونا و تائے۔ بشا و نوہمیت :-

ژانے تے غیروم تے ژانوتے غیروم
یہ جھیر گوڑوتے غیروم مس موخوتے غیروم
ژان کی مہ سم گیکو، تہ گنی کو و غیروم
کیہ جہانہ تاروم، اتار پھاری غیروم
اور غوجان پر اچھار، لالش گوم تہ اچھار
نرکار بیلو لو چھار، آشرو موخو غوجھار

ژانے تے غیروم -----
ٹو اور خو پدوم، تہ ژیر باروم کو کدم
شہین غچی زر ڈوم، ڈق تہ سوری غیروم

ژانے تے غیروم -----
گولو گویان ریٹوئے، غیردی شلی پھریٹو
ژان کی مہ سم گیسوئے روشت دُنہ پو شیسو

ژانے تے غیروم -----
اور غوجان حکمت، کروئے گومور و قیمت
ژان و ژن توہمت ہیئت گومور و صفت

ژانے تے غیروم -----
اور غوجو گویان، ژان و ژنو گویان
تہ ا لیکو گویان، مہ ماریکو گویان

ژانے تے غیروم -----
بیڑہ گوموڈ کو اتے، ای پر ڈھیدا کھنیس
مہ عادتن ژانیس ژان وے دولو پھنیس

ژانے تے غیروم -----
ژان نموتی کسی، تان ڈور و کان روچی
ور عالان خونہ بتی، سومیدیان خوپی

ژانے تے غیروم -----
دولی ڈولی پری، زومو چھانہ پوری
انواز شری کوری، ووری مہ سم توری

فردوسِ فردوسی

ژوغورا بونکی قام مجذونے قامار زیارت شوژاؤ ۱۸۹۵ء اثر یروبرائے، تت پڑدوش خان نام لاکھیرو، دیہا گنکو لویاران ہوت پڑدم خان راؤ برانی محمدیہ بیٹی اول دیہو معو بتا اچہ ہیا تو نیکو پرائیویٹ مدرسہ تو نام فردوس خان مشہور ہوئے۔ آغہ سعدی خانوچے تو میکوژاؤ برار خلیل الرحمن مرزا ہتوسم ہم جماعت ای سبتی برانی۔ پشاورا بودرسگاہین بی دینی علموسم جستہ فارسی ادبہ دی ضرورتوتے حت ماہر ہوئے۔ عشقو گرزینی کوسی بشاؤ نو نیزک بیٹی فردوسی تخلص اری۔ مدرسہ اوچے اقبوسکولار فارغ بیٹی چھیتر اروسبول ہسپتالا ہودہ کورک ہوئے۔ سرحد وکیہ علاقار کیتی لوٹ ژوغورا حل باک رحمتو اسپسار کہ حتو نام ”بیجاج“ او شوئے۔ موش وینی او شوئے۔ ہتوسورہ غنج توری فردوسیو ہوش بیجا بیٹی کیہ رگہونولے، نیکدشتو ذریعالوؤ تاریکوژاغا گو کہت پولاتو جو خالی دبلیان موژی شتر بوتی ایغور فیتو کو لیو پچھی تے ایغوتان نشانوژاغا لاکھی ”ہنونو بے شہ پرنگ موبانیلو سار“ یوشا غیروے خرچہ وؤ جم ہر دیار و درونگار لودیکوچے مشقول بیکونوغ تھریقہ نیزیتائے۔ نوکریو پچھی دیرا بغائے ای کمہ سالہ اچی کیتی درسنہ موژکھوؤ گورنر و مرزا بچتائے، ہتے شدار یودی پچھی جو بارہ دیروت بغائے۔ موشوسار ہزاد بیکار اچی رفیقو دی تسم گنی التی استائے دیرونواب شاہ جہانو شدار بکان موژہ غچی گیونو ہوئے، نواب مرحوم توریاستی اہلکاران موژہ شامل کوری تحصیلدار یو ہد اترقی پرائے۔ جو ہوجو سالار زیات مودہ مختلف تحصیلین ہے ہودا خدمت اریر۔ مکم مہ یاریری سہماؤ طبیعتی بندہ ہتے ذمہ دار یو بوق پچھی اچی دروسہ کیتی دروسو گوانر شہزادہ محمد حسام الملکو مہر کا کندوری سالاپت معتبر ہوئے۔ دروسوروئے بو محسبتہ ہتوت ”بھکلوئی“ مرزاراؤ تانی۔ خوشوسار ژاؤ نرینہ اولادنو، و دی تروئے ژور گینی ہونی۔ ای ژورا او یونو موژد دیہہ موش وینی

ادشوائے۔ نومبر ۱۹۶۵ء یاریڈیو پاکستان پشاور اکھوڈار مھر گام شروع بیکار گنی ۱۹۶۸ء یا جاری بیرو
 جمہور اسلام کھوارہ دی تان شعران ذریعہ ادنیار سفار اپت کھوڈار اد بوتے بو قدر و بش خدمت آریر
 - کھوڈار و ترقیہ مرزا فردوسیو بوزیات حصہ شیر۔ ہوستہ گیر و ہتو کلامان انجمن ترقی کھوار چاپ
 کوریتائے۔ عمر و آخری ای کمہ سال رنج بریکانہ بتلا بچی بو مشقت ہوئے۔ مہ پوشیر و تروئے
 ژون فارسی ادبوسم بختہ بختہ پت پوار کھوڈار و ت دی بو کم مدا قابل قدر خدمت آرینی۔ بو
 ژونانت معلوم کہ میرزا فردوسی مرحوم دروسو گوانر شہزادہ محمد حسام الملک مرحوم و کھوڈار کار کوری
 ۱۹۵۳-۵۴ء کھوار و شعری ادب و و سکی توجہ پرانے۔ ہیغار اچی کھوڈار ار غیر خور کیاغ نو نیو ہٹانے
 - لش بیتی ہتے ساعت دی توریتائے کھیو کی انتظار ادشوائے۔ ۱۹۷۳ء اکتوبر مسو ۲۵ تاریخہ
 کرشمان مسی“ رمضان شریفو چھورا او یونی جمارونسہ پشاور احقوت توریتائے۔ خبار بیتی محترم اقبال
 حیات صاحبو چہ اوہ ناصر پورہ اولاتورویان سم بیتی بابا فردوسو چھوتی قابو کھوڈار و تروئے میل کو سی
 چارسدہ روڈا، سابق گورنر خان اسلم خٹک مرحوموت خان قلی خانو قبرستانہ پتھور کورونو ہوئے۔
 علاقو خانان مرحومو بچین بو صدقہ بو ژیتانی۔ ژون غورہ تہ بستی ڈور تو برابر جو انیو موژار نسیرانتے
 ہچیتائے۔ ڈقیور فیت، زندگیویار“ بیجان“ مشہور بہ“ شہ پھوریو“ بچین نیزیرو بشونو، تو زندگیو خزانہ
 رانہ ران زیات بیتی تو یاد و تازہ کونیان۔ بشاونو ہمیت:-

| | |
|----------------------------------|-----------------------------------|
| ژانو پھیمیسان مہ اسکیم پھوری | اوہ تہ سم دیش نو گومان تہ دوری |
| تولینے کیڑی حل موبوس خورو دوری | آوہ تہ گنی نیم کیہ مہ میر ژوری |
| خوپنی سور و دوم خوش کھارو گمبوری | گمبور یو اسپرو یو و چھاروس کندوری |
| مہ پھوری مہ سم دیش متے قہرین | گدیری رینیان ژان تہ کرین |

مہ پھوری مہ سُم دس مَسَم خوروشی مہ پھوریو پرچم پھورینین بوہوشی
 مَسو اچہ استاری شدار بگ مہ پھوری گوموران ہتار بگ
 مہ پھوریو نامو کوسے مولا کھور خوش پھوریو سارنست مہ گورہ لاکھور

 ژانو پکھیسان مہ اسکیم پھوری

گخولتو گونیاں بوست بیتی بوالی ہوش نو اریم مہ رفیق کھیوالی

 ژانو پکھیسان مہ اسکیم پھوری

مہ پھوری مہ سُم دس کروئی اسور پرچمان اخلی پوڑ سوئی اسور

 ژانو پکھیسان مہ اسکیم پھوری

گخولتو گونیاں خوش پھوریو پچے بیج غیری مساروغون مہ پھوریو غنج

 ژانو پکھیسان مہ اسکیم پھوری

پرچم رے نوریم تاڑیو جوڑونی مہ پھوریو پرچم پھورینین غیرونی

 ژانو پکھیسان مہ اسکیم پھوری

تہ تکہ چمہ تہ سورہ شکھور دُستو پوشیتیم الہے شکور

 ژانو پکھیسان مہ اسکیم پھوری

خوش پھوریے موگے دریا نہ اوغوتے تھروشی بندہ گوائے تہ نہ چھاغوتے

 ژانو پکھیسان مہ اسکیم پھوری

مہ پھوریے موکوسے تو گولویکی اسکیم بوردنیاں سورو کھوائے چوٹکی

 ژانو پکھیسان مہ اسکیم پھوری

مہ پھوریے مودیت لشت پچمان آسانہ تہ نظرو وٹکی غنج دوریک آستانہ

بختو تکلیدو گانی عقلو چچی سرمہ کوروم
 کویتو اسپرو چیم تان مسوتے سلمہ کوروم
 ہر یو مان تہ آفسہ دُست کہ گیسوای منہ نہ
 تہ بچین تان جگرو یوڑی کباب قیمہ کوروم
 بختو تکلیدو گانی

ژونو بوئے پیردو قالیب و کی ہوئے اچھی بوسون
 بوچو چھے گل پوڑے بلبل اوہ تن نغمہ کوروم
 بختو تکلیدو گانی

گلو سُم گل بیتی گوم زو خوشم زوخ غیر ی بیم
 نو بوہیم دُستنو سار تانسو نو شیرمہ کوروم
 بختو تکلیدو گانی

مُشرف ہوئے ای قطرہ دُرِ مکنون صبر و سوره
 صبر کوم صبر و میوہ شیرین کی ہوئے لقمہ کوروم
 بختو تکلیدو گانی

امانت ژان بد نو کیہ بوار فلک جہانو
 فردوس تان در مانو مثلِ جُجمہ کوروم
 بختو تکلیدو گانی

یا الہی رحمت باران کو زمینداروتے
یا الہی خیر و برکت کو زمینداروتے

زمنداری حضرت آدمو پیشہ تے میراث بھی ہائے
کیٹیکو ایجا دکوریتائے فرشتہ حضرت آدم تغوسارجی جھی ہائے
شالیو کستانو کورور آسمانہ یور زمینا چھٹھی ہائے
خیر و سخاوت کورور بوژی دیور حقداروتے

یا الہی خیر و برکت کو زمینداروتے
ریٹوانتے اُشے راوے تھلے راوے اچی ہوتے آہاہہ کو
بی دیتی نیروازو کوری تان چھترو جم ای رہہ کو
محنت کورے خواری کو پیداوارو اضافہ کو
ژوکی بوہوئے نیشی ژیبوس خوشان بتی قہقہہ کو

میوہ دار پھوردو بو یور جو چھوکی ہوئے پلکیوانگاروتے
یا الہی خیر و برکت کو زمینداروتے

آہیہ رتھئے دہقانو ژاؤ بازو وہتی دہقانی کو
تان چھیترو تان اوغ کورے سنبھال کورے سورہ رو پھی نگرانی کو
بی دیک کہ ہوئے بی نیک کو آپکہ دیک چھمنی کو
سالو خوراک دوری دیتی بے غم ژیباء سلطانی کو
فمنول خرچی موکورو لوژور پے تان دوری روزگاروتے

یا الہی خیر و برکت کو زمینداروتے
 زیارتہ بمبورتیا مد کلشہ جم کوری کیشور آلو
 میوان جو چھو کورور بوسون کی ہوئے چمبوروغ کوزردالو
 شالی کیشور او یونوغون لشت ژانغین سرحد اتین اندلو
 یومون کی ہوئے بیباغ کوروس کڑی کوروس ژیبیکو جم زووالو
 فردوس سوال کورے خدا یوتے ترقی دوئے تہ وطن چھیتراوتے
 یا الہی خیر و برکت کو زمینداروتے

لوٹ اوو پروموژینار ہنگامن شوہشاؤ نو

گل ریمان بلبیل ریمین لب تو شکر

خوبانن آپار بیگم زما خبر

پروانہ سوخت ژان ہدم بے خبر

دستونان تیغون تن کوروئے بھگی نو کوروئے

دستو غیج آجلو ویسوز خمی نو کوروئے

گل ریمان بلبیل ریمین -----

درویش قلمدار و نام ڈقو نام درویش

کھوؤ ارکڑوم چھیک نیزینیان فارسی ڈقو بیس

گل ریمان بلبیل ریمین -----

تیغونو خطبہ کورونیان زہج پلمھکو سم

شو کھورشن و کھیو تمسیل بوئے نس آپا کو سم

گل ریمان بلبیل ریمین -----


غزل خان

نن تان لاکھیر و نام غزل خان، ژا سپرو بروکا قدیماری آباد شاہ میرے قامو "شاہ یورے" شاخاری دنیا شیخ ہوری مھوکی، ختی اوچہ بھو انیو ہیرا شختی، ٹپ عمر ابر کوٹولا ماتان علاقاری حصہ گانک شیر و شران موژا ایس دی شامل برائے۔ ہے ژانگو بارا ہتو ای کمہ کژوم شامل کورونو بتی شینی۔ ہیغارا چیش بتی جنت نظیر کھشمیر و سرینگرادی برصغیر و بوژی بھو ملک پاکستان اوچہ ہندو ستان قائم بکو مو قادی ایس موجود برائے۔ ہے تقسیمو متعلقہ ۱۹۴۸ء راردو ای جو کژوم آشور جانو ہانگہ و سنو غرو زیارت خان زیرک مرحوم موسم ای ملاقاتہ مشتو لگی یار علاوہ غزل خانو ای آشور جان دی سورنکو قارینان خدمتہ پیش کورونو بویان۔ غزل خان زندگیو ای شور اوچہ جوش (110) بوسونیان پوشی ۱۹۶۰ء بروکاتن امانتو پیو میٹائے۔ ہتو ہتھور و مو قاتا مولا حولدار ولد مہربان حکیم تو وصیتو مطابقہ تغوتن آشور جانو ہیہ ای کژوم و موراسور:-

قالب ڈر بار و راہ ژان مثالی پون غوس کوسی بیر
 کورا ہوشو درونیک، کورا باغ بوستان پوشی بیر
 مہ گوہر نیاب ہاتے لوٹ انوسو عاجز نو بریکا پت
 خلا لغتو پروشنہ ہوسی بیر۔

بریکوٹو لاما موموقا غزل خانوای کمرہ بشونو

بیتارو دست کا بیرانی ژا سپرک برخلاف بیکو
 کا بلیو کوژان ساری برکوٹو تین گرین کسی
 آساراپت دیئے آوانی ژا سپرک حامو دیاؤ نووا
 چھیترا روجم جم جوانان پسہ تین کیہ غام کونیان
 برکوٹو مہو رو چھینیتا چھیر گوڑی ٹھونیک نووا
 بیتارو برابر گیدیان موژی جم موٹی افسار اریر
 شیشوخت زخم بیروبلاؤ ورجھیر دو برائے
 جم موٹو ژاؤ ژانگہ بریور دے سو توپ بونو بوئے
 مہ حاکم ژانگوتے بغائے ای پھولوک ژاؤ وگانی
 تان مورچا پیرا ریر مہ ژاؤ حوالدار نووا
 ہامی کھوؤ داید وان ساری گورانیان بونو کوئے
 دروازان غورزی اوتائے او یوغزینہ نووا
 کاٹلا مستی کورونیان دروسا گیتی گوم لیدیان
 غزل خانو ہامی کڑدم اچھوتین پانچی بونیان



"الف" زیر سور "کاف" زبر سور "ھ" بوژین کی بوئے
 ای فقیر و سوال اللھو درگاہا بتی قبولیت نیوشین کی بوئے
 "الف" زیر اکیہ کوئے "الف" بما "کیہ کوئے" "الف" زبر و زبر سے بھی "ل" تو دوئے
 نووونی ماشقی الٹی غام تو دوئے، نادان دستو ساری زیرک دشمن تہ ہائے عمر تہ ای جام لودوئے

غزل خانوچے زیارت خان زیر کو ملاقات مشقو لگی

غزل خان:

اوہ اوچے زیارت خان بیابانہ بخت ہو تم عشقو لو ان ایغو سُم پھیرت کھاڑ ملا نگان ست ہو تم۔

زیارت خان:

غزل خان ایرانو جوان کو ہستا نو دار بوئے ہمیشہ راشین مقرر گمبو ریو غا موژ بیوئی

غزل خان:

گھر ظہیر وتے رور بے وفوتے رورتہ ٹسکی کسیمان مہ غنچ پونہ شیر
موش وختو الیتام خویو ملا نگان داغیو چموٹ اسپہ دونہ شیر

زیارت خان:

سَلو کو کورمان جم ہوش کوئے ہا سے غزل خان غزل خانو ای لو وواغ چھندین ہزاران۔

حبیب گل

قدیمونا موار شاعران جیرا حبیب گلو نام شامل شیر۔ بو پروشمار می کھوار زبان، ادب و ثقافت تے خشکی شعری ادبوت تن وسو مطابقتہ تھرقی دیتی پروشی اکان، کڑوم رکان و بشاؤ نو نیز اکان کیہ نس نیکی۔ سرحدار گنی دروس پہانہ پت بوژون حصہ شیر۔ ہتے دور و کھوار و شاعران جیرا حبیب گل ای نو یو کونام۔ تان وختو بز می میلیسان موڑہ ہتو، ہم مقام او شوئے کھوار زبانو شیر می ای وو سکی، ڈرونکار بحرہ حبیب گلو بشاؤ نان سادہ بیانہ والفاظ شاعر یو خالوچ زوالی ای وو سکی۔ ہتے وختہ نہ ریڈ یو کورا شاؤرنہ دی ٹی وی، موبائل، وی سی آریسی ڈیو کاژاناؤر، ہی بلای بوغمان نام تن کوس کارانو او شوئے ہتے دور و شاعران اوچے میلیسی دروسو، کیسو، او یونوچ بروز و شاعران نو غ بشاؤ نان ہنگا کارو چٹ دیتی راؤ می ہانہ ریکو، چھیترا اروج ژوغور و شاعران تان کڑومان راؤ آف بینی۔ یا یوار بودہ ہین ایشو کھوژا نینین بی میلیسن راؤ جاری کوریکار غیر خور کیہ چارہ نو او شوئی۔ ہے دور و بروز و مشہور شاعر مشرف تان عمر و آخری ہموٹس راؤ آستائے ”کہ اسپہ کڑومان ریکو کھارین آسک، شیخ خوپک برونین بوغک کھک رو پھونیان مکم حبیب گلو ہوا زھیمان کارہ دیکو بو مداپت ژوک آف لشی ہتوت کار کونیان۔ مشرف ہر دیار حبیب گلو شاعر یو، ہنگو چے ہوا زو شیرینیوت خراج تحسین پیش کویان“۔

ژوغور و ہزا د طبیعتی ماحول خوشان موخی حبیب گلو نازک طبیعتی خور آریر۔ تت پہا اصل و تھن دیرو واڑیئے۔ 19 صدیو موژی ہتیرا چھیترا رہ کیتی، تت عمر گل ژوغور و ہنجو گولا آباد ہوئے۔ ہیہ علاقاتن اذغالداری آریر۔ ۲۰ صدیو شوغنی نن تان نمشیر کانوژاؤ اڑیتائے۔ اسکولین بی عام تعلیمو زمانہ نو او شوئے ہے وچہین حبیب گل بنیادی دینی تعلیمار غیر خور کیاغ ریکو نو بیتائے۔ نن تت ہتو بو

شہلی پرورش ارینی۔ شون شینی موخ شہیار جوائی پونگ لاکھی، بزمواستاز ان محفلین شریک باؤ
 ہائے۔ بوم مداوبوساؤ بزموموسیقیوفنہ شہرت لاؤہائے۔ لش بیتی ہتو شہرتارملکو حکمران دی خبار
 بیتی شجاع الملک جیتار ٹسکھی التی نوغوراشدار یہ ہالیتائے۔ ریاستوباڈی گارڈ انا نب صوبیدار یو
 ہودا توری تائے۔ نوغوروتے گیاؤ بوغادو نگہہ ای انوشہلی صورتو سوراحب غنج توریک برابار ہر دیہ
 ژم اوسم، عشقو ترخ بھاس غیر ی سورہ نساے۔ اُستاز حبیب گل، غلام نبی خان پھک برارو چے کرم
 الہی اکرمون گینی ہیہ علاقار بیکو و جہین ہے تر وئے ژونان تان مادری زبان کھو، ار و شعری ادبوتر قیا
 قدر و بش حصہ شیر۔ کھوؤ اراد بوخوش دورک ہیتان ادبی خدمتو کیہ وت دی نورخوتنی۔ حبیب گل
 سنگور ارٹالدار ی کوری استائے۔ ہتوسار ژاؤ محری عبدالاکبر خان رانگی، ”عالم تباہ“ تائین شہر و پھو
 ستاری مہ تھو ای ڈف دی اوشوئے۔ ژوغور گولتوبی اسیکا چوکول دیتی کپال بش بیتی، ہسپتالابریک
 بریک بیکارچی ڈاکھنار ولوادوڑ ہوازا کڑوم ریکو بزمومیلیسان ہیسیتائے۔ حبیب گل استاز
 کافی عمر ژوتی ۱۹۸۲ء حقوت تورتائے۔ تو ژاغوشا کہت میر گل امیر تخلص کوری دسمبر ۱۹۹۵ء پت
 دو سیتائے۔ تو سمیشیر و تو محفلو یاران، عبدالصاحب خان، حسن بہدور، بدی، حاجی خان، حفیظ،
 قیوم، سالار خان، بروز و وزیر اوچے تو شہکت میر گل مرحوم۔ ہتو کڑومانے ہانگ دیتی ستھارا
 جاری کوراک جو والی سنگور امانوچے تو ملگری عبدالصاحب خان ہسے تن ہوؤل ستھاری دوسک
 برائے۔ تو میلیسان پوشیر و تو ژانک ہنہیے دی کھوٹواستیار یان چانچی گونیاں ماہنامہ کھوؤار چاپو
 مارچ تا جولائی ۲۰۰۷ء شمارا شہزادہ تنور الملک حبیب گل مرحوم بارابو پوند یو کوو تفصیلی مضمون نیویشی
 اسور۔ یارانن یاد اشیر و حبیب گلو ای کمہ یادگار بشاؤ و ن ”سورنکو“ قارینان خدمتہ پیش کورونو بو یا
 ان۔ ہتو عالم تباہ تائین ڈفورندوہہ دوڑ ہوازو بارہ جو واقعہ مشہور ہنہی۔ اولیو ہیہ مختوم آباد اسردار

حسین متارو ژاودو ڈورا کارادیتی پارودوای ختیق اور ارار آنگہہ بیتی اسور۔ جو ڈھیہ کہ ژونورہ تن علی
حیدر و تو ڈورا عالم تباہوتے ای ہرکت دیکو، تو سم بوغد و شیرگوڑی خانو 10 سالہ ژاودو کارین لپئے
جاری بیرو بیرائے۔

اوہ سلامو ہتام مہ بلبل نئے تو بیری اوہ تہ نامو گدیری
لوڑے ژان تان اہفومہ تہکھی تان عشقوانگار و موژدن مہ ساری ہوڈو دیری
ہمونی ہٹس کاردوا کو تو نجی سم تان ڈقیومہ ژنو ہر لو ختیقو
لوژورڈو نصیبو تسور و غمہ گرفتار اریتم سہل جوٹی عاشقو
ژنئے تو تن مہ پوشے اوہ نوگومن تہ دیہی روئے مہ ملامت کورونیان
کھیو حال بوم ٹم جھنا خوباشن تان پرچمان ژانوسار قیمت کورونیان
مہ حقہ ژرار کوکوسان اے بیرخم بوسنیو ہٹسو کومان تان ژونیو
مہ ژن توکیہ بیخافل غیوی مہ سورہ پختھی تان عشقو سرگر دانیو
لوڑی دنیو حالو مہ ہتھانویارڈستان دُستوتے گلہ نوبویان
ہائے کچکارزمنہ کیہ خوشان اوہ تسم ہر قسمہ باو غام سورار ہلہ نوبویان
مہ دُست دُچارہ کیتی موخو کھوشتی ٹم ہسیران ژن سیلوت کی نسیران
زور ہوئے ڈقو ژنوتے عاشقان بوآسونی ملکو موژہ کڑوم حبیب گل نیزیران



مہ گمبوری تہ سلامو ہر چھوچینین گوم مہ ژان
بے رخم اوہ تہ کوری دیہا پرچمدار ناموتے تان چوژنیو دوم

مہ گمبوری تہ سلامو ہر چھوچنین گوم
 حقیقہ دُست مہ پچھتیاؤ مہ یاران دُودیری ہونی غیبوی کیانی بوم
 ویزنین تو گوم راؤ او شوؤ چھوچور و پھی غنج اریتام یوردیرو بیرائے
 اوہ نادانی اریتم مہ دنیا حقیقہ دُستو فاندیرو بیرائے
 دُستو پرچم مہ بوکہ پش متے خفستور غیر شیری مہ دینارو دُور
 فارسی گل گمبور یوتے ریر مہ دستو نام گل گمبوری مہ نام حبیب گل
 آسانہ یوروچے مسو تہ سُم کیہ عننت مہ ژان
 روئے متے گدیری رینیان اوہ تان دینارو چکین اسم ہردی بھت
 اوہ تہ صنتان کھیو کوروم مہ ژانو نس
 مچھو چوختہ بیری نسی زومان مچھورین یورتوری گوئے تہ حولیومس
 پچھتیاؤ ہم ہیہ وطنو دُست کہ مہ سُم گوئے
 مہ قالب مچھوتی نو پسیر مہ ژان تان شیرین الفازین لُوکی مہ سُم دوئے
 ژان روئے تان یاران گنی کیئے غیبوی موکوس
 ہردی اوخپئے بریکوہوتم ژانے تان اللہوت لو گیتی مہ پوشے
 خوشو دُور پدیان ژانغا شیر پوشین نو بوئے
 ڈنگ ژان بیا دموبیرائے دش دُنیہ سوروتے کی ہائے ہش کیہ بین نو بوئے
 مہ ژان کی نسائے بیری دُست ملکا مس توری گوئے بوئے جنتو ہوا
 ہیہ بوغاک زمانہ بھنوو یار دُستانن کوس خوشان کوئے کوس نہہ

ملا متو رویانے اسمانہ یورو چو مسو شیکھایتان مو کورور
یور کورا کی توریتائے مس تے اچہ گوئے ہتے ژانغہ تارور
ہیہ اللہو دنیہ قدر تو تما شو تے مہ فکر نو تارور

مہ ژان کی نسائے بیری جہانہ مس -----

نشور کی ڈقونسہ کوس ژنی کہ شیر غمئے دنیہ مہ حقہ شام
نش تان اوان دیور کی عشقو سلوکان ہو سکوروئے عشقی مرید اعظام
مہ ژان کی بیری نسائے جہانہ مس توری گوئے بوئے جنتو ہوا

قالب عشقو چا بخش لاکھی شیر بنجو قونہ بخش دو یان بے دوا
ہیہ بوغک زمانہ مہ و تھنوجم رویانے کوس خوشان کوئے کوس خفہ

رویان بیری نسورے میر ژوری پروشٹ بغانی مہ دست گویان سیلو
بے رخم مہ دیناریئے ا بس عمرو چھیر یسان ہو سکومان تہ ہالو
دنیو کیہ بقہ شیر حقیقو یار دستانن شخو تان بے نشان

مہ ہردی تہ سم چوک مہ ژہ ژوغورو موژی کسیران پریشان
مہ میلسو آپارو متے دشمان رہمھیدیان مہ نسین گرام بیشان
ہوست ہردیہ ہچارے غمار خالی موبانی مہ ژانے تہ دیدشان
مہ ژان کی نسائے بیری جہانہ مس -----

چھوڑو پیتار و نظر بند بو وختو یعنی نومبر ۱۹۴۹ء سارگنی

اپریل ۱۹۵۲ء موٹھی نیز پرو پیتار و یادا

ہائے بے وفہ دنیہ جم چھینیں ستم تان ارمانو مہ اللہاچی انگئے دردانہ سیف الرحمانو
گلاب و ورا شناری گلابو سار تھرونی و وورہ کوکیہ بختوانو سو سیف الرحمن گوئے نو غورہ
اللہو رخم کی ہوئے مہ پیتار و کیک کیہ زورہ

نو غوروس توری شیر بھت استاری می نسانی تہ شدار باک بے وفہ عیسے تہ روختی نیشانی
مسلم لیگ تہ وفادار تساری ژاکی کورونیان ریاست پروشی عیسی قام تہ سُم مکی کورونیان
ہیہ جلسو آنوس کل دفترین تہ خبارہ تو پاکستانہ باندی تہ تخت بہ پیتائے چھیتارہ



بوسون کیہ گرزینہ کی ہائے گمبوریان بہارمہ ژانئے
بے وفہ گمبوریان موٹھی مرگست وفادارمہ ژانئے
نہ کہ خور گمبوریو شو نکھیم نہ دی تمہگارمہ ژانئے
متے دوئے مہ تن گمبوریو مہ پروردگار
مہ ہردی زخمیئے مہ ژان تہ گوروم شیرمہ ژانئے
انگیتی مہ پازہ لاکھ تان رخمو ہوستو
تہ عشق مہ ہردیو سو رو کچہ ویروم گوئے مہ ژانئے

ہردی ہزارنس ہتی بھی شیر تہ دستو

بوسون کیہ گرزینہ کی ہائے-----

نہ ملکا حکیمو لیتام نہ عشقو طیب مہ ژانے

اوہ تان زخمی ہردیو نیزی کوس پاشیم

دستے اجازت متے کو گدائے ہتی بیم مہ ژانے

کورا بی زخمی ہردیو فان دیتی شائخیم

بوسون کیہ گرزینہ کی ہائے-----

چندین ہزاران بغانی عاشقی کوری مہ ژانے

مکم کیہ عاشق کورا مقصدی نو توری

ہمیش گوائے عاشقو بوکتورندیرٹو ووری مہ ژانے

آلین بوئے تان عزیز عمرو فکر نو کوری

بوسون کیہ گرزینہ کی ہائے-----

آشرو سمندر عاشقو کھشتی پریشان مہ ژانے

عشقو سمندرو موژو شیر غمو طوفان

عاشق روئے سوال کورور کہ اللہ مہربان مہ ژانے

منزل مقصودی تاریر ہردیو کورمان

بوسون کیہ گرزینہ کی ہائے-----

میر کھن

میر کھن لوٹ کو ہوا ویر کو دیہا سمولان موٹا رتھو نام معلوم ہوئے، تان دیہا تن قدیم دودارے ” ہنسپو ماڑے قاموڑا وجریت خانو ارغا لوسورہ غنچ توری فہمارو ہوشار بی کڑوم نیزی تن ہانگ دیتی ہیرا ریرا و جاری آریر۔ کھاڑ پرانو اسکوٹ ”لونییا“ نو کراوشونی۔ خبار ہتی جریت خان بوکو لاکیتائے۔ ہے زیلا ہتی ای موقا دیہاری یاران ای کمہ ژون میر کھانوت مینو ہانی۔ شمتوت ہے مٹھو یوہیتان کھاڑانے پیرہ ہائے، میر کھان ہوکیہ نو جوشی، دیہو ڈستان گنی بارکی میلیس گرم آریر، ۱۲ بجار اچی پیرہ بدیلیو وخت شو ییکو یونیسی، براروی تو آرام کو مہ لبارا ہائے اوہ پیرہ دوم رے پروٹھ رکیکو، نست تن مٹھو دیتی آستائے، جریت خان لوڈغو کینین تو پازو کوری دیتی چاغتائے۔ اہیہ اسکیم مٹھو روری ہزاد ہتی عدت پورہ نو ہتی اوٹوئے، فرنگی آپسران جریٹو دوسی بزخاس کوریکوتان فروسک لو وپرائے کہ پس تنسوروز وراوار جوشی مہ ارغالوت کڑوم نیزی مہ رویان کھپارے آیتائے ہو رو ہے حرکتو اوہ برداش کوریکونو پیم، کوریکو پیم مت ڈشان رو پھی آ ستائے۔ ہنون اوہ تان ڈشانو ماریکونو باوا، سرکارو ڈشمنو کچھ کوری ماریم رے تان فروسک بیانو دیتی نظر بند یوچے مٹھنسیارنج ہتی عمری بندی گریوت تھان پرانے۔ ہری پورو جیلا جریت خان درائی ساؤز نیکو ہنر اماہر ہتی آستائے، بندی خانار خلص ہتی اچی جھنوت ہائی۔ کندوری سال پشندیر یو حالتہ بھی بریکو یوٹھو انتظارہ امانت ژانو پڑیمیتائے۔ ہی کڑوم ہمیشہ میر کھنویادو ہردئی بہنئی میر کھنوشاؤ نو ہیت:-

اسکیم جرونی مہ دیناروغیر او پزو ڈومے ژان پھورین دانہ دار

مہ ژان کیہ مہ پوٹیکو بٹہ مہ اندرینو ورم گویان مہ ژانہ انکار

تان نارا اژی ته گدیری اے مه دُردانوکان ڈق ته قلمدار
 تُو هارین لڑیسان تان شرانہ تان لعل پھورو
 بہت بیری ناوور اے یاران جنتو ہورو
 کاغذ انجیمان تان براروتے هائے مه اولتورویان لففوسم
 مه کوری دُستی موکورور بے وفو سم
 کاغذ انجیمان تان براروتے هائے مه دُردانوکان اولادوتے نو
 بے وفو بوانوتے رور عورتوتے نو
 ته شانہ ٹونگ بیروائے ژنروئے حاویو دیسام
 تان ژانو لغل ژورونیان ہردیا دیسام

پدغہ نظم

شان کونی تووینسم مودام شینجوفن چسیدیل
 کھوسم ژے خدایان خدائے فی توکی نامیندیل
 تے تات نامن چی چیدیل فے تفک تر بوندکنم
 توایمین پرواہ چیکن فے تات موزم فی توینم
 شان کونی تووینسم مودام چسیدیل
 زوفیتو فینم ژہ آسم آفرم خوشان کینم
 لے منکھ مال بازی روی رے خوغه الفومہربان کینم
 شان کونی تووینسم مودام چسیدیل
 توایمین چمین دستورچی روغست تھرے پچانف
 فے کھوسکن نوواش لالے پر چامن
 شان کونی تووینسم مودام چسیدیل
 توایمین چمین دستور ژے لفروغن نامن وساوہ
 توکہ لامن زل دفتہ سکھ غرشم فن ستاوہ
 شان کونی تووینسم مودام چسیدیل
 کھوسم ژے خدایان خدائے فی توکی نامیندیل

بدغہ نظم (وطن)

اے وطن سیلی وطن تھرے جمنف زوغوم آسم
 ایند کہ من فریو فیغت یو لاکھ ناتوغوم آسم
 اے من ملکن اخلن خوغاؤ شام خوارمان کنم
 من نام ام قربان استت نے ژان ستوقربان کنم

اے وطن سیلی وطن تھرے جمنف زوغوم آسم
 ایند کہ من فریو فیغت یو لاکھ ناتوغوم آسم

پنوعے ملک پے غیر آبادف اوئم لے چیرویان
 نے چیروئی لووم افزم کھوم نے سروایان

نے سروے خوروم بروم شکر کنم لے خدایان
 اے وطن سیلی وطن تھرے جمنف زوغوم آسم

ایند کہ من فریو فیغت یو لاکھ ناتوغوم آسم
 گلکن گل گلاب ای زید گلاسوئی

سحرانومیگا کی خوست مشن لاکھووی

اے وطن سیلی وطن تھرے جمنف زوغوم آسم
 ایند کہ من فریو فیغت یو لاکھ ناتوغوم آسم

نے لامف گلابی استت بوخیوشائی تھرے پیفارہ زیرغی
 غوم اسم نے خوئے ملکن ہریو رگن میوغی

اے وطن سیلی وطن تھرے جمنف زوغوم آسم

ایند کہ من فریو فیغت یو لاکھ ناتوغوم آسم

ہمی کڑو مان نیزک غیر زویا سینار بوائے رے سار سیران

نادرین اسکوٹہ اسم جملدار ژانے جو غنچ مہ کھشتی سٹہ مہور مہ چلتھار
مس مخ مہ ہردی شون جنان چینی تہ بریکی ژانگ تھان جو انوسیتھار
مشلوخ بیتی شیر گموریان بازار یے ژان جہانہ ٹیپ ہوائے ژانے تہ چوستی
ژندہ سوئی انکناوے مہ دینارے مہ گوژوتن شیر تہ عشقو کھشتی
نادرین اسکوٹہ اسم

گدیری رینیان گدیری دنو مجنون تہ فقیر عشقو دیوانہ
مہ وو شکی لوڑے اے ڈقو گموری غیر دوم تہ نسین شامو پروانہ

نادرین اسکوٹہ اسم

ڈوکامی نسائے پنجرش مس ژانے، سڈو کوگازو چھیر اولیرو غون
پر چمان اخلی جو رونیان غیر داوے جو ان بیہوش بوائے ژان نسیر و غون

نادرین اسکوٹہ اسم

اسکوٹہ اسم ظالم نو کر یے چنخیر مہ بوکاتہ عشقو باندی
رخمو نظیر و مہ سورہ تاراوے چنخیر ان چھینیم تہ اچہ راہی

نادرین اسکوٹہ اسم

گلہ کورویان مہ دینارونان ژانے عشقو کتابان کا کھلئے اسور
نادان میر شکار پورج گنی گیتی مہ تیغون سالیور جو اولویئے اسور

نادرین اسکوٹہ اسم

سلطان جان

بروزو بر بولکا رہمو کیہ عشقیہ کڑوم نکی خوران کڑومان ریکا جم بزمی جم ڈف دیاک
 اوشوئے شوقیہ فنکار دی ہوروتے رین بوئے۔ پشم جتہ پشم شجا الملک میتارو وقاتار اچی محمد ناصر
 الملک تختہ نشیکو کڑوم ریتائے۔ ہستا نچھہ دروسہ در مسال اوچے جٹکھ خانہ ساؤزیکو مسلمانوچے سیکھ،
 ہندوانن موژی بوز بردست جنجال بیکو، دور شجاع الملکو اوشوئے۔ ہتے بچین پشم ای کمہ کڑوم
 نیزی اسور:-

اخلسو سورہ حسمت کوروم تان باچھو پروشہ چنگلی لواریہ سُد
 چھویار رشتی نسیکو مہ ہردی تسلی ہوئے وخت کہ بجاشد
 باچھ تختہ نشیکو دُنیہ ہوئے مہمور دَوور بندی ہونی ہزاد
 کوکیہ پنہن انوسوا سپہ بروزہ خمیران مہ لوٹ نمہیئے سے سلطان ہزات
 مہ شکہ حقیقی و تھن امروز ادا شد واہ واہ چہ بجاشد



بروز شاعرانن ژانغہ دروس غازیانن بتھن
 بے ننگ کیسانن غازوتے کیہ رے ناتھن
 اوہ سوال کورومان تہ تخت بالا کی بوئے
 درخموچے سورمین شاہی مہلا کی بوئے
 ہمیش لعل و آتشی تہ بنگالا کی بوئے

عبدالحسین

بروز و دو مار غلام حسینو ژاؤ عبدالحسین اول پرانو اسکولہ "لوپیا" آچہ پگہ اسکولہ نوکر
 اوشوئے تھرقی کوری حوالدار یوہودا پنشن ہوئے، اُستاز شاعر، بزمی و میٹلسی مشرفو میلسو و محفلو
 یاران موژار گل سمبر خانو چے عبدالحسین۔ پس تان وختو مشہور شاعر، ڈفوسیہ تھارو اُستاز و نوپو کو
 بزمی اوشوئے۔ ڈار ژغیبی کر تھھی پھار می نسیدکا خسکی لوزہ اُسیدکا بوزیات اوشوئے۔ ڈاک
 کسیدیا ک دی بیتی آیتائے۔ کیسو پروہہ زومہ ڈا کھانا ہوتش اوشوئے۔ دریا ہی دیتی پھار نیساؤہ
 مارونو ہوئے۔ جسو نو لیتانی توت غلام حسین بیلا موشتو تارہ بی جو دونان لے آلائے۔ تو ای کمہ یاد
 گار بشاؤ نوہمیت :-

لش کوسی مرزا بیتی گئے تو کو رانن ژورمہ ژان

سورہ تہ پرچم شیلی موڑہ اسکیم پھورمہ ژان

ایران تہ سیلو بچے شیر مصر اشیر تہ ڈورمہ ژان

ژانگ ٹیکیتو نسی لوژیکو مہ دینار کورو و گوئے

بلاؤ رھارینہ لوژی مس موخی پرو و گوئے

لش کوسی مرزا بیتی گئے تو-----

رانگٹیکو نسی لوژیکو ویرنغ تہ حویلیوتے

جگر باند ہمیش پچونیان زورمہ ہردیوتے

لش کوسی مرزا بیتی گئے تو-----

کیہ بو مودہ ہوئے مہ ژان مہ وچ تہ دست بیتی

مہ بلبل بتھانار بیکو اوہ غیوی تنگ ہوتام
 خوشپوچہ ژوسپو موژی تان دُستوسم جنگ ہوتام
 لش کوسی مرزا بتی کیئے تو-----



اوہ سلامو کیکو مہ ژان بیری نونسائے
 اللہوسار بے امر مہ پھوک ژان می نونسائے
 مہ ژان حورانن ژور مہ گدیری کوری ارکابی نشائے
 ملکھون خوپی انجیم میت مہ بوسونو تسانی
 پنجرش مسوساری لوٹ مہ بلبلو پشانی
 اوہ سلامو کیکو-----

بروز عشقو کارخانہ روئے کراکی ہوس کونیان
 انکیوگان سہ پر چمان وور یوشنکھا و بیہوش بونیان
 اوہ سلامو کیکو-----

بروز عشقو کارخانہ اوہ عشقونو کار
 جنت بروز نہ کابل تہ غون نہ پشا و روخہار
 اوہ سلامو کیکو-----

دنیہ شیرین برائے یار دُست ہونی دُکاندار
 ہیہ دنیار کیا غ گنی بغائے سے سلطان اسکندار

اوہ چھو یو خوشپ پوشیم ژو پسی نسیکو نو یتیم ہیہ بو نو ژان
 یار دستان کار کورو شو کور شو نین دست تہ بیر کو یان
 بہداوہ پر حمد ارتان تیز یوسورہ بے تکبیر بو یان
 اوہ دی بو ان او شو تم تہ عشقو دریا ہو غیر ی ہو تم بے درک
 کرا سور کہ مہ بہتھانہ مہ عز رو خواہ شو ہو سکورک
 ایرانو شہر و بابت لشوہت نہ گھر سنیو لائق رفت رست نو بوئے
 دست گیتی نشے مہ نہ گل گمبوریو ووری متے گوئے
 اوہ چھو یو خوشپ پوشیم ژو پسی نسیکو نو بو مان ہیہ کیہ سباب
 ای ہوستہ ڈف ای ہوستہ ستھار کوری شیر کشکی شیر باب



شہر بروزو سیل کوری نسی نسین نو بوئے
 و کھیم تان اللہ ہوسار بیشک مہ دستون متے دوئے
 اوہ ژان مہ افسو مو چھینے تہ کوری تہ گرامپشان روئے
 شہ جرونیان سورہ نذر شہ پرچم مہ خوش
 بالکل شکایت نو کوروم بریک تھینی بختوار تہ موش
 ٹھیکدارو لو ان مو دیور ٹھیکدار بزمی
 مہ رفیقو متے دیت خنک سور خامی لعلو پھار گنی
 کوس اژیلو کشکی دیتی متے غم ارو

وخت بغائے بے دہت گوسان رے بریکتھنی مہ سُم غش کردو

شہر بروز و سیل کوری نسی -----

ٹمبو کی کھورورو غونہ مہ دینارو شون

ٹوسرحدہ حل موبوس جنت مہ تھنو ہوئے بوسون

شہر بروز و سیل کوری نسی -----

ٹھیکدارو لوان مودیور جوانان سور

مکیورنشی میٹلس کوروسی معلوم پیر جو ان زور

شہر بروز و سیل کوری نسی -----

مہ دوروتے مخاخ شیر مہ بلبلو دور

جوانو قدر و نو کوری مہ عمر و اُبس چھار تیا و اے ظالمو ژور

شہر بروز و سیل کوری نسی -----

تہ دور و درو کاڑی نسی ای نپ اف لاڑیم

اوہ ناشکری نو کوم گل گمبوری مقصدی تاریم

شہر بروز و سیل کوری نسی -----

تتہ سلامی انھسیمان گمبوری ٹھہ

بونگ زمانو غون اے ڈقو ہر دیو باتین موبوس بے وفا

اوہ کی لڑیمان تہ عشقو ویسوتوری شیر ہمیش مہ پالیر
 اوہ اسم اسکوتہ تہ ملنگ کافر و بندی مشکھی کورالیر
 اوہ کی لڑیمان تہ چستوزور مہ دیتی مندام مہ پالیر
 اوہ اسم اسکوتہ چھوئی انوس کافر و بندی و مہ کورہ لیر
 ہردی پریشان تہ باریکی تھان مہ حقہ چمور نفس
 مارینیان مہ مارانی تان چوڑینیو تہ بچے دوم و نوبوم و سوس
 اوہ کی لڑیمان تہ

مہ شان اہیہ لوڑے کی آسانی حوران پریشان تہ تختو سورہ
 اللہ تہ مہ لوٹ نہی کیہ وت مہ نصیب موسم بوئے ای بختو سورہ
 اوہ کی لڑیمان تہ

دریغہ کوس اٹیلہیو پیدا ارو متے دُشمان
 عاقبت مہ مریسان شیرین ژانودوم تہ بچین نوبوم پشمان
 اوہ کی لڑیمان تہ

صفت کوم کومورومہ صفت اہہ نو حکوران مثال گلپئے
 غمزائی کوراؤ کو سے اوہ تہ عشقو وفادار تو کیہ مہ بلبلیئے
 اوہ کی لڑیمان تہ

اوہ کی لڑیمان ہائے ہی مہ تھنورویان دُستو دُور کھنئے
 غمزائی کوراؤ کیلپئے اوہ تہ اولاد و مز دوراے مہ شرین ژان
 اوہ کی لڑیمان تہ

گلسمبر خان

گلسمبر خان دی بروز و شاعران موژار اوشوئے۔ ہوزیات ہنگان و کڑومان لین نو
ہوئے۔ عاشقان نچکن کڑوم نیک کا مشہور اوشوئے بوانیہ اُجلو یوشٹ خو میتائے شیلی موسا دستان
سارجد اہوئے۔ ہی بشاؤ نوحو نیزیرو بیرانی۔

اسپہ ای تر وئے ملنگان چھوئی آنوس لیے کیر یسیان پختا نظیر و بچے
اللہم ختم خدائے اور غوجو شیلی کو کی مہ پر حمدارو بچے
اسپہ غمگین موکورے ہائے میرزہ نوژور تان لوٹ خدا یو بچے
پہتھتار تہ سینلو ژانغہ او یونہ تہ پیدوری اور غوج تہ موشو بہتھان
روم جلتان لو اے مہ ہردیو باتین کو بوسان مہ سم نہ تھان
اسپہ ای تر وئے ملنگان

عبدالحمید شہکت کڑومان نیم اوچہ نیم نئے جاری آریم
تہ خبار مہ سم توری ہائے ہردیو باتین ڈق اف راہی آریم

اسپہ ای تر وئے ملنگان

تہ بیج تہ موشان تہ پرانے ہی ہردیو باتین ڈق تھتی مہ سستی
گیتی اور غوجہ نساؤ ہائے مرزہ نوژور نو ارمہ سم دست

اسپہ ای تر وئے ملنگان

مہ ژان گلپ گمبوری اصلہ حوران سردار لشٹو کو مورانن آپار
روم جلتان لو اہائے میرزا نوژور تو مہ سار کیہ رے آزار

اسپہ ای تر وئے ملنگان

بوہتوں گولو حاصل خانو بشاؤنو

دنیہ وفادار تحقیق دُستے اسپہ بے وفہ
 البتہ نصیب کم کیہ مہ ژان تہ سار کیہ خفہ
 لگ ویش دی کی ہومہ بھوک ژان تہ سورہ صدقہ
 دنیہ نہ باشیک وفہ نو کور وئے یہ فہم زمانے
 البتہ نصیب کم کیہ مژان تہ سار کیہ خفہ
 کی ویش کی ہووڈ تو ژان تہ سورہ صدقہ
 ہردی بھت بیٹی گوروم بویان دُستو لو انتے
 حاصل خان موٹس گدیری ہو تم تہ غچمہ وانے
 دنیہ نہ باشیک -----

مہ دُست مہ رنجو آوہ تان دینارونور خوتم
 تان ڈاقیو عمرو ددانوسم چھارے اسم
 دنیہ نہ باشیک -----

ہردی بھت بیکو چھاؤنیو ٹیکا گیاؤ نشیم
 کلامہ مہ شوت دُست تہ جھیر چٹھی نو دوسیم
 دنیہ نہ باشیک -----

ڈق عشقو لہاز مہ پیاور ژان آب زم زم
 انداووتے ویز ژان شریکیئے تہ شہ پرچم

دنیہ نہ باٹسک

مہ تہ پوشیکو نولا کویان پکہ نوکری

البت متہ قہرین کیہ مہ ژان بوہتولیو پری

دنیہ نہ باٹسک

دنیہ شیکہ پتہ تہ صفتان کو موچے کوروم

حاصل خان قلمدار بیتی ژانئے تہ شرانہ گوم

دروسو پر دوش خان لال

پُر دُش خان لال رضا قلماری نامدار جوان، مرحوم سیف اللہ جان لالو چے سابق صوبائی وزیر مرحوم قادر نواز خانوت بوٹوئے ای غیر و برابر۔ تان وختو نو یو کو چھاندار جو اتانن جیرا نامی موش، میلیسان لوٹھورو، ہو خوش روئے زار بیبو ہو باہتی نو جوشی، لشت شیشیا ویسٹو ہوئے۔ ہتیغار تو آلوئے بروز و دو مو تا تاریجانی۔ ہے زار بیبو ہو رنہ و دشمنیا چھیترا روڈھوم شغوراسوم ووشکی ویسٹو کھل بیکاپت ژانگ دی ہتی شیر۔ موقو وختو انتظارہ آسکہ شیشیا نو موش بیری (بربولکہ) اشٹو کھو ژانگ آسکا زار بی بی ماری بخانی۔ پُر دُش خان لال ہو رو عشتہ ہوش تان ژانگ نو ہچی تہت ہتی دور دی ہو ہو غیرتی، ہتیجی بی جھنار بے ہتھان ہتی کابلپت دُنہ پُر نی، عمر و آخری بیروان نہ شغوراہائے۔ ہیرا حقوت تو ریتائے، ہٹی چنار و قبرستانہ تو بوم ہتی شیر۔ ہتو عشتو یادگار بشا و نو ہیت:-

کھو واره تہ نام گمبوری فارسی گل حیات رینیان
 شمشہ پرچم مہ دینارو گوڑ آب حیات رینیان
 کھو واره تہ نام گمبوری فارسیہ گل حیات نووا
 آخیر مہ گدیری آرو اے ڈقیو بلبل نووا
 ذق ہیارا نو نشیم مہ ژانگہ دلہ شیر
 ہتھانہ چستو صفت میرزہ زار بیبو شیر
 ولایتو شہر تہ شون دون، جنان چسید شیر
 ذق ہیارا نوشیمان اوہ بیم دیوتے

کرامہ سلامو کوروئے میرزہ زار بیبیوتے
 رمضان شریفو نیزی اوہ بیم سواتوتے
 کرامہ سلامو کوروئے میرزہ کھوئے سواکوٹے
 بیابانو ایشیقینی زوخوتے آرمان آریر
 پرچمان قدر و نو کوری پھوڑانتے آرمان آریر

کھوؤارہ تہ نام-----

بیابانہ ایشیقینی باغوتے ارمان کویان
 سہ پرچمان بانگوت دیتی بروان سورہ ژانگ کویان

کھوؤارہ تہ نام-----

اوہ چے شر بڑانگ خان بیابانہ جُست ہوتم
 دُستو لو ان مہ سُم دیکو تہ فقیر بو سست ہوتم

کھوؤارہ تہ نام-----

بوسونی افہاری کیتی، گویان ٹرانگ تیلہیوتے
 اللہ پاک خیر کولا مہ ہلبلو ٹیلہیوتے

کھوؤارہ تہ نام-----

اوہ چے شیر ولی خان بیابانہ یار ہوتم
 شہ پرچمان بانگوت کوری ژانگوتے تیار ہوتم

کھوؤارہ تہ نام-----

پُر دُوش خان گدیری بیتی بغائے خور ہتھانوتے

کرامہ سلامو کوروائے مہ دینار و ثنوتے

کھوڈارہ تہ نام -----

اوه تان باچھو سدار کوستے مہ پرواہ نیکی

عاشق نوبیرو بوانو جنازہ رواہ نیکی

گھلان دُست تازہ اُسونی مہ یہ دُست گدیری ہوئے

اللہو قدرت رویان دُست مہ سار دودیری ہوئے

مہ رفیق دُورار یوئسی شرانو مہمیز آریر

پروشٹی مہ مراد اوشوئے ہنہین متے ویز آریر

مہ ژان یرانو عیشیران مہ خوشوتے تحت انگیور

ہمی سف پرانو ہونی کشمیرابی رخت انگیور

رمضان شریفو نیزی اوه بیم چھیتراوتے

لوٹھورو برار اہہ بی اسور عزر رو کوئے میتاروتے

روئے بیری مونیسور مہ دُست بیران شیشیوتے

اللہ دُش مرازو انگیار دُستو ایشیریشیوتے

مہ ملکا جرنیل اُور جرنیلی سلام کو رور

کاکی سلامی نوکومیان تان دُورین آرام کورور

ہمیت پر دُش خانو کُروم ہمیتان روخشین بویان

چھوئے اُنوس خیال تہ سوری خوشپہ تہ پوشین بویان

مئی ۱۹۱۹ء برکوٹھ لاسو موقعا نیز پرو دروسو چارویلا ندیہو قلمدار خانو بشاؤنو

میتاروا قبال زوراوارشاؤدوسونوبوس
 ڈھوکہ لامہ دول بوشیکو کوہوؤ بیداوا
 میتاربا چھائی گنیتی کورور بمبارک
 ڈھوکہ لامہ دئی تہ دیکو کابلہ آرام آرو

ہرونی غیرت تہنگی اے تو کھیوتے گوس
 برکوٹھ مہ میتارو حلقہ دتہ کیہ دعویٰ
 اسپہ تین پونو اسپہ لاکے دیکوسی سراک
 امیر وچکیتا و تان زبانا حرام آرو



ہمی کڑوم او یونار چھیترا تونسی اوشونی (بوپرانویشاؤنو)

روشتی کورویان دُر دانو ختان باغ جنت ہیتی شیر دُستو بہتان
تتھان زیریلینے مہ ژان گلاب ٹوتان دُستوبریکی تھان نزک بدان
پھٹی پرچم ژانو سُم برابر تہ قلم بروان سُم تہ تھان برابر
چھیر دوئیے تہ پوشی آوہ بیچار کیانی کورومے مہ شیرین ژانویار
تہ کی انداواریر مہ ژان خدائی تہ دیہی گین نوبوئے می روئے مدائی

----- باغ جنت ہیتی شیر

لاکھی بوہتین مہ دیت کو موروزخم ہوستہ گیا ورا نگ بنیان سیاہ چشم

----- باغ جنت ہیتی شیر

بُورونیان کوچ کوروم بلبلو پازو تاتاریان بخت کوروم تہ پر وشلو تقو

----- باغ جنت ہیتی شیر

چہرے مہ پونگی زرین کھوئے مہ سورو راہی آریم مہ وطنو شورو

----- باغ جنت ہیتی شیر

خوئے اللہ تہ متے دیار خوئے مہ مرار تہ دیہی گین نوبوئے می روئے زرار

----- باغ جنت ہیتی شیر

ژانوشون دون بوچھیر و غونہ ٹیکا کوئیت اوسو کیر و غونہ

----- باغ جنت ہیتی شیر

ژنگو غ مہ دیکو گاز و حوقہ ہوتم تہ خوش دران بارے گاز و ڈوکہ ہتم

-----باغ جنت بتی شیر-----

ٹٹھوری ٹوٹپ کیہ شالیو غونہ ژینگلوغ مہ دو یان بشکالیو غونہ

-----باغ جنت بتی شیر-----

ڈقو ہوازو زیلہ بم بیکو لو ژانرویو نومتے غم بیکولو

-----باغ جنت بتی شیر-----

سیرو وارزہ تہ بسینے اسم چٹھیر ہوستی دوسی تہ کے اسم

سویرو ملنگ

اصل نام مقدم شاہ عرف سویرو ملنگ تو نام اعظم، ہو جو ژیراوان نام نصر اللہ اوچہ
 نورولی شاہ ختیق ملنگ تکبیر خان ولد جندولی خان، مقدم شوکڑ و مان بشگالی وارو ہنگا ریکین مشہور
 ہوئے۔ ہوازاو چوغن، لوٹ ملنگو ہوازاو ترق بیکین تان کڑ و مان تن ریکو نو باؤ او شوئے۔ ختیق ملنگ
 تکبیر خان دی دنیا رسفار کار دو بیرائے۔ لوٹ ملنگو بشاؤ نو ہیت :-

اوہ تہ صینتان کومان ژنئے کورے کار مہ عشقو کورمانتے مہ رفیق دوانار
 ژنئے لاش کوسی گئے لعل دردانہ چھارونیاں تہ بریک تھنار
 عجب گیران بیتی شیر مہ پوژینوتن برارگنیاں کومورو غصہ
 کوسے گلہ مہ کی فن دیتی شغسناؤ الائی دایوس شم دنیہ
 اوہ سویرو ملنگ کھتر شنی بوم تہ پروٹھ کورے منظور، چستی تہ سم نو بچورھورانن ژور
 مہ ہیہ قسمہ فقیر ستو کوری ژن تان ہوستین مہ مارے تہ پروٹھ چھارور
 عجم اللہو قدرت مہ ہردی تہ سم جو کیشیر مہ کہ گنہہ منظور تہ چستیوتے مہ دوردانہ
 اوہ سوال آریتم اللہو تین یار دستانن مہ غم بائی جڈا
 مہ دُست ہتھنومیوہ تہ خاؤن ہسٹ نو آری میو و خالو، تو تان موشو دوری پیتاؤ ژارو
 تہ کریڈیکو زار مہ سم نواے مہ ہردیو باتین لوڑے مہ حالو
 دنیہ بوسون بیتی شیر شدار بان اچتو چاکئی کورے میرزائی، نیستم تہ عشقہ کوردمن درویشی
 خورکیہ چارہ مہ نیکی تہ بچن تھنور اچپور گدیر یو ہردی
 دوری سینور اسپروڈر یک تھنار و دوری گویان ریمان یہ مرگست، بچکی دیش دنیہ مہ بس
 کیہ نوژان موشو سوراے مہ ہتھنویار دستانن عاشقی میراٹ

سعادت پناہ

۱۹۱۱ء ڈاکٹر اسپرو بلیمہ دُنیا غنچ ہو ریتائے۔ جردا جو انیوت گیتی ۱۹۳۰ء کچہ اسکولہ ”لوہیا بھرتی
 بیٹی ۱۹۳۳ء ساپت لوہیا، تیخاراچی پکا اسکولہ ۱۹۵۵ء پت جوش و جذبا و غیرتہ نوکری، کوری پنشن
 ہوئے۔ کھوار میٹلس خوش دوراک اوٹوئے۔ ۱۹۹۷ء حقوت توریتائے، ہی بشاؤ نوچے ہانگ
 ہتوتن ترتیب دیو۔

مہ ہردیو باتین کیئے مہ نسہ ریم تان ہتھنی کسیم تہ آفسہ ریم

تہ چستی کوڑوسم موٹا بسہ ریم

دُست اندرینی گیتی مہ ہردی گورمان سوری کھوٹ گنی شیرہائے ڈقویاران

دُست دودیری بوئے رے بس مہ کیہ گمان

----- مہ ہردیو باتین گئے

دُق بالیمو جوان یار دوست خوش داریم مہ وطن دودیری مہ ڈانوتین زور

مہ ہردیو باتین اوہ کوس لاڑیم

----- مہ ہردیو باتین گئے

مہ چوڑا وہ مایون سرحدوتین بیر تہ سم دُست نوہیتی عمر آخیر بیر

بختوار بنی آدم مقصدی تاریر

----- مہ ہردیو باتین گئے

بیری کھوٹ گنی شیر دُست شانہ اسور تان دُستو پاشیم رے ارمانہ اسور

خوش روپو پاشیم رے ارمانہ اسور

----- مہ ہر دیو باتین گئے
 ہیہ سال بوسونی نو پوشی اسم تان و تھنوموژی نو کوسی اسم
 دستو جھیر چمٹی نو دوسی اسم

----- مہ ہر دیو باتین گئے
 بیابانو پونگہ دستو بزگالہ مہ ہر دی کی جو کی شیر رویان برالہ
 مہ لوٹ نیسی اللہ تے حوالہ

----- مہ ہر دیو باتین گئے

باچہ خان ہما

۱۹۱۲ء کیسا اثریو برائے۔ ۲۸ اکتوبر ۱۹۷۸ء آدینا اُنوس شیشی کوہار کیسوتے گیا وہ موٹور موشین
 غیر چھور زخمیان موڑہ کیسو مشہور عالم و فاصل صاحب دیوان شخصیت مولوی باچہ خان ہما دی اُ
 ستائے۔ دروسو سیول ہسپتالا موصوفو ژانو بیچ کوریکو ہر قسمہ کھوشش بوہونی مگم زخم بہنہ اُجل
 توریتائے تان کور مو آریر، محمودنیہ نیکی، اُجلو پروہدہ پیش کیاغ دہکارہ نوہانی۔ ہنہو چھو یو ہسپتالہ تن
 امانتو پیو میجتائے۔ ہما مرحوم ژانکبا زرار نیزی کیسہ آباد کور نو بیرو بقا ولے قمار او شوئے ہنہ
 ہوت دستانے دی رینیان۔ ہما مرحوم تحقیقو عمرا دیہو معویہ الف بے اوچہ قرآن شریفور یکار اُچی
 تت ہتو پشاوہرہ سبقتوے ویشیتائے۔ مختلف معوتین و دیہین لائق و قابل اُستازان چے عالمان
 نسین بی صرف نحو منطق، فارسی علوم شرقیہ، حدیثو دورہ و تفسیر و وختو خوردی کتابان رے تائے۔
 ہتے زمانا باقاندہ مدرسہ، علومان مرکھز نو بیکین سندو کیہ رواج نو او شوئے۔ تعلیمار اُچی مولوی
 صاحب پشاوہرہ بوژاغین و قبائلی علاقین امامتی اریر۔ پشاوہرہ جہانگرہ نامین دیہا اُرخالداری دی
 کوری اُستائے۔ ہسے اُرخال اُچی وفات ہوئے۔ ۱۹۶۲ء اُچی تھو بھتانوت گیتی دور وینی بتی۔
 خدا یو دیروتروئے ژیرا اُوشمشیرالدین، نصیرالدین اوچے قمرالدین ہتو یادگار اُسونی، مولوی باچہ
 خان ہما مرحوم، خوشان موخی جم لوئی نیک نیتی شیلی اخلاقو سم جم عادتق آزاد طبیعتی، لو اہر کشا، قفسیہ
 امشتی نمکین لو ان خزانہ، شوغدو سیران شوغوژاغانابی ای جو نمکین لودیتی اوسیاؤ تائے، ہتو سلی و نمکین
 لو ان کار کار دو ہنسین دی تو ذکر و کوری محفلین شکور خینی بونیان۔ ہتو نمکین لو ان کی بڑھسین بوئے ای
 دلچسپ کتاب بوئے۔ ہما مرحوم کھواروچے فارسی ادب و عربی اصطلاح اُچھستی بونو یو کو شاعر او شوئے۔
 چھیترا روژانگ روئے ”توت کیسو باچا خان دستان“ رے تو غو آزاد طبیعتو قصان کورونی۔ مرحوم

کیہ محفلایا میلیسہ کی موجود باؤ تائے۔ جے میلیس بوشیرہ دار باؤ تائے۔ تو غونمکین لوانت کارداری
 کا حسمت نوبائو تانی۔ مرحوم کھووار گرانمر و سورہ ای کتاب دی بوتی آستائے، و دروسو مرحوم گورنو
 کتب خاناموجود شیررے مولوی عبدالحمید خان مرحوموسار کارہ توری اوشوئے۔ مہ یادی گویان
 کہ مرحوم ہماچھتراری طالبان و دشمنان حسکی مہ دیہو وزیر خان استاز مرحوم ہتوسم عیشیر و رو پھیر و
 بوہر و محبتو جے بو عز تو سورہ تو پورہ ناموسم جُستہ ”کیسوہمائے، ملنگ راؤ تائی۔ تو خطا بتو جے بیان و
 عضان بو ذکر و کوراؤ تانی۔ ہما مرحوم و کلیات یا کہ دیوان موجود شیر۔ انجمن ترقی کھوار و نکین ہتو
 خوش خطہ نیوشی ذمہ دارانت پیو بیونو بتی اوشوئے، عمر و آخری ڈرویشیو سلامپیا پونگ لاکھی ا
 ستائے مکم ذنیہ و خالونولا کوئے، ۶۵ سالو عمر اڈنیار سفر آریر ۱۲۹ اکتوبر ۱۹۷۸ پانہ قبرستانہ پتھور
 کورنو ہوئے مرحومو بو مشہور یادگار نظم سور نکو قاریانان دلچسپو نکین ہیہ سو جستہ شامل شیر۔

موخونائے مہ جگر بند اپراؤ انکار صنم
 مہ بے گنا ہو ہموش کو آروازار صنم
 کیا غ کہ آری دلبر اہروش کانوکونی
 شاہان پر و شٹونو کورنو غوسار کم نوکونی
 کھلانے جم رے مہ تے کوکوسان انکار صنم
 لکہ ملک دیوؤ سار مہ سار نفرت کوروسان
 بلاہ پوشیر و پھہ مہ شیرین تت کوروسان
 بازو موٹین مہ دوسان خوروسم دو چھار صنم
 تہ عاشقیا صنم سخت و کربت پوشیتم

ہو تم بیمار صنم

ہو تم بیمار صنم

ہو تم بیمار صنم

- بریکار پروشی صنم رنج و تربت پوشیتم
 تہ کا غلشنو ستم و کیہ وخت بوئے سار صنم
 چھو چوگلا بوچھ ترو تازہ او شو تام
 شوروزنج گاناری ای کنارا او شو تام
 شو نوٹھو کی کوری مہ ارو بیمار صنم
 نودی کیٹر اک او شو تام نہ دی اوساک او شو تام
 بے غم بے غش او شو تام مدام پورا اک او شو تام
 حسو تسنیماری تو مہ ارو بیدار صنم
 ای تبسم کوریکو مُردہ گان ژونو بونیان
 سرحدوسف کوموران تہ پوشی پرودو و نیان
 کیہ رے نو کوروسان مہ ہر دیونو بہار صنم
 تو کوس نامو کنیکو ہتے روئی ژونو بویان
 زاہد گوشہ نشین تہ پوشی پرودو و نیان
 مہ نام ہما اشفتہ اسم کیسار صنم
- ہوتم بیمار صنم

تحصیلدار مفتاح الدینو بشاؤنو

ملا تراب ملا مستجاب موٹو اریسیر و ملا زین شولوٹھور و ژاؤ عبد الحمید ریاستی دورا ٹھیکدار، جنگل، آپسر، پوٹسو سپرنٹنڈنٹ بھی اُستائے ملا زین شوٹھور و ژاؤ چھیترا اراوچے پشاو راپت بی تان وختو جم سبق راردوان موٹو ارقابل، لائق و اچتو وزیرک اوشوئے، فارسی ادبہ زیات دست رست و اردو ادبہ دی تان ہدار نیساؤ تائے۔ ریاستو خزانانا نوکری توری، خزانچی مالی اسکالر ہچیتائے، جو ویتا سر محمد ناصر الملکو سیکٹری ہوئے، اعزازی لفٹننٹ ہدار ترقی آریر، ۱۹۵۳ء نوغ تنظیمات تحصیلدار کنینو ہوئے۔ ترویوچے چھورو میتا سیف الرحمن شہید و دورا بوزیات و مدار اوشوئے، ریاستو دورا چھیترا ارہ دولتمان جیرہ ہوتا نام اوشوئے، شہید بھٹو پارٹی پاکستان پیپلز پارٹیو ضلعی تنظیمہ اولو ناسپ چیئر مین پارٹیو مھرگا مودیہہ دیہا تاریکو دفتر اخرچو ضرورت پیش بیکو موصوف ۸۰ ہزار روپیہ عطیہ دیتی کامیا بیو و ڈسکی روان آریر، ڈقیچے جو انیا عشقو لہاز یوگان ہتوسوری دی کیکن ای کڑوم یادگار یعنی سال ۱۹۸۲ء جس بوٹو نیا حقوت توری تائے، پانہ قبرستانہ مستچاندیہہ پوتھور کورینو ہوئے، ہوتا موسم منسوب بشاؤنو ہانگ بروزو نعمیت خانو ہانگوئے سوئے زیلہ ہماچھی ہانگ بشاؤنو ہیت:-

تہ صفتان بو اریتم تقدیرا نو بویان

اللہ ہار بے امر رویان مہ ژان سئی نوگویان

اوہ تان دُستو گدیری کیہ مہ ملکورویان

ہائے مہ ہر دیو باتینے چاقومہ سست آریر

مہ اللہ تان قدرتہ کو مور و چست آریر

تہ صفتان بو اریتم-----

تان پر چمان اچوا غلی کللیپان دیت مہوری
ای دفعہ خفہ مہ آروئے ونوگوم تہ دوری

تہ صفتان بوار تیم

شمشہ پرچم مہ دینارو پھورینین بڑوک نووا
اگر نمکین کی براؤ تو خور و بوک نووا

تہ صفتان بوار تیم

زویان نسہ مہ شوغ ریان دُست شہ پٹیک آریر
مہ اللہ مہ گل گمبور یوژانوتے تہ چھیک آریر

تہ صفتان بوار تیم

پونین لوژور رویانے پونین مس گویان
تہ سم محبتو بچے ڈقو آفس بویان

تہ صفتان بوار تیم

ژائے پیران تہ خوش کی بیرائی رتوت متے ریس نووا
ای بس جو بسو سوارے عمر و جھیر کیمس نووا

تہ صفتان بوار تیم

مہ پشوران کوژیبونیاں میت بے مہرسان
بغیر رپوٹ کورونیاں ہونو پولوسان

تہ صفتان بوار تیم

ژائے پیران تہ خوش کی بیرائی رتوت متے ریس نووا
ہنون پننگا پو یوت راؤ تو مہ دیر ییمان کو

تہ صفتان بوار تیم

اولونوسہنا رحمد و بشاؤنو

رفیقو تھو دور کیسا، موشو دور بروز و گولد یہہ۔ رفیقو نام شان نہ او شوئے۔ گہر تو سیرا
 پھار عیسی لوٹ سرا کہ بی راہا غنچ دیتی حمید روزانہ لوڑاک پیرائے۔ کہ رفیق یا آف پیر تھو دوروتے
 یائی گوئے بروزوتے، نیشی آسیکا ای موقا براز بلخ ای موش کی عیسی اسور، بشار کنیر و کہ تو کوری
 بیسان ریکو ہتے پونفوس بروزوتے بیان راردو۔ تھ حمید ہی کڑومان ہتے موقا راسور۔
 کڑوم ہمپت :-

مہ گوروم بویان مہ دینار تہ پوشیکوتے
 گلہ ہچیتائے بروز تھانہ پتہ چھیکوتے
 خبار موگنے مہ دینار مہ آسیکوتے
 کیسوتے بغائے تہ بڑو ٹھلیک خوشو چخت کوری
 ماریمیان مارور شان نسومہ سم جخت کوری
 کوماڑہ ہاتم مس توری شیر پٹیک ژینہ شیر
 عورت بیوفہ دستوای لوڈ تو ژنہ شیر
 پھکوڑ و سورہ تہ بڑو ٹھلیک اعتبار آری
 مشکھی آنگیتی تان شرانہ قلمدار آری
 شرانہ ختام مس توری شیر دست نیشی اسور
 لوئمی اللہ تہ غچبیر وان نیویشی اسور
 بروزوتے ہمیان اے برار گیدیان بولی پسہ بار

سلا موکورو رشان ٹیسوتے دُست بے یاد موبار
 حقیقہ یاران گنی دُست کھوشنا بھلی بوئے
 عمر انور ختم خوشوای لومہ ہردی گوئے
 کیہ چُستی اللہ مہ رشان تے دیتی اُسور
 بوسون شیلی ہوئے رویانے دُست گیتی اُسور
 تو اوغ بیتی کیے مہ دینار دُق تے تروئی بوم
 پیکیو بھے چو ران سورہ دُق تے کھوئی بوم

سفید خان تحصیلدار

پر خانانار کوڑوا کیتی آباد شجاع الملکو دائرہ شیرے قامار پور چھیر تھو لوٹھور وژاؤ سفید خان چھیر
 ارونو غورا اڑیرو فہمیدہ بیٹی شہزادہ گانن سُم بیٹی پشاورا چے ڈیرہ دوناسبق راردو، میتار و حوکمہ
 ڈرائیور یو علمودی لاہور ابی جی چھی اچی گتی، پردین اوچے کھوتیک پیرو ساراچی میتار و موٹور
 کیاک ہوئے بسم جُستہ ایم ٹیو اعزازی صوبیدار یو خطاب حاصل آری۔ چھور و میتار سیف
 الرحمن مرحوم دورا باڈی گارڈ و ای کمپنیو پکھ صوبیداری توریتائے، ریاستونو غ انتظامیہ میتار و وؤ
 تسکیار تحصیلدار مقرر ہوئے۔ ہے ہدار تھرقی کوری ۱۹۶۱ء ریاستو وزیر تجارت ہوئے۔ ریاستو خاتما
 پست ہے ہدا بھی پنشن ہوئے۔ ہیغار اچی کوڑو و پ ناموسورہ مشہور ہوئے، سال ۱۹۹۷ء
 کوڑواتن شوختہ جائے، خیر و برابر و اڑیلی پر خانہ تن آباد آسونی۔ میلیسیان موڑہ بی جوائیہ پست دی
 عشقو جوخ ژالی پونگ لاکھی ژونگ بیرو بیرائے۔ ہوسم منسوب بشاؤنو ہمیت:-

ہائے ژان تو مہ ژان سٹہ پرچام غیری ز مبول

ہائے اوہ تے کیہ ریکونوبوم ٹومہ ٹہلیل

پرچمدار غمازی کورونیان دست اصلہ ہور

مہ ژانے سٹیو ہکا موکو بے رخی ڈق تہ عشقو زخی

گلب تہ بچے پست پارینیان ملکھون سلامی

ہائے ژان تو مہ ژان

بولی تہ خوشو ہائے مہ ژان تہ چھانہ مست، نشے مہ ژانونس

نما کییہ ڈوم خوبا نو پھستی بے نس!!

-----ہائے ژان تو مہ ژان

کو موران تفاق مہ بوخوش بر و نو نور، تھنو ہوئے بو سون

تھغل تہ پمٹ اے دُردانہ فُمو کی تہ شون

-----ہائے ژان تو مہ ژان

خبار گنے کی کیہ نارمیدیان تہ گرامپشان مہ ہردی پریشان

الہیئے ٹو ماری کھلاوے کی فقیر و دیشان

-----ہائے ژان تو مہ ژان

جہانہ روشتی کو رویان گولدور و گیس مہ غونہ دُست نو لیس

اخیری عمراروئے مارمیدیان بچ اوچے ٹوئیس

-----ہائے ژان تو مہ ژان

کڑداموسید احمد خانو کڑوم

بعض روئے ہمیتانے ہتو دستوو و تشکیار کہ تو تو دور ہکیو ہا او شوئے۔ سید
احمد خانو عشقہ نیزی جاری کوری اُسوررے تہ تسلی کورونیان بہر حال کوس نیزی رودی کی برانی بشاؤ نو
ہمیت :-

اسپتے نفس غیری شیر گشند یڑو شوتارے
رویوان انتظامو کورورمہ ہتھانتوسیل گویان کڑدامومہ ہیتارے
ڈق تان نثار اژی شان مقستی نو توریتام
تہ فقیرتان ننوساری یاز برابران موژی بے تالیجو اثریتام
اسپتے نفس غیری شیر گشند یڑو شوتارے

دست کہ مصرو بی بی مہ شان ڈق ایرانو تیتیمئے
روز علی روچی گنی کسیم تہ دربارو موژی بے قدرتہ ہشیمئے
اسپتے نفس غیری شیر گشند یڑو شوتارے

ای برارونام سید احمد خان ایغونام کی گل ہیسیر
کوکیہ ہنین جم انوسوہئی ہائے مہ و تھنورویان کڑدامامہ دور ہیسیر
اسپتے نفس غیری شیر گشند یڑو سوتارے

میرکھنی مہ دوریے مہ شان زیارت مہ پڑاوائے
مہ ہلبل گرانش بیکو گوائے سورسیر ی پونگ نموتی نن تانے کیڑاوائے۔
اسپتے نفس غیری شیر گشند یڑو سوتارے

مہ ژان ژویواوغ بیٹی کیئے ذق تے برو نہ اچھوئے
 مٹے شہنکھنی کوزکان اللہ کورار سوم بازوان گر کنار آف چھوئے

اسپتے نفس غیر شیر گنڈ یڑو سوتارئے

دستولوان مہ سُم دیتی مہ ہر دیوست کونیاں

کوکیہ پننن جم انوسومہ اوچہ مہ ژانوقبروالیغونسہ بخت کونیاں

اسپتے نفس غیر شیر گنڈ یڑو سوتارئے

ذق شسیکو ہو حاکیمئے دُست مُلکو خلیفئے

رویان مہ بلبلوتے رور گنجائش مہ نوجو کیتائے موبائے مہ سار خفیئے

اسپتے نفس غیر شیر گنڈ یڑو سوتارئے

تہ بچکین اجمیر شریفوز یارتان موی تیم

تن دُستوسار ہوت دودیری ہئی ہئی مہ تھنورویان سُم نصیبار پو شیتیم

اسپتے نفس غیر شیر گنڈ یڑو سوتارئے

تو کی آسانہ مس یورو برابرہ گئے
ہوئین گدیری مہ آروڈ تو انوازی بی بی نسین مہ خبارہ گئے

خوشپہ تو مہ غمچی گوسان

مہ دردانوکان تسورو غمگین آرو

تان پرانو کھوساؤزے سوم بازویان چین آرو

خوشپہ تو مہ غمچی گوسان

آسانہ مس می نیسائے کھوٹتے پچھان اریر

مہ لوٹ نیسی تان قدرتہ لغل تہ غمچھان اریر

میر احمد خانو کڑوم

میر احمد خان گرو میٹر حاکم و سرکار و نوکر ایس شہنشاہی شہنشاہی کا اوچے گج جو کیکا پہلوان

اوشوئے

اوہ کڑوم نیزی جاری اریتم یار دستانن ہیت مہ بلبلو صفت
 گیتی مہ نسہ نیشی شوکھور شوینن لو مہ سم دیت تہ بچین ہوتم ہردی ہکت
 لیلیٰ مجنون غونہ حیق ڈقوسم دستی کورے می روئے کورونی لگ رحمت
 مہ شان پر چمان غیر دمی آف راہی کورویان بویان چوڑی میوت زور
 اوہ کی شم لودومان اے مہ تھنورویان دستوشرانہ مہ مرور
 تو مہ قالیپو مولوڑے نازنین مہ دینار خبار گنے ڈقوسالو
 مہ جگار بندان نیزی بانجو بھسی کو دسیسان اللہ پشیران مہ حالو
 ہیہ سرکاری شانہ تانتے نوکری کورومن مہ نام گرو میٹر و میر احمد

صوبیدار محبوب عالموتے ”بش کارو ویشاؤ نو“

نوژن ژاغئی غمزائی کوریک ته کیه عادت اللدمه سم مدت، مه نسه نشی متے چوڑے مه جفریت
 نوژن ژاغئی میرزائی کوریک ته کیه دستور چاؤ نئی مه خفستور خبار گنور مه ختیقو دست کچه اسور

----- نوژن ژاغئی غمزائی کوریک ته کیه عادت

مه ژنولوژور گروم گازو چوم هوسی گویان اسکیم پیکو جھیر گوژو سوری پیکھی گویان

----- نوژن ژاغئی غمزائی کوریک ته کیه عادت

مه دستوتے رور عشقو پونین گیا اڈو پشیر چھوتی قالیبو اسکیم بازور مین دیاؤ مور

----- نوژن ژاغئی غمزائی کوریک ته کیه عادت

گُلپ خوپئی ته پروشه لاکھوم ته سلامی شون دون دردانه مه دینارو پچھر وقلامی

----- نوژن ژاغئی غمزائی کوریک ته کیه عادت

گرومہر و موڑه شہری نیران ہے انجینئر بشار گنور کہ اے برار گیدیان کتا بتونیر
 گرومیٹرومی روئے مه مارینیان اوہ شانگی دیوس ہتھانہ حال کچه بوم تان دستو چانگی

----- نوژن ژاغئی غمزائی کوریک ته کیه عادت

یار دست گنور کی محبوبوغون سے وفادار اسکیم جو رونی مه دینارو پھورین دانہ دار

----- نوژن ژاغئی غمزائی کوریک ته کیه عادت

مه ہوسته مه ویٹھو کولوژور یہ کچه نمکین کڑومان نئے جاری اریر گرومیٹرو حاکیم

”کیسوما یون“

کیساری طرمت عیسانا مین شیلی صورتی نوچہ چمکیر شیشی کوہا موش وینی اوشوئے۔ تو
موشونام پتہ نیکی۔ نہ کی کڑوم نیز اکونا موکاسھی آرینی۔ مکم کڑوم طرمت نسونامہ مشہور ہونی۔

ہمیش کیڑی اسم تہ عشقہ پروانہ بتی اُسم

اُمور و موجو سے ژانویا ر دیوانہ بتی اُسم

ہمیش کیڑی اُسمے موخو ڈو کو گونے بوسونو وارو

تہ پلیم دش دنیہ قونان دریم تہ سورہ متے کیہ آرو

آخری عمرہ ژان مہ دینار و ساری مہ جدا آرو

طرمت کو مور نامے کہ سخیلو تے نسائے مکامس تاریئر

کوہستانو فقیر جو کڑوم نیزی تام خور کیہ دس تاریئر

ہمیش کیڑی اسم تہ عشقہ -----

مہ ژان کیسوما یونے بغائے کیسوتے اوہ کیانی بوم

دولتو کیہ جشم تان شیرین چوڑینو دست تہ بچے دوم

ہمیش کیڑی اسم تہ عشقہ -----

عاشقی جو قسموای ہو شو الوئے ای ژانو چھاریئر

امید اللہ ہا شیر تان رحمونظار و مہ سورہ تاریئر

ہمیش کیڑی اسم تہ عشقہ -----

عاشقی جو قسموای ہو شو الوئے ای گروڑی کوئے

بلبل اندرینی گیا و ماہر دیو سوری قون پھور وڑی بوئے
 شیلی باؤ ماہر ٹانے دور و شرانین ٹان او غوتے گوئے
 کوکیہ پننن انوس مس مخ ماہر و سکی باؤ کریم کوڑوتے بوئے

ہمیش کیڑی اسم تہ عشقہ -----

کیسو تہ تو دورے اسل تہ بہتان گلتو چے کشمیر
 ووری متے گویان تہ بریک تھنار مشکہ چے عبیر

ہمیش کیڑی اسم تہ عشقہ -----

ماہر ٹان کیسو ماہر یونے دُست کیسو تہ بسان ماہر کیانی کوری
 گدیری ڈق نادان ہی لوان دو مان نادانی کوری

پوپا او کڑوم

دُنیو جو وولوت ژانگه برمو محازا ژانگه حصه گنی گیر و دروسو گرو میژونو جوان برتھنکیو فوجہ
بھرتی بیتی ژانگو موژی اسیکا بیو تے گروم دوسی تان ای جزباتی کڑوما ہوس ریران۔

ہیہ برمو شہر متے بیابان بیتی شیر
ہیہ جاپانو جہاز سوری آویزان بیتی شیر
ہمونی ہٹش کارڈواڈق تہ سم دوستی نو کروم
تومہ بوسونو گلاب کپ کوری تہ گمبوری دوم
ہیہ مٹیلسو خاٹر مہ لوڈو ریت موکورور
مہ بلبل غیبوی اسور عزرو کومنت موکورور
اوہ ژانگو ژانگا ژانگہ بی کڑوم نیز تیم
جاپان مہ روکتیو دیکویرا غ نوویتھوک نیز تیم
سلام دلاوروتے کڑومن سرنایہ انگوئے
مہ ہی جو کڑومن دولوچے بیڑوا انگوئے

صفتان بوار یتیم -----

تہ کغاز مہ سُم توری اوہ حاکم ہو تم ہنون

عشقان نستو ہتے روئے مہ دُور دانہ لہ

عاشق او شوئی ہتے لیلی او چے مجنون

صفتان بوار یتیم -----

مُلکھون شوپی ا سیمین مت مہ بوسونو نشانی

خبار انگیا کوتے انعام گل گمبوری

دُستو لوؤو دوئے بوئے مہ ہر دیو تسلی

صفتان بوار یتیم -----

استانو ٹیکو نیسی گوچو ہارین دوسی اسوسے

روم جلتن لو اہائے دُور دانہ لہ

جلتن لو ماتے قہرین بتی اسوسے

اویونو باچھا خانو بشاؤنو

تومہ ہر دیو باتین کیے کی برابر بوسی
 فلک یری کی نو پرانے پتھی قلمدار بوسی
 گوڑ و نسپو لوڑے غور و اسپیورج دو سیکو
 اشرفی یو چھر و نیان شیلی میرزہ ہو سیکو
 اوہ دوری سیورج دو و ردومان ہر گولوتے
 گولہ بی دو و ردیتی بسوتے گوم چھیر گوڑوتے
 سیورج و در اچھی تے موڑہ در بت نشیکو
 اور ارہہ ڈوڑ بومان چھیر گوڑ و آفس دو سیکو
 تومہ ہر دیو باتین تہن مہ ازار آریئے
 مژان تان لغل پھوران مت لگھزار آریئے
 کیئے لہ ہر دیو باتین تہن مہ خفہ آریئے
 ہیہ بے خیر دنیہ یوسفوتے کیہ آریئے

کیسو شیرینو کڑوم


شیرین کیسو قدیمی بوکی ملگا سیئے قامار، کیسو ٹرانگ دیہا تو پانی دُوراوشوئے۔ قام ابو
 لیکن پڑوی ژاغا شیرینوت آبادی غیرنو تو رہتائے۔ ^{جنگل}چی ہتار ژاوت شداری کوراؤ تائے۔
 ہتار ژاؤ ہتوت بو جا سیداد پرائے۔ شرین راہتیا وخت شجیاؤ تائے۔ تو خوش رویو بارا کوستے دی
 پتہ نو اوشوئے۔ مکم یقینت عاشق اوشوئے۔ تو کڑومان سارتن واضح بویان۔ شیرین بزمی شاعر
 اوشوئے۔ ہانگو چے سیتاروما ہر اُستاز، صوبیدار محبوب عالم صاحبوسار روایت شیر، کہ بوسونین،
 دروسو چھاؤ نیا گیتی شیرین ستھار بشنیکو جو بونیک گیتی موخینو دارا نیشی ہتو سیتھاروتے کار کوراؤ
 بیرانی، سیتھارو بوہیک بند بیکو اچی اولوئی بوغک بیرانی۔ ہو کڑومان ^{جنگل}چھو موژ غیشی ژاؤ اصلاح
 کوراؤ بیرائے، وتان کڑومانے دی ہتو حاکینے ہانگ دیہاؤ برائے، شیدا صوبیدار و برار ہنپے
 دی زندہ اُسور، شیرینو لقب بر گیدیر و ہتو تخلص آزاد، ہیتان میلیسو تنظیمونام دی ہزاد اوشوئے،
 ڈو غوراردی بعض میلیسی ہے تنظیمہ شامل اوشونی، دوم بروز و رحمت الہی خان شیرینوت مہ اُستاز
 ریران، شیرینو ڈالوچے اسپہ چھترارو بزمی میلیسیان مقابلادومونا بوتارینچی اشلوک ہیتی اوشوئے،
 جونا گیتی شیرینو نیروغی سیتاروشیک، بزمہ ڈفان روندو ہدیتی چنارو چھانن ژینلیک اوچے لائینان
 پکلیک مہ جم یادی گویان، بامد تو وخت بیکو دُوررولوٹھورولال میلیسو پڑوزیکو حوکمو پرائے۔ شیرینو
 کڑوم ہمیت:-

دُستو سار جداگی رویان شکایت بوگیران عشقوانگار
 سوال اللہوتے ہر باند و مقصد و برباد موکورار رائیگان موکورار
 جم لوژورے یار دُستان یہ دنیو کشمشکان سارنگی خلاسی

دوناؤ فکر کورورٹھم ریانتے کیہ نیکی هائے افسوز پشمانی
 ہر گمبورا یوانجام گان وور یوگنی الوئے چھان زو خان موژ وچھاروتن مقصدی نوتارور
 ملکوعزیز رویان ای مجنون گدیر یوسورہ شکایتین موکورور ملامتان موکورور
 محبتو گمبور یو کالوژیکوسم خوشان کاشونکہکار مینادار، کاکریٹکیو تمہگار
 آزاد رویو ہردی تان دستو ای لوؤ بچے ہمیش کو یان انتظار
 بوسونوگان کی نسائے شہ پر چمان ژینکیر شہ جوڑو نیان ژینکیر
 مہ گدیر یو خدمتو مہ ناچارو خدمتو اللہ پاک نو تو نجیر



عشتو سولوکان کوراؤ بٹھنی کسیمان ہوران پھرہ دار
 دستو اسکیم جرونی روئے مرینیان اے ژان پھورینین دانہ دار
 نادان رویان غونہ گدیری نو اسم ژان ہزادو قلمدار
 اسپہ ای ترہئے ملنگان تان عمروا خیری ہزادا ہوت بھرتی
 اگر دستان دی ہوؤ تہ ساری جدا نوبوئے مہ گدیر یو ہردی
 فقیر ناموسم روئے نفو پابند کسیر بٹھنو موژی اسپکو چہ زلیل
 ہزار آپوز بائے مہ دستوتے اے ژان دس رویان کہ خوشداریر
 امیت اللہاری شیر تان رجمو نظریں مہ ووسکی تان لڑیر
 ملکہون نازک اشاری نو بھو راوسک ژانہ ہسے مسکھیر نازک ہوا
 اللہ کی تہ غم وچین مہ پیدا کردوہ ائے کیہ کنجائش مہ کیہ دوا




تہ تھان زیر بلیاری وھلی تہ مخ پنجرش تہ ووری ملکھون
کیانی کوم ہردیوز ہمتان دستان ساؤزے اسم گدیریان غون
مہ کیہ از مون کوسان مہ ژان جہانہ نویس تان گدیریو غون
اودہ ہزادو قلمدار قلم مہ ہوستہ نیوشیک دستور
کا کی عاشق اسومی ژان ہزارو زولار موبور بے دستور
تہ تھان زیر بلیاری وھلی -----

مژانے تو آسمانہ مس تو مس کی بیراؤ برابرہ گئے
ہوستین گدیری مہ آرو ہردیو باتین مہ خبارہ گئے
تہ تھان زیر بلیاری وھلی -----

اودہ تہ تھنوتے عاشق ہردیو باتین موبوس اچی غیستی
تو مہ بوسونو نوغ گمبوری بو جھو جھے مہ بانہ کو بوسان گور غیشی
تہ تھان زیر بلیاری وھلی -----

اودہ گمبوریا نتے عاشق مسکھی کسیمان ملکوموژی
عاشقان خوردی بو اسونی آزاد فقیر و غون کرا غموونی



اے ہر دیو باتین تان فقیر و دیراوے مو
 کیہ کی لوتہ ژانی شیر سوراٹنی دیت ژیراوے مو
 رویان فریبوسورہ تان تھنو اسپیراوے مو
 تہ لشت غمچھانے غیروم مہ ہر دیو پیراوے مو
 عاشقی خور اشاری ہر دیو چو کیک خور اشاری
 اوہ صیفتان کومان اگر کی غلط پیرانی
 تھام گمبوریان قیمت مرکھاز کیسو گمبوریہ شیر
 نو بوئے گمبوریو شو مکھین گمبوری بورنگیہ شیر
 دست تہ ای لوؤ قیمت تہ گدیریو ہر دیو شیر
 بتھنو صدر مرکھاز در حقیقت ژوغورا شیر
 عشقو اول کارخانہ شہر کیسو گمبوری شیر

ہمی بشاؤنن نیزی جاری کور کونا م پتہ نو ہوئے

کرامہ اسورمہ لوان مہ دستوتے دوئے
 ڈاتی مہ بغائے آپسوز و ہوست مہ دوننا ہوئے
 شیمی بیٹی مہ شان تان پوڈورارگوئے
 غیروڈری شانو اسکیم بازور یارگوئے
 مہ غنچ پونہ شیر رفیق لکو کی پونین گوئے
 بنگالہ ساؤزیئے مہ شان ہارین دیتی اسور
 جلتن لواحیک متے قہرین بیٹی اسور
 کرامہ اسور

ہردی مہت بیٹی می لوان اوہ کوسم دوم
 اولوئی تہ پشیم شان گدیری پروانہ کی بوم
 کرامہ اسور

کروئے پلوغ

کروئے پلوغ گولڈ یہووراز اوشوئے۔ خورکشاند یہہ موش وینی اوشوئے۔ بدت شاہ
 بروزو گولڈ یہو پونگ وٹسکی ڈوروینی اوشوئے۔ میرا سیئے قامار اوشوئے۔ بس ہوتے عاشق
 اوشوئے۔ کڑوم ہیت:-

ہائے مہژن کروئے پلوغ تان کرویار رنگ گنے کئے
 تہ فقیر مفت بریومان ای انوس بشار گنے کئے
 ہائے مہژن-----

ہائے مہژن کروئے پلوغ پیرہ کسیم تہ استانی
 لاکے بوم کھترشانی خوشون تن تہ مہ پوشانی
 ہائے مہژن-----

ہائے شہر و شربڑانگ گولڈ یہو لوگار شریکی
 جینخیرار مہ جلس کو چھیر ہوسٹین تو مہ مرکی
 ہائے مہژن-----

کروئے پلوغ موش آلویان پرویز اوہیم نخر کھونہ
 نو شنکھیم قلاہوران بچوچھورکی مہ ملکھون
 ہائے مہژن-----

ہولی ہے وخت اوشو۔ حس نیی برونہ نشیتم

پوشی دربت ہو سیتم تہ نو پوشی تھ کیرٹیم

ہائے مہ ژن -----

خوبانن سیل بییان کوری ریکو پھارہے ٹیکی
زولجہ نیویشی شیر کروئے پلوغوسان ٹیکی

ہائے مہ ژن -----

مہ بلبل اہیہ لوڑے کی تہ تو بہتان نیوران
ٹسمغو آچی پیچھے تہ باریکی تھان نیوران

ہائے مہ ژن -----

ریکیٹو دونہ دیتی تہ بپ چموران دہمیران
ژورو چھیتراہ دیتی تان فیہ اسپہ کیرٹیران

ہائے مہ ژن -----

بدت شاہ کورہ اسور گولو ٹیکو مَرچ پھوردوئے
می روئے بشر و گونیاں بدت شاہ کیہ وت بیردوئے

رحمت نیاز اسقا لو کڑوم

ہمو عشقو سم ای نمکین واقعہ دی شیر۔ ہیہ کہ ہتوڈ ستوتت رارڈو برائے کہ ہسے مہ غونہ بیکو
 لو بوئے۔ ریکو رحمت نیاز اہتی انوس سہنو بٹالیہ، تان رفیقو تو چلا یہ ہو بہو بیٹی ہوستوڈ کہ زو پھمان
 گیا ورا و استائے۔ لوڈور کی اوہ کچوڑی خانو غونہ بیکو ہوتہ کی نو؟

شرانہ ہاتم ایرانو فقیر، مہ ژان مہ ہمٹس موکورے دُنیہ بیران آخر
 اسپہ جوالی عشقو ملامت، مہ ژان تہ سوراصداقہ تہ ہر لو و قیمت
 مہ ژانے موٹس بوٹک برائے ڈقیو آفس، دنیہ غمخسے
 فلک کی سوری پرانے چمٹ دونہ بچو ر مہ ژان آپسوز کوریک ا بس
 تان خوشرو یواچہ مژان انکارو غیرین بوئے پروانہ پولین بوئے
 اوہ تھرڈنی محشی، مسکھی دریا ہوموژوڈردانہ کورہ لین بوئے
 اوہ عشقو گدیری مہ ہتھنہ کل تھرار، مہ خوش روئے ہوسکورار
 ہردی تہ سُم چوکی قالب عشقو تھنورا، ہردی کھباب مقرر

میر حسین

اصل نام میر اسین دور لوٹ کو ہوئے رجونہ شیر، کوس بچین کہ آسارو بندی خانہ ہردی تنگ
بٹی ای کہہ کڑوم راسور ہے ژاؤ و نام گل بدت شاہ، قامونام بیا کے۔ کڑوم ہیت :-

مہ کیڑیک کیہ دکھار بوئے اللہ تان رخم کی ہوئے
مُشاقتیو نصیب مہ کاسیتائے فہم نو ہوئے
زور بٹی شیر ژانوت لاؤ زکوم نہ مہ نہ تھنور وئے
اللہوتین حوالہ بولوٹ خدائے کیا غکی کور وئے
آسارار خلّس ہو تم، عیے دقت آنوساری
خوش برائے گل بدت شاہ عجب ژانوساری
ہوست پونگان کروٹو پرانی پیکھ پیتی چھوئے ختانی
الہیے کرا پشیر تہ سار غیر مہ زیدانی
ہیہ آسارو جیلہ برارو ژان سال بروئے
مہ غریبو شپیک برارو حقہ ژار بروئے
دریغے مہ فہم نصیب مہ ہائیری نو گیروا
کو کیانی بیسام اوہ شیر ہائیری نو بیروا

عبدالقلی

بروز و ہندوستانی ہجرت خانوڑاؤ ہیہ دی عاشق بیتی برداشت کوریکونو بیتی، فقیر یو چلایہ،
 دور و جائیداد و ملکہو بیتی کھشتی گوز و درے گدائے بیتی بغائے۔ ہوسم جنوری ۱۹۶۶ء مظفر آباد
 سیکریٹریٹ سائین سہیلی سرکار و مزارہ تروئے بسی عرسو موقامہ ملاقات بیتی او شوئے۔ ”قلمدار
 بیتی، بی وے بھتان بیتی بوکوسی، اچی بھتانہ گیتی، تھیش ٹسکھی ختیو دستو واہتہ ٹھا ختیو دورار تھیش
 گنی بیرئسی مسی تھاسہ ژوتہ کھشتیو چھاریکو موقا خوشرو یوسورہ غنج توریک برا بار، ہوستار کھشتی آف
 پستہ دیک سہیارے بشار گنی، ہسے ٹو او شوواریکو، دی مہ ژانارے تو سوم غچھار ہردیو اشرو طوفان
 سورین بی ریکیشو بھور لہت توریتانی۔

ژانو ڈسٹان تان کاردو کور مارا وہ پیٹمان

آزلی آزی ہوان پوڑاؤ عربی

گل چہ نہ دارم چہ بلبل زوتی

تہ پخوان شہنہ بیمن جوتے

حجابی پاک بیتی گوم تہ نوتے

ژانو ڈسٹان

آسانہ مسیے ہوبان مہ نہ

مدام تہ بھنن مہ کیڑیک آہہ

ژانو ڈسٹان

خوشان شرانہ لشواہت نیشنی
جوبس کی نوپوشیت سوم غنج شیشنی

-----ژانودسمان-----

مسو اچھاری رومین استاری
نہ کی آدم تہ غونہ نہ دی پاری

-----ژانودسمان-----

☆☆

ڈقو سٹیلی رفیق تہ رنگ بیرس
شیشلی میرزہ بتی کیئے ژونوروائے مرلیس
گلاپوچہ ملکھونن موڑہ تہ گنی منلیس

ڈق رسالپورہ اسم مہ بوگتو گوائے عشقو کھوشون
کھیو حال بوم یہ پلکیا جنت بروز بیروبوسون

ڈقو سٹیلی رفیق-----

ژانونس بولی تہ بائے تان توگرزینہ اسوس
تو مہ اندرینی گیتی اچی کوراؤ کومان آپسوس

ڈقو سٹیلی رفیق-----

بتھنار مہ ڈڑمیدیان کومان غریبی
رہی اریم متے قہرین قسقارو بی بی

ڈقو سٹیلی رفیق-----

بروزہ شعری نيزک ای پہلوان عبدالقلی
عشقو ہاران باریتم برارکیدیان اوہ نودوننی

ڈقو سٹیلی رفیق-----

نور محمد خان یساوؤل

اصل نام نور محمد خان عرف یساوؤل دُور درو سو جنجریۃ اوشوئے۔ درو سو گوانر و محفلہ و اچہ
 تر و یو جتا محمد مظفر الملکو محفلانوی کو مکلیسی و جم بزمی سیتھاری، بشاوؤ نو نیزک دی، اژغانی وارہ کڑوم
 ریکا بوجم اوشوئے، پاکستان ہتی اچہ چھتر ارار کشمیر و تے بول ویٹھیکو موقا اپریل و اگست ۱۹۴۸ء نو
 غور و ژائے نچہ جتا مجاہدان، بھتنو بوانانن اوہ پسہ خدا یوتے حوالہ اریم رے ایگان کوری
 پرویز یران و موژ و دروازہ خانار عیسیٰ نور محمد خان یساوؤل تان کڑومان ہنگو سیتھاری اَنگیتی کڑومان
 راؤ غازیان پر جوش کوراؤ اوشوئے، ہی کڑوم ہتے وختہ نوغ اوشونی، پسہ باڈیکار ڈوہجہ باشونیان
 ، ہی بوہت درو واز و نسہ ژانگ نچہ جو ساوؤ اُستادان ژانگوار بشیاؤ اوشونی۔ چھو سرا پھار میرکا پت
 ژانگوار ای زیلہ بوہتی، یساوؤ لوہے وختہ تاریخی بشاوؤ نوہمیت:

چھتر ارو جوان کھل جہانہ شور

بولوٹ مددگار لوٹ نیسی اُسور

پرواہ موکورور جنت پسہ دور

غازوتے بیان اسپہ بولم روئے

لوٹ نیسی اللہمہ سم مددوئے

کشمیر چھتر ارو ہوستہ فتح بوئے

چھتر ارو جوان -----

تکبیر اریم اللہ اکبر

بنکو تو بھئی دُستان اُشلورار

اللہ اسپہ مقصود و درست کورار

چھتیرا روجوان ----

آہیہ کھوٹ گنبتائے بوشیکو بچین

شکست ژیبونی اسلامو ہوستین

هوران کسیدیان غازیان نسین

چھتیرا روجوان ----

غازو عیہ بو روئے افسی

موش روشت بتی شیر اسلامو ہردی

اسپہ شفعت گار اللہوینی

چھتیرا روجوان ----

شہید کی ہوتا م جنت اسپہ دور

لوٹ نیسی اللہ کورے منظور

چھورک چھنو غون کفار پچھرور

چھتیرا روجوان ----

چرنوال

اصل نام رستم خان المعروف چرنوال ۱۹۲۱ء چرنو دیہہ اٹریو بیرائے۔ بانی کے قاماری۔
 سبق راردونوا اوشوئے۔ شون اودوغ بیکار اچی عمر زیات حصو بیرئ شحشجائے۔ ای کمہ سال
 بڑا اوشو شہ دیوان بیگی حسیبہ حال ہوئے۔ ہیغار اچی چھیتزارہ لوٹ ڈاکنا نو شویا ہوٹول پرانے۔ ا
 ژغالداری او یونا کوری و او یونان تن خنمان ساؤزیئے مستقل آباد ہوئے۔ ہیغار پروشئی چھیتزارو
 ہونادی دُوراوشوئے۔

چھیتزارہ ہوسم زیات نیشک اُستاز میرگل، سمندر دروش، غلام نبی خان پھک برار، لعل
 صوبیدار، مستمان خان، ژوغور و افضل میکی، میراگرا مو افسر خان سنگور و گل نواز خاکی، عنایت اللہ
 چشتی، چیرمین شوکت علی، صوبیدار محمد آواز، دردانہ خان، مستوچ سب ڈویرین پرانو ضلع مستوچو
 بو بو معتبر شخصیات دی ہے جیرا شامل اُسونی۔ بیس تان دُستانن چے یار برابر ان سم ای تہیتا ای
 قسمہ تعلق لاکھاؤ تائے۔ کوسار تمہہ یا لالچ نو کوراؤ تائے۔ کوس کمہیو موخاوار لو دیاؤ تائے۔ کوسم
 بیٹش تھو شہیک ہتوسم نوشاؤر۔ کھشال، ہمکنکشال، معزور، غوث گدیری قسمورویان سُم زیات
 ہمدردی کوراؤ تائے۔ وکوسار مفت کورم نو گناؤ تائے۔ تان دُوراویان حقہ۔ بے بہت مہر گین و رحم
 گین اوشوئے۔ ای پھولوک ژور سے میرگل استاز ورو ژاؤ اوشوئے۔ اُپکسو سیو ژاؤ ظفر الدین
 ۳ سالہ اسیکا دُورا و مدیری دار اڑغال حقوت توریو مستقبلا مہ اڑیلی پوچہ دان ودر چگان موبانی
 رے، ہسے و بوک نو اوائے، تو غونیزیر و بشاون لوژیکو عشقیہ مکم تان عشقو باراکوس نسہ لونو دیتی
 استائے۔ لش بیٹی بریکو یوشٹ ہوت دی هائے۔ ۱۵ اکتوبر ۱۹۹۵ء ہمک مدہ لہاز بیٹی آدنیا اٹوس

ہیہ بے بقہ دنیو ہستان چینی ہمیشہ ہمیشوزند گلیو و سکی سفراریر۔ مرحوم چہ نوالوای کمہ یادگار بشاؤ نو
ہمیت۔


اوہ صفت کورومان مہ ژانے تہ تھا نومہ خوش روئے تہ پھوران
بریومان ڈق تہ غمہ نویہم ہموغار مہ ژان انصاف کی نوکوسان
اوہ عشقو سوالگار کورومان تان سوالو تہ جو ابوانتظار
گلہ دستوتے نیکی نصیب روزی اجل از الاقدر تو و و شکیار
بوسونو بہار و موکورے مئے ژار مہ ژان اللہوتے لوڑی
عاشق ہتے روئے عاشق سکینو چ ملیٹ تینان عمر و غونہ ساریر
و نیہ فاندیاک اشناری انسان وی قافی بوئے تہ مقصودگاروت کیہ تاریر

شہادتیکھوشیرعجب خانوفرمانیہ

ہائے اوہ صفتان کچھ نوکوم اسکیم جُرونیان ہتیت پھورینین دانہ دار
دستو اسکیم جُرونیان کیہ وکی پوشی اُسُم بتی شیر مہ ژانہ انکار
اوہ بریوم گورو غیروم تہ نورخونم مژان تہ ہرای لُوؤ قلمدار
مُلکھون نرک ایشاری نو پھوراؤشک ژانہ ہسے مُسکھیر فُوک ہُو
اللہ کہ تہ غموجین مہ پیدا کارو بیرائے کیہ گنجائش مہ کیہ دَوہ
ہیہ اللہوتن قدرتے مہ ژان تان دستوچین بومان ہرایوالیوت غلامیے
دُست نو آری کیہ تان وعدو مغاردی بوگیران کیا غنوشک ہدائے رویاچئے۔
عشقو سُلکان جم کورورے مہ چین ہونو موڑہ اَلیموچے گولدوروسمندار
مشک تہ وڈریہ شیر تازک بدن تہ چین نو اسپرو پنجاؤ انتظار کونیاں
اوہ دستو گدیری نو اُسُم دنیو غمہ تان ژانوائی لُوؤ چین انتظار کومان
اُفسوس لکینے معشوق تے دی تو ہر رویوتے برابر
کیانی کوم تان ہر دیو قلوبا چھا جگار ان گنی ہمیشہ انگارہ مقرر
چھیترا مہ حقا ہر پورو جیل تہ دور مہ مُلتان
توپرو اتان تے لوڑے مہ دُردانہ ہتیت مُسم شامل کچھ انگاروت کونیاں
تان گدیریو ہمیش غمہ بچیک ہائے مہ ژان کیہ ضروری
آخر بریومان تہ فقیر تہ باریکھینو ارمانہ تان مقصدی نو توری
اوہ گموریان تمہگار مہ ژان تان دستو کوری
مہ نام شیرعجب خان اللہ کی مہ ماریر مہ مقصدو درست کوری


سمندار عرف درویشو نامہ بش کار و ویشاؤ نو

اوہ کڑوم نیز یکین مہ نام سمندار، عشقو غم مہ او یوئے دُستے
 تو ہوشنو کوریکین دیتی نو کوروسان اعتبار
 لکنی مہ عشقو قلم تہ صینتان کوریکو ہردی نو کویان قرار
 مشکوکان شیر برار گیدیان مہ ملکو باغہ و وریوگان انلیکو شو نکھاؤ بومان بیخبار
 عشقوراہا اسیز روئے کہ ہوئے دُستو سار تہ نو کوئے کوستے کیہ پرواہ
 مہ شان اِنصاف کی تو آرونو بچوم عشقو غمہ یہ غماری بومِ خلص
 اوہ چھیرارو باشندہ کسیم تھنو موژی چھیرار مہ خوشرو یوژاغہ
 شانے ژندہ ساؤ زاوے سیتھار مہ سُم شیر تہ صفتان کوروم کیہ مہ دُست مہ دردانہ
 اوہ تہ تھنوتے عاشق موان موبوس اچھیستی مران موبوس تو مشرور
 نہ کوس مقصت کوستے بویان نہ یار دُستان کونیان و فہ فلک فاندیتی شخوڑ



امیدوچے و فو سورہ کوری انگومان اعتبار
 مہ دُست بے و فہ اوہ کچہ ریم اوہ بچی اَسم ہمیش تہ غمہ گلختار
 بَدیکی رانگ تھان مرگست گمبور یومت تہ تھانو صفت تو مہ ژانوسم برابر
 دُنیا بُو بسو مہ جم روئے کوسم نو بچور
 کوس ژانی کی او شوئے عشقو مراض کورین بوئے ہر ایو ایوت انتظار ہیتی تان غمین مجبور
 کڑوم نیزی اَسم صفت کورومان تہ بچین

مینہ نحسی بند پرواز کوریکو نوباؤ مینہ بھی اسور غمگین
 ہر دیو نوری نوبوئے مہ تہ ساری جدا
 دُنیا کیہ ایشاری دُنیا ہر دیو خوشانی مہ دُردانہ
 مہ شان اِنصاف تو نوارو گدیری مہ اُرو
 کپلہ ہوش مہ بغائے کھر زہیرے تہ اَرمنہ ہوسٹین گدیری ڈو دودیری اُرو
 ہیہ گمبوریان تن قاندہ مہ شان عشقو گمبوری بے وفہ تن بونیان
 مہ اللہ تہ قدرت تہ لوٹیار شیر عشقہ نسیر وروئے خفہ تن بونیان
 بوسون دُنیا مغرورے رویان مرگست بوسونو شیلی
 اسپہ ہمیش کیریکار کیہ فاندہ بویان بلبل ہمیشہ ہمیش نحسی باندی
 مہ حال مہ خوشوتے معلومیئے رویان مہ پتہ موسم شیر
 اگیور جو تروئے مسلمان بیخرازان ڈو جنجال دُستوسم شیر
 اسپہ ہمونی سوال اللوتے منظور نو بویان
 اللہ مہ گل گمبوریو متے نو دویان
 اسپہ یہ زَیلہ کوری گھر زہیرے تان اَرمنہ
 ای دی کیہ جم انوسو پوشین نو بویان



تہ تھان زیر بلیاری وٹلی تہ موخ پنخارش ووری مُلکھون
 کیانی کوم ہر دیوز ہتاتان داستان ساؤ زیمان گدیریان غون

استاذ میر گل امیر

اصل نام میر گل، تخلص امیر عرف دگلہ، تھو نام زیارت شاہ موڑ کھوڈ موردریر ”وڈر دیرو“ خوش آموئے قاماری ۱۹۲۲ء لوٹ اوویرا پڈ ڈوریا آڈریر ویرائے، دون دونیڈر بوغاک بیتی نن تان سُم جُست بیتی چھیترا روتے گیر ویرائے، نن نت اول چھیترا رو آڈرینا آباد پیر و، سبق پونجہ پت ریر و، نن تان وفاتا راجی نوغ آباد ڈانچھیترا رو ہونا دور وینی ہوئے۔ ہیغار پروشی راولیار موڑی دی نسیر و، ہندوستانو مدراسہ پت بغائے، ہتیر ای عورت کتاب ہتو ہوستہ دیتی ریتائے، کہ اے گل گمبور یوشیلی نو بچور، ہو گل زندگی سوت بسو، ہیہ ساڈا شپر نڈور، ہیہ کتاب حاجتہ گوئے، ہے نصحتو سُم جتہ دی پروشی سبق ریکونو بیتائے، خوردی علاقان بلوچستانہ پت پورونی ۱۹۳۸ء اچی ہائے، ہندوان بوغڈ وار پویہ شاہی بزار و موڑہ ہوٹول دی پرائے، ڈو غورا پت عشقو گر زمینی کوسیر و یاد تازہ ہونی، انکار استو ہتے بیکو جت تخرن اچی بھاس غیر اووچ پرانی، حبیب گل مرحومو مغللا توریتائے، شاگھتیو حقو ادا کوریکو برکتہ قادر الکلام شاعر بیتی ادب و ثقافتو محفلین اوچہ میلینین تور او نام پیدا آریر۔ ۱۹۵۷ء استاذ حبیب گل مرحوم ثقافتو دنیا راجی غیستی بیکار اچی، میر گل استازو نام ریاستو گوٹح گوچہ پت ناموسورہ خیق سولوٹو تغوڑا تک ہونی، استاز میر گل وای عادت بوٹوڑان، سرینا وڈر کہ ویزینین یارانن موڑار کاتان نوغ کڑومان ریکو، پنگا چھو یوت ہتے زمینہ بی اولیئے، ہتے ہانگاتن ورڈن ٹھیلی اچھے جاری کورا ڈتائے۔ ہیہ ہتو قادر الکلام شاعر بیکو نمایاں ثبوت، میر گل امیر وکلامان مجموعہ ”گل گمبوری“ ناموسورا ۲۰۰۱ء انجمن ترقی کھوڈار چھیترا رو انتظام ونگرانہ چھاپ بیتی اوٹوئے۔ تان وفاتا راجی کمہ سال پروشی صوبیدار محمد ایاز وسم بیر و مشتو لکیا بوڑونن ڈوڈر دیتی ران کہ درستی کلام مہ تان، مگم کورا حیدر، کورا قائم، کورا بہدیر کورا سلطنت رے لفظان

اچھیک کیہ گنہہ ہوئے۔ کلام سف مہ تان۔ کی بیرانی پتان ساؤزیکا هاگک ویاؤ رویان کارہ
 تاریکا مشقت تھے بتی اَسْم۔ حیہ بار اغلام نبی خان مہوک برار استازدی حیہ لوؤ دیتی روچو سج
 اریر، کہ ”شہزادہ فخر و جو بشاؤنن ہوگان کڑوم ہوتوتان۔ شک کڑومان میر گلوتن شعر و قلوبہ درارو، ای
 کیہ مت تن نو بچو مکہ ہتے وختولپہ سف مخلصیا نت جم معلوم۔ کھوار شاعر یو چے ثقافتو دنو ہیہ بے
 تاج باچھو کلامان مجموعہ گل گمبور یو ۲۰ موخا میر گل امیر و شاعر یو مختلف صنف اوچے پہلوان سورا
 بو عالمانہ فاضلانہ و بو جامع تقریظ مولا نگاہ نگاہ صاحب نیویشی اَسور، ہے اونی جوکی اوہ دی کم
 بائے، خام بائے و جام باررے بیش درونگار نو کوری تان کارہ شیر و میر گل استازو ای کہہ بشاؤنن
 سور نکو قاریان خدمتہ پیش کوریکو کھوشش کومان۔

پولونی اوڈر گورو ہوتم تہ آر منامہ
 ژان یوز و غوشربت اوہ وے او غوشی بھی اَسْم بیابانہ
 مہ ژان اورے بے خبار لعل ژینہ
 تہ اناہیکو بھین مایون مخلص کور و نیان ہر چھو جینین تہ گرزینہ
 پولونی اوڈر گورو.....

مہ ژانے کلاہت کوس بے رخمیان
 آرو زخمی تن ہوستین عیے مہلم کورے لغل ہوستین مہ زخمیان
 پولونی اوڈر گورو.....

عشقوگان مہ سُم پرانے ہہتو سوره
 کیئے ژانے دستی کوسی مہ ڈردانہ شریکی تو لوچ غیر تو سوره

پولوئی اوڑگورو.....

مہتان ہردی متے دُشمان پیدا ہوئی

اے گدیری ہردی تنو زخمی مہ خاکسار آریو کیہ فائیدہ ہوئے

☆☆

ہمی بشاؤنن میر گل دروسہ پی ڈبلیو ڈیہ نوکار آسیکا شیر آمون استاز ”شیر مومن“ بارک میٹھیر واپسارو
سار چھٹی گنی ای ہتھو یوسورہ نیزے، ہانگ دیئے جاری کوریر و بیرائے، پھوک برار صاحب مت
ہوسہی آری، بشاؤنو ہیت۔

گدیری ہوتام متین زیدان تہ خانہ نے

مہ کو ماریسان مہ شاہین چچی دردانہ

رخم کورے تو اوہ تہ عشقہ پروانہ

ہائے مہ شاہین چچی دست ڈق تہ غمچھانتے غیروم

مہ شان کی مہ سم گئے مہ ژانہ ایرانوچے روم

گدیری ہوتام.....

مہ دستو پرچم غیر و چچی زار پازو ڈھوم

مہ دستو صفت ہیت مہ آخیر و کڑوم

گدیری ہوتام.....

مہ خوتم اللہ کندوری کوس مہ آزمائش

خیا لو غونہ پورہ نوباک برائے خواہش

گدیری ہوتام.....

ہمی بشاؤن دی دروسہ اسیکا شیکو ہار کوس فرمائیشہ میر گل مرحوم نیزیرو بیرائے

ہئی بیوفہ زمانہ تو موس کچکار

دش دنیا سورتے لیکو نہ شیرین تت وفہ کوئے نہ دی شیرین برار

امید یار دستانن ہسار ہوئے غم مسم بش ارینی مہ یار برابار

دش دنیا ئی ژار و غوہیم ژانوشید کا پت

خدا یار ہر دیو باتین روزی قیامتو آنوس تہ پوشید کا پت

گمبوریو ماریو برانی دنیہ متے ژار غیر شیر قیامتہ پت

ہائے ہائے بیوفہ زمانہ.....

کشنید یژ تو سیل گویاں موژد یہو پری

کیہ عیب گنہہ تہ نیکی ہر رو پھی خون کوریتائے سورخم تہ مری

ہائے ہائے بیوفہ زمانہ.....

ژانویار ٹوئست پھاری چھوتان باران گنی

بے رنگ بے ناموس مہ دینار اوہ تہ سلا موگومان تان یاران گنی

دو چھارہ گیا ڈروئے ماریتاؤ محمد خانو ژور

اوہ تہ صفتان کھیو کوروم اے سیلی ملکھون تو جنتو حور

ہائے ہائے بیوفہ زمانہ.....

دش دنیا ئی موجو کور دنیہ جو بسو

کوژالتی زندانی دیتی پیر نسیکو نولا کو یان مہ ژانونسو

ہائے ہائے بیوفہ زمانہ.....

سلطان شریفوت ہمی کڑومان بٹش کوری جاری کوریکو مینو بیتیا پھک برار صاحب دی

آستائے۔

مہ ژانے گوروم بویان تہ سُم محبتو بچے
 مایونے ای دی چوڑے اُس ہر دی بھت تہ بچے
 لکینی عشقو قلم کورویان صفت تہ بچے
 مہ ژانے مہ ڈقیو عمر برابر بتی شیر
 کڑیمان چھوئے تہ آنوس اشرو سمندار بتی شیر
 قالب ہچو جکران سُم ژانہ انکار بتی شیر
 پونین پھار سیتم پونہ رہا مس توری شیر
 کیہ چارہ تہ فقیر و تہ خوش دور کان و س توری شیر
 مہ ژانے گوروم.....

مایون چوڑیکو سار مژانے شیرین تہ ہواز
 متے دارو کورے کی مہ دوسی شیر عشقو مر از
 مہ ژانے گوروم.....

پونین پھار سیتم پونہ ای گمبوری شیرائے
 ہیشلو گل گمبوری بختور و دوری شیرائے
 مہ ژانے گوروم.....


اوہ کیہ ریکو نو بوم ژان تہ ہار یک تھا نوتے

روئے شکایت کو رو نیاں بمثل سرفو کا نوتے
 مہ ژانے گوروم.....

چھیترا رورا نگ بازارہ خوبان میلیس بتی شیر
 سورہ آسمان متے ترا نگ موڑہ زمین مس بتی شیر
 مہ ژانے گوروم.....

چھیترا رورا نگ بازارہ خوبان ڈال بتی شیر
 ٹیکا حوران لاڑینیاں جنالیو غاڑ بتی شیر
 مہ ژانے گوروم.....

تو کی مہ ہوشنو کو سان نیو لشی انجیم تان نامو
 تو کی نیو غلام نبی مددگار غلامو
 عشقو حسن و جمال را وہ ای زکوٰۃ مسکیمان
 مہ اللہ تہ پیدائش تہ ساری مدت مسکیمان
 ژانے ارمانو بچے دُست تہ پوشین کی پیسیر
 تہ چھیر چوٹی جو کی ہتھنی کو سین کی پیسیر
 غیر دی غیر دی تہ سوری تہ پروٹھ چھورین کی پیسیر
 سے کیہ بختو آنوس مقصدی تورین کی پیسیر



دُستو لومہ ہر دیہ مہر بختو ارا سمئے مہ ژان

مہ ٹانے تہ غلامو غلام خستہ گارا سیمیئے مہ ٹان
 گمبوریان چھینی سورودیکو بوگران جسٹوئے مہ ٹان
 کھلانے باغ گل کوریتاؤ متے چاراروئے اللہ
 اللہ مہ ڈٹانوپروہٹہ مہ ناچارارو
 عشقو غمومہ سوراجی مہ بیکاراروئے اللہ
 مایون چوڑیر بوسونوختہ دست کی ہئی گئے مہ ٹان
 لعلو سودا گار عشقو باغوموژوسیل گئے مہ ٹان
 مشکیمان تان اللہ سارو دستوئے دوئے مہ ٹان
 دستولومہ ہردیہ.....

بے غامیہ گدیری آریر پر چمان ووریئے مہ ٹان
 شاموپروانہ پو لی پھیروانگارو غیرئیئے مہ ٹان
 جو انوحقہ بریک غلیمت مقصدی تورئیئے مہ ٹان
 دستولومہ ہردیہ.....



اللہئے تہ سار غیردوانکی مہ غاموتے
 ستمگار نولا کو یان خدمت کوریکو قاموتے
 بی ہندوستانو غیروم گدائے بی بی بیم شاموتے
 شامہ بی سلام تذھی تذھیم جھنہ سرفوکانوتے

حقیقہ ہردی جو کی نو نسیر ان یہ دلغیئے
 ژانوتے تت دہکار برار بے رحم دست یاغیئے
 ہائے بے مقصد زمانہ آخیر بغائے مہ ڈاپیئے
 اللہئے تہ سار غیر.....
 مشکلی عنبر و سورہ کی ٹیکیمان تان دہانو
 یہ گنہگار زبانیں ژان تہ نامکین نو بوئے
 عشق و در یہہ بیکھنار جوش کی پرانے کمیشن نو بوئے
 آسانہ یور وچ مسوزینہ خامین نو بوئے
 اللہئے تہ سار غیر.....
 عشق و عواضہ پھر تیم ڈاقیو چے جو اینیو
 مہ ساری اویرینیان ظالمان مہ زندگیو
 تسار غیر اے مہ جم روئے ہسوکو من تان ژونیکو
 یہ زندگی کھینو برائے ژان تہ ساری جدا کیو
 اللہئے تہ سار غیر.....
 اللہئے تان قدر تہ مہ پھیتا و عشق و راہا
 مہ صداقت و سوال منظور نو ہوئے تہ در گاہا
 حوالہ تہ تین کوروم مہ لوٹ نیسی بے کناہا
 اللہئے تہ سار غیر.....
 خدایا ریا رڈستانن جدا یو پونہ پھیریتام
 ایچے حقیقہ و دستوسوم چوٹان دونہ پھیریتام
 ہردیوسم جگاران نیزی بنجوقونہ پھیریتام
 اللہئے تہ سار غیر.....

پیتا سیف الرحمن مرحوم یاد

ہزار کیڑیماں کیہ سودلگ پلوہیمان افسوس بوئیکرہ اولئی بغاوتہ کورہ لیم
 مو حال ہیہ کہ بیرائے مہ کیہ حاجت یہ دنیا اوہ افسوز و آہین ہموپالیم
 توتن نو جو انیہ تان باچھائیو پھنشی کوس کیہ گمانی او شوئے ایمتی بیس
 دونی فکر کوریکو کیہ حال تہ خوش دارا کان تہ بچین لیئے کیڑینیان تو کوس کی دیش
 ہزار کیڑیماں کیہ سود.....

نہ تو شو مو ہوش کوروس نہ جاموتین لاڑیس جوری فلکیئے تہ سُم نوباک بیرائے
 دنیہ حرام اشاری اللہ تن خوش رو یوتین ہیہ حرام دنیو نو دیاک بیرائے
 ہزار کیڑیماں کیہ سود.....

حکم الھو ڈسکیار مکم افسوس ہموئی مقصد درست نو بریکا پت تہ بے مقصد مریتائے
 جام خوئی نیک نیتی جام روئے الھوتن خوش کیہ نشکری اریتام تہ اسپہ سارگانیتائے
 ہزار کیڑیماں کیہ سود.....

بریک حق شیر ہر رو یوتین ہیہ ہموئی افسوس تہ بے مقصد مریتائے پروردگار
 حکم الھو ڈسکیار تہ شہید یونصیب راو لیو آنہ کھل ہوئے تہ مقرر
 ہزار کیڑیماں کیہ سود.....

غلام نبی المعروف مہک برار

نان تھو لاکھیر و نام غلام نبی عرف مہک برار، تھو نام غلام محمد عرف کشمیری اُستاز، قام سید تھو اصل وطن کشمیر و سیرنگر، پشتر و صدیو جو دھائیو موژی تہ پھو وطنو پھئی گیکلین آب و دانہ غلام محمد اُستاز و چھتر ارہ تاریخائے۔ تہ پھو وطن سری نگر اڈور و رویان سُم کیہ لُو و سورہ خروشی بیتی گبر و غلام محمد کھشمیری اُستاز بوزیات کورمہ ہنر مان چھتر ارہ بازارہ دکان دیر و برائے۔ بوامبوخ کوروم تھو تے گیا و بیرانی۔ تو ہنر ماہیو خبار اعلیٰ حضرت جتار و کارا توری تھو ^{تھسکھئی} تان شدار یہ حال سیر و۔ جتار و قدر دانیا ر متاثر بیتی ہمیشو چکن چھتر ارہ آباد سیر و۔ مہتار تھو تے دینینہ ارغلداری دی کار دو۔ و موژ دیہہ پراوی ژاغا ہوت جم اُتئی جو فصلی ژاغا دور دی دیر و برائے۔ کشمیری اُستاز و لوٹھور و ژاوا غلام نبی مہک برار ۱۹۲۷ء دُنیا چُج ہوریر و بیرائے۔ مہو کیاری تن نان تان ختار زیات و اغشی بیکلین، چھو یہ پت سبق رے اسکولو مہکیر و بیرائے۔ تر و یو جتار و وختہ جم استور ہالیئے جتالیا جم غاژندہ دی بچی اُسور۔ سیف الرحمن جتار و سُم شدار دی کار دو بیرائے جتاری ختم بیکار اچی ریاستو تعمیر اتو محکما ورک ٹیکر بھرتی بی تی ای کمہ سال پروشی پنشن بیتی اُسور، مخر کھونو چار و لوٹور و اُلتی جے ارغالو سار، چھور ژور گینی وای پھولوک آپکسٹو شپو ژاوا اُسور۔ مہوک برار تان وختو ای نامور اُستاز شاعر، تان کڑ ومانتے تن ہانگ دیاک، دانہیو و ساوز و نو یوکو و پوند یوکو سیتھاری، و مشھور بزمی و میٹلسی بچی اُسور۔ کھو و ار موسیقیو خوشدورک ہنسے دی ہونا موگیدیان، و بو سلی الفاظا ہو یاد کونیان۔ سیتھار و پردان تھو پاوانسے دی تھو ہنمو تیزی ہتے قسمہ تن۔ مہوک رودی فاروق یا سستی یا پھونئی گیتی شیر رے نو سار سیران۔ مہک برار و ت ساؤز و بزمان و میلسان اُستاز کی رین ہو کیہ ملاغہ لو بوئے۔ مہک برار بو پھو کیہ دُنیو جو ڈلوٹ ژانگو دوری ۲۵-۱۹۴۲ء عیسوی سیتھار بجیک

شروع کر دو بیرائے۔ ہسے سلسلا کو سُم شگہتی نو کوری اُسک پر ائے۔ ہتے زمانا ہتو تھو ای تعلق دار
صوفی یورمس خان موژ دیہہ حال باؤ بیرائے۔ ہتو غوسم شیر دستھار و بشینے پھک برار سیٹھار بشیک
مچھیر و بیرائے۔ و ہتے وختو مشہور بزمی مکیلیان سم بیتی مکیلیسین ہورودی شاعر یوشوق پیدا بیرو،
ہتے زمانا صر فی بشاؤ نو مکیکو رواج او شوئے۔ و ہور و بشاؤ نو دی رویان کارہ توری مشہور باؤ گیر و۔
قدیمو شاعر ان موژار گل اعظم خان گل اوچے خدا رحمت مرحوم ہور و خوش شاعر ان
بیرانی۔ زندگنیو ۶۸ سلان کھو وار موسیقیو بچین وقف کوری اسور، کھو وار ثقافتو دُنیو ہے محسن ہو
رومیلسو یاران اگان بیتی ہور و پختی بیکو غیوی بچی شاعر یوچے میلسان پختی اسور۔ پھک برار
صاحب سیٹھاری دو سیکو و سیٹھاری بیکو مہ اُستاز، تان اُستاز وای کمہ بشاؤ تان ”سورکو“ قارئینان
خدمتہ پیش کوریکو کھوشش کومان۔


رویان دلیلو چے خیال عبث تان بیرائے
مہ ژان پوستیا بو منشور رویان یہ مس تان بیرائے
ہیہ تشقاراتہ پوستی ژانے بے نس تان بیرائے
لوژور مہ خوشرویو پرچمان بو پوٹی بیکو
کھیو حال بوم شوم بیتی وطنہ دُست خروسی بیکو
سرائے مہ حقہ جہنم دور ژخو غونہ
اوہ خدمت کوروم دُستوتے اخلاصو سورا
مہ نہ نشی متے چوڑے مہ دینار و غونہ
اوہ صفت کوری پرچمان گدیری ہوتا م
لوژور مہ کھارو گلسمیران گور غیشی رینیان

خفا نو بتی ڈق کیانی بوم اچی غیستی رینیان

☆☆

اوہ صفت کھیو کوروم تہ غیج بروان، مہ ژانو تھان لغلین کھاؤ شیر کوری شیر
تہ عشق ڈقو عمرا مہ مری شیر، ہر دیو آہ جگران کروج کوری شیر
بوسونی ہر باغین بہار بتی شیر مہ حقارارے مہ ژان ہیہ بہار
تہ عشق اندرینی کیتی ژان پچوران، قالب انکار
کیانی بوم کیانی نو بوم اے ژانو یار
تو پروانانے روشتی کورے کہ، اللہ تہ جام کوریکو موبوس مغرور
نو پراؤ تان ژانی لوؤ فروسک تو مہ سم، مہ کیہ عیب اوچہ مہ کہ کیہ قصور
بوسونو وختہ تو گمبوریان شوٹکھے، شور و وختہ کیہ حسن پچوران ژان گمبوریو
ژانے غموونی کوری مہ مریسان، خبارانو ہاؤ تان عشقو گدیریو
دستو چوستیار روئے عبرت گنینان، ژانو دوری وطنہ ٹپ بتی شیر
اوہ تحقیاریری تہ گدیری غموچ کڑک دی مہ عادت بتی شیر
اوہ سہیلوتے بہان جونالیہ، دستو ہواز مٹے ہائے دودیریا
تہ ہے دستیار مٹے کیہ فائدہ ہوئے خبارانو ہائے گدیریا
اژی تہ گدیری تو ہوش نو کوروسان مہ شیرین ژانو یارونیہ جو بسو
انکارو غیروم اوہ کہ جام روئے ریران خفا مو کورومہ ژانو نسو
عینس چھاریم تان ڈقو عمرو ہوش نواریتام دنیو خالو

سر بطن تے خدایار لہ ژیندہ تیار ہوئے اوہ دی بیم
 لاعلاج ہوتا مہیہ مراضا لہ مہ غور انوہائے ملکو حاکیم
 جھنورویان بیری نسور کہ لہ آسمان پر یوژور خومی آسور
 انصافو پچھین ہموژور کہ لہ لوژیکار اچی تھے گلہ کورور
 کیہ عیب کہ بیرائے ہیس مہ قصور، ژانوشرانہ مہ التی مرور
 روح بوخوشان پسہ سار بیتی دستوگر زینی ہمیشہ غیر دور
 آسروئی آسوم مہ یار دستان لہ آخری سزادی متے دیور
 سلامو کورور مہ گمور پوتے، مہ تنکیو لو ان تو غوتے دیور
 تو سُم گیور مہ یار دستان لہ خدایار کوری تھے اچی گیور
 جھنورویان بیری نسور کہ لہ آسمان پر یوژور خومی آسور



پیشلی بیتی بطنی کوسے مہ ژانئے ڈقو دینارئے مہ ژان
 نغل چھر و نیان چھوم کوری ہو سے مہ ژانئے ڈقو دینارئے مہ ژان
 کیہ حال چھوژان اہیہ رو پھی لوڑے مہ ژانئے ڈقو دینارئے مہ ژان
 پتان لو و بیتی مہ عمر و ایوڈ مہ ژانئے ڈقو دینارئے مہ ژان
 تھے تو تان مہ پوشے و نوگوم تہ دوری ژانئے ڈقو دینارئے مہ ژان
 تہ کیہ زیان بوئے کیتی مہ پوشیکو ژانئے ڈقو دینارئے مہ ژان
 پیشلی بیتی مہ نہ نشیکو ژانئے ڈقو دینارئے مہ ژان

ارمان چھیسیر تہ موختو لوڑیکو ڈانئے ڈقودینارئے مہ ڈان
 حوران مئیس مہ ڈان مہ گزینی ڈانئے ڈقودینارئے مہ ڈان
 ہردی پچوران تہ لوگیاؤ اندرینی ڈانئے ڈقودینارئے مہ ڈان
 یہ تہ کیہ بابت مونا م کھوستان مہ ڈانئے ڈقودینارئے مہ ڈان
 تہ حسو لائق کہ بوئے شہر شام مہ ڈانئے ڈقودینارئے مہ ڈان
 اللہوتے ژو مہ کو مریان مہ ڈانئے ڈقودینارئے مہ ڈان



ہائے مہ گل گمبوری بسار بس بے وفا بوسان
 اوہ دستونو چاکیم مہ ڈان کھارو گلسمبار فروسک لوڈیکو خفا بوسان
 ہائے بوٹک زمانہ ڈستان غم مہ او یوئے
 دست مہ اندرینی کیتی مہ ڈان ہردی پورولین پتی شیر دستوتے رور
 اوہ بی پھار نسیم یوروچے مس می نسانی
 بختوار ہتے ای مہمت تان خوشان آلاؤ نشانی
 اللہے تہ قدرتہ شیرین سریر دستو الفاظ
 مایون انکار چوڑینیان توتی انکار چوڑینیان مہ بلبلو شیرین ہواز
 مہ دینار تیغونو زاد ہوش نوکومان موہیریو
 تہ ہردی بوختو سار ڈانگ مہ یہ کیڑک گدیرو
 اللہے تہ قدرتہ قدرتی ہواز کہ گیسیر
 مہ ڈان اسقان نیسے سیر مہ روح عرشوکانہ بی تانتے تماشا لوڑے سیر

رحمت الہی خان

اصل نام رحمت الہی خان قدیمو شاعر نعمت خانو لوٹھورو ژاؤ، عرف قازی، میلسویاران ہوت قازی رینی ہو پیدائش ۱۹۳۰ء پپانہ دُور بروز دوما شیر شیلی طبیعتو سم ۸۲ سالو عمر اہنسی دی ڈق فہل، ہنپسے دی ہر ایوالو ہوسم نیشک ^{ٹھسکھینی}، ہوش تان ژانغہ برابر پرانو بشاؤن چے ہنگان زیات ہوشکویان، کم روسبق راردو، دینی بنیادی لازمی علما ر علاوہ ای کی ضروری کیتبان موختو دی لوژی اسور، پلس ۱۵ سالہ اسیکا ۱۹۴۵ء شیرین تت ہقوت توریتائے اونوئی دروا ژیکار پروشی تھو و و ہونے۔ ہے عمر اتن تھو ژاغانو کر یو ہوت پرانی زیات عمر گہریۂ شوختنیتائے۔ قدیمو لو ان بوزوالو کوری دونے۔ ہوروت کار کوراروتن گونے۔ ہو چھور ژیراؤ، جونو یسکھینی اوچے جمار گینی سف روزگار دار، دو موچے دو مونا و شیدیا جو فصلی کافی گا ژان مالک، ہوتین ارباب دخوجہ یمن دی ریکو بوسی، عمر و ۶۰ سالار زیات حصو کھوار ثقافتو، بز مومئیلسان جاری ہچی انگیتی اسور، کھوار و بز می استاز شاعران موژہ رحمت الہی خانو نام نو یوکو۔ ای کمہ کڑوم ہودی یادگار شینی۔

ڈق تان ہتھنی کسیم قلمدار کومان تان بلبلو انتظار
 مہ ہدی تسم حوکی زور بیتی شیر ژانوت دُست و کیہ خبار
 آخر گدیری ارو مہ دینار اوہ تہ ای لوو قلمدار
 غنچ بروا شٹوک کورونیان مہ دینار وشن دردانہ کیہ مہ دینار
 تہ ہے حسو پوشی مہ گدیری یو کیہ اسیک دار بوہت دیوانہ کیہ مہ دینار
 مہ ژان یران سردار بریر و لائق نو اسور ایران تہ ژانغہ کیہ مہ دینار
 ہیہ بوئیکر و دستور ہر چھو صنین دُور دیا ڈرانگ چنارہ بس کیہ مہ دینار

اوہ آپسوز کرومان تحسینو شیلی سورت خوران سم اہلس کیہ مہ دینار
 تہ ہے تنگنیو پوشی ہمیش مہ جگار پچو نیان ہردی ہزار نس کیہ مہ دینار
 عشقو تحسینو صفت عاشق میان کار کوراؤ بونیان دلا سہ کیہ مہ دینار
 تہ برابران موژی نہ دی سچین گل تہ غون نہ بی بی نہ کیہ مہ دینار

ہائے مہ گل گمبوری اوہ تہ قلمدار اسم
 مہ خیال تہ سوری تہ جو ابوانظار اسم
 چھوئے آنوس تہ غمہ تہ عشقہ گلنتار اسم
 تو آسمان پری ہوران تہ سم سلیو بچے
 آدمی آپسوز کویان شو حسیر وتان وختو بچے
 دو پری انظار کورونیان تہ تختو بچے
 ژان تہ سچین قربان اگر کی مہ مراک بیرائے
 غمہ وتی بچیتم اشرو ڈقو خوراک بیرائے
 اوہ پولوئی پھیرو دست مہ ژان ہوس نو کوراک بیرائے
 مہ ژان سمنداریے اوہ ای قاق محشی نووا
 انگبور مہ کھشتیو دستواچہ راہی نووا
 ژان ژاغاہائے مہ ژاٹھے تہ پوشی نووا

نو نشیم بھنا ، بھنا رہیم درویش بیتی عزیز عمر پھیرو ہوئے تہ عشقو گردیش پیش بیتی
 نو کیزاؤ کیانی بوم مہ دست خفا مگم ہروش کچہ رین بوئے دست بے وفا
 تان خدا یو پروہیہ ہمیش سوا لگا راسم تان خوشو عوازه کل عالمو بیکار جسم
 بیش وخت ڈو کو نو دوئے مس مہ سورا کی لاڑیس مہ ووٹسکی رخصو سورا
 تہ حسن مہ مرض تہ ہوسیک مہ اجل نووا تہ غیج برو بے مسال تہ کوسیک نمکین نووا
 تہ پوشیک باچھائی پوشی اسم تہ عشقو میدانہ ویسی اسم
 روشتی نو کورویان مہ دردانہ زیریلی وھلی دستو تھانہ!!
 مایون چوڑیران کو کھی کانہ ہواز مے گویان تہ گرزینہ!!
 دست مہ نستو عیسی ہوسی بغائے گدیریو ہردیو دوسی بغائے
 چوڑینوتے زور ہوئے جگار ان سم عورو لو ان کا دوئے مہ دیناروسم

سوکھاماشر ویشاؤنو

اصل نام غلام حسین عرف سوکھاماشر برہنہ سوز و ندرے قمار اوشوئے، چھیترا اسکوتھو ایم
 ٹی پلاٹونہ آپسرا ن موٹوران کسپیاک، کاررگینو عبد استھار خان عرف جیتارو، مور یو قاضیو، کشمو
 چارلیو، اویونو جو کیرو چے ژا سپرو صوبیدار کشمیو چا مستقرہ بازو ٹوقی کورکان جیرانو یوکو، کھوڈار ثافتو
 مخلصین دی شامل، تان مخصوص انداز و شیلی کڑوم رک، عشقیان موڈا عشقی و بز میان موڈہ بز می،
 ہونگرانیہ تربیت حاصل کورک سف پاس، مکم ہسے تن فیل بیکو، اسکوتھو میجر ہوت تو صرفی سوکھا
 ماسٹر براؤریکو، ہیغاراچی غلام حسین کانورے چھیک سوکھاماشر ریکا پرانی۔ ۱۹۶۳ء پنشن ہتی دیہا
 کیتی دورتیک ہتی کھار کورک ہوئے کیہوت کیہوت تان دُست چپاڑیو جیتارو سلاموت دی بوغاؤ
 تائے، دنیا رسفارا پت یار دُست خوشدورک اوشوئے، ہوچے عبدالستار مرحومو پوشی کیڑاوا ختیق
 ہوساؤ تانی، سال ۲۰۰۲ء آخر سوکھاماشر دی پیر و اویڑہ چے دُستان چھتی خدایا کوری بغائے،
 چھیکو ہر دیوٹیکاداغ کوری بغائے۔ تو عشقو وزن دیکھو یادگار بشاؤنو ہیت:-

موکورے مغرور بیان دیوٹ دُنیا آخیران بیر
 ای دی مہوؤسکی لوڑے تہ تحقیق و چستی دی بیر
 یہ دُنیا رہینجو ورغان ہیہ پھو رگلانی ہیر
 پرندہ عرشو بونیک سرفو کنارہ اولی ہیر
 پرواز کوری کھڑاوتی چوکتو اولیر
 مہر فتن سرفوکان اوسیکو نو بوم شاخ برکی

اوہ مصر و قلمدارتہ کر بیکیو پیش کیا غ نیکی

..... موکورے مغروریاں

اوہ و شلی کورک ہائے برار گیدیان دستو تھانہ

سوکھ پرندہ اسور بسوتے گوائے سرفوکانہ

..... موکورے مغروریاں

مہ سار خبار موگنور ہائے برار گیدیان سستہ لہاز

کوستے میانسر موبائے برار گیدیان یہ شُم مرآز

..... موکورے مغروریاں

مہ حقہ رار بیتی شیراے برار گیدیان اکتوبر مس

کھیو کوروم تہ صفتان بار یکتھنی مہ ژانوس

..... موکورے مغروریاں

رفیق دودیری بوئے رے اے برار گیدیان کوس کیہ غراض

سوکھ شو پھک نو اسور خبار گنور روئے بے غراض

..... موکورے مغروریاں

رفیق دودیری بیتی نوانحیتاؤ ہوستین یاد گار

ریکس ڈیڈونو کہ ہوئے سوکھوتے وخت کیہ دہکار

..... موکورے مغروریاں

بوڈی

بوڈی دیک تور کھوؤ رویان ژان و بو قدیمو اشلوک۔ شور سال بیرو اکھا بیر و ساردی کی
 خبار گنیمان، ہسے تان تو بوڈی دیکو ان دیک شروع کو یان۔ جتار ان دورا شتا گرامونو غورا ای
 انگریز مینو گیکو جتاری چھتر ابوڈی دی ییر و بیرائے۔ انگریز ہو پوٹی بو خوشان بتی ہے اشلوکا کورمہ
 گیاک اشناریان تامان تسوم نیو۔ بشیر و بیرائے۔ ڈزیا ڈزبان، بیر موغ چھانی نیان چھینی ڈزبان
 ساؤ زنی چیر چیلک، بوڈی، گوغنی، گوغ وال، گوغ بوھتو، پالیک کہ، جو ست کوری داریک،
 پارے چھی دیک، رت بیک، بنا غیر نیک، ڈیکا نیزیک، بوڈی پے تھیک، بوڈی دیاک یار بوڑ
 یک، جو جو اتانن ای بتی رُو مھیک، جو موثران ای بتی تان موڑی یار گنیک، ای دفعہ ہونا
 رو مھیک ای موٹو لوڑی جو الان موڑی ایخو گانیر، وای والی ای مکالا لوڑی تان تین یار گنیر،
 یار بوڑی ناسی کی نساے، و جو الان موڑا کیتی بھور تو زہ کوری آہہ پھور۔ تولی پھور اھتکویو چھنی
 میسی کیو پھین فیصلہ کی ہوئے۔ جو الو گوغ وال بونی، و جم ہوتی رو یو جا کیئے بوڈی دیاک ہو ست
 کوئی و وال باک جم رو یو جا کئے بوڈی پے چھنی۔ بوڈی جو اتانن اشلوک و اکھا بیران دی ہے را
 حصہ گنینی تورے لہسی پاس اشلوک کی ہوئے شہتی پاچیک بوئے، کوس سورو کی بوڈی غیر تائے،
 ہار کی ہوئے ہسے جیت بیرو ٹیوت مھو یو چٹ دوئے۔ ور کھالو کوشینی، یا ٹربٹ شوٹپ کوئی،
 جیت بیرو ٹیم آنکارو بند و بست کوئے دارانگوئے، بیلیر و پسر وانگوئے میلیس میمار غیر روئے دی
 خیق سولوٹو ای بتی شرکت کوئی۔ روشتی باڈنگ پستہ دیکا پت ہے میلیس جاری پھور۔ شوٹپ کچھ
 کی لاچھوران، ہے قسمہ تن اشلوک دی لاچھور۔ ہیہ اشلوک چھترار و خور ژانغین مختلف قسمہ شیر۔
 چھترار خاصہ پے نسین شیر و دیہین و علاقہ علاقین مھک خور بتی کھسکور دیکو پے روٹا شیر ہی

کھاڑا اٹھو ک شور و آخیر مسارگنی یومون رسید کا پتہ جاری بھجونی۔ مکم اصل بوڈی دیکھانی سین
 دی تو رکھو داتن شیر۔ دھیغار انگریز کرکٹ شروع کوریتانی رے ای پھت رینیان! خدائے خبار
 کیہ ہتہ پتہ سہی بوئے۔ قدیمو ہے اٹھو کھوت اہمیت دیکو بٹس و قدیمو ہے قسموتن جاری ہچکچو
 کوشش لاکھو یکو ضرورت شیر۔ بوڈی دیک شور و آخیر موسیما باؤ گھل ہتی تھیتر کی نسانی باؤ تائے۔
 ہے مکیلسا اکھا بیران ہی کڑومان راؤ پھونا و تانی۔

مہ خوش رو پوپیران شہ تفسیر

جلات رو پودستور سے استاد سیر

ورازون مہ کورہ شیر کھیوا ولیم

زمین چور پولوغ اخیر پولیم

----- مہ خوش رو پو۔

تان نوبار یک تھینی مہ را نگ تھینی

تھسپوک سیراؤ انگوم پوستان را تھینی

----- مہ خوش رو پو۔

مہ خوش رو پوپیران گل اناریے

ابیر و ووری گونے دستوتھنار

----- مہ خوش رو پو۔

انارانی کا سیرانو غارویے

سودورومہ کرینے اوہ تہ روئے

----- مہ خوش رو پو۔

پرگو سپودولت خانو پشاؤنو

زیر بلیو وھیئے گموخ برنو
 مہ سار نست بیٹی چھو موڑو برونو
 تہ گدیو ژانہ بنجو قونو
 یورتہ صفت اے ژان مس تہ غونو
 مایون کی بیسام طوطی کی بیسامئے
 نیشی پوڑے سامئے دستوگونو
 ہے بیاروتہ دور شہر شامیئے
 تہ سار جڈا کئیو مو پو شامیئے
 زیر بلیو وھیئے

سہ پر چمان سورومت اخلینی
 اخلے تہ پھور اچئے روئے لودی
 زیر بلیو وھیئے

تھنو یار دستان کھل نوغ بوکی
 اوہ خوشو موختو پھو کنا پھوکی
 زیر بلیو وھیئے

ہے بیاروتہ دور سہ شواہتہ
 لہ کے مہ مرانی تہ دواہتہ
 زیر بلیو وھیئے

مہ دست مہ ژانوسم برابرے

زیر بلیو وھیئے

کھلان دست اسونی مہ دست نکی ریم
 خھفسی بندی لگا رشرکی ریم
 زیر بلیو وھیئے

دستولوان مودو یور دست ناہم
 اواتان دستولوان چشم زخم
 زیر بلیو وھیئے

پونیورحمت تکبیر و بشاؤنو

ہی کڑومان نیزی هاگک دیتی جاری کوزک بوئیو چوٹوک ڈوریا رحمت تکبیر، کہ بس

ڈوتے قاماروشوئے

ہتو بشاؤنو ہیت :-

| | |
|--|--|
| ڈتو کم بخت ژانوتے روزنوسائے | مہ ڈردانوکان بیری نو نیسائے مہ ژان |
| مہ ڈردانوکان تہ نام بیسر شینے مہ ژان | اسپہ گدیری کوری تن آرکانشائے |
| مہ ڈردانوکان ----- | تو تعلیت کوراؤ موگئے ونگہ روئے مارےئے |
| تہ کپال شربڑنگو اسکیم تہ مہورے | اے مہ ہردیوہین تو لعل ہورے مہ ژان |
| اناری یوخامیدیان آنوغاروئے مہ ژان | مہ ڈردانوکان ----- |
| مہ ڈردانوکان ----- | تو مہ سودورو کرینے اوہ تہ روئے |
| مشکیم تان اللہوسار ڈستوتے دوئے | سُر کو گولو کورور مہ ژان تو ڈگوئے مہ ژان |
| تہ چم شربڑنگو اسکیم تہ مہورے مہ ژان | مہ ڈردانوکان ----- |
| مہ ڈردانوکان ----- | گدیری یوکوماریسان کافر و ژورےئے |
| مومارے تان فقیر بوئے تہ ہوالیئے مہ ژان | اوہ تہ برار و ہکی تہ لپائے والیئے مہ ژان |
| گولو غوٹیکہ تہ دور حویلیوسمے مہ ژان | مہ ڈردانوکان ----- |
| مہ جگار باندہ پچو نیان ہردیوسمے مہ ژان | |

گرام لشنو بالی حاکم و پشاو نو

ہتواصل نام فداعلی خان، ریشن تن عاشق۔ علاقو روئے ہتوت نامراد عاشق
رینیان۔ جم کی لوژین ہوئے کوس مراد توت بتی شیر۔ و بوکم کاتان مقصدی تو راؤ اسونی۔

مہ دردانہ تہ کیہ زیانے

خوئے تان شرانہ مہ ہالاوے

خوئے چھیر ہوسٹین راہداری متے دیت

مہ کیہ حاجت یہ بیابانے

ریشن کو موران ولایت

آوہ کڑوم نیزاؤ ہتھنی کسیم

ہیہ ملنگ ڈقو عادت

ریشن کو موران ولایتے کر زوم کو شہر

کڑومان بخت کوری نیزیسیان دیگارتہ قہر

ہائے ژان دیگارتہ قہر

ریشن بیرو عشقو بازارے

آوہ بازارہ سوداگار کیہ مژان

موکورے اسپہ قلمدار

خدا یو گوژتو مہ پرئے

شور و وختہ توتان دورا اسوس

بوسونو وختہ بیس غاریے

خدا یو گوژتو مہ بلبلے

اوہ شوتاروقق محشی کیہ مژان

حوران پیارم ریشن گول

شیلی خان استاز و نامہ جاری کار دو

دوایشیٹ ژوغور و عبدالصاحب خان عرف دشمنڈق ہی بشا و نان نیزی شیلی خان استاز و
نامہ جاری کار دو بیرائے:-

مہ قالب پروانہ باؤ تہ شرانہ کو چھارور
تہ تھن رجو لیو کبوخ تہ دوری سنجو را سپروؤ موخوڈ و کین کروئے کھورور
نار اثری گدیری نمکین خاندان دینارویارڈستان شیسکورور
وطنو نام جو انوکھوئے چوٹیکی شیرئے
تن بریکو بریک نو جسٹوم لگے تہ سورخام
مہ مرار سور تہ شیسکی شیرئے
بتھن شیلی بیکوڈ دست نیخی ہوئے کیہ دوا
چھوتی قالبو سورہ حال گیتی شیرمہ ہردی شیر بیداوا
وطن شیلی بیکوڈ دست نسائے بتھنی سیل
در بت مہ نسہ نشی شوکھور شوینن لو مہ سم دیت دنیہ جو بسوبے خیر

عزت ولی خانویادا "بروز و گولد یہو پورمس خانو کڑوم"

پورمس خانو تو نام شیر دل بروز و گولد یہار۔ ہے دیہوتن مرزا یوسف نامین جو انو مخر
کھوتاری نہ نامین کو مورو ہو بوک او شوئے۔ وہے گراموتن عجب خانو ژاؤ عزت ولی خان تان
دختو غمچی گیونو بوشلی صورتی جو ان او شوئے۔ ہیجان تان موژی سورانو نیزی ژانہ محبت او شوئے۔
میرزا یوسفو چے تو برابر سلطان یوسف پریشانیو پوشی شکو بنیادا، شک مان بیٹی عزت خانو مریتانی،
دورانی کیمریو مریتانی۔ یہ ووٹسکی عزت ولی خانو چے پورمس خان ڈانگ دستان، گرامبشو و شوپو
رشته داری۔ ہی کڑوم پورمس خانو ووٹسکیار عزت ولی خان مارینو بکاراچی جڈائیو یادانیز یرو اسپہ
فہمہ ہی کڑوم جاری ہونی۔ ژان پلاک روئے ہی بشونن میلیسین کارکوری بوکیژاؤ تانی۔

برارے کیئے ژنگ دیہوتے بیسی ژنگ دیہو بوسون بیٹی شیرتہ تھان سرفوکان
نہہ کایئے بیرے عیئے لہ تہ سورلہ یونو بویان عزت ولی خان
کیئے کہ برارے دیہو بیسی تہ دُست تان استانو ٹیکہ بلاؤ رھارین
ملکو جگتائن لُوا دیہو کافران لُوا دُست متے قہرین
چھوچو ولاغیلو وختہ اوتیتام موختو موژی نواری منظور
سورخام تہ مرکیو خیال بتارموتے ہوکم آری تہ برار ہوئے مجبور
بتار تہ خونو گنارکی دایوس تہ ماریکو خیال نواری منظور
دنیو شرین موجو شور ہیہ جو بسو پلکی کوٹم نوہچور
آخر بتھنار بے بتھان اَرُوغزور معانی مسکھیمان دنیو دستور
مہ ژان دوچھارہ گیتی ہائے ہئی مہ بتھنورویان غمچھان آریخور
تان بوکو منکو تے پٹھئی مہ برارو منہ ماریتاؤ تہ کیہ جم موٹی
مہ ژان تان استانو نسی پٹیک نیئے ہوتی کورویان مہ برارو پوشی

مسلم بی بی

مسلم بی بی در سوڈانگاری اوشوئے بس تان تحقیقو یارونازک بدنو کھین مرہیو ہی
کڑومان نئے جاری کوری اسورہی مرثیان جاری بیکو دور ۱۹۳۵ء دروسار چھیترا تونسانی۔

| | |
|---------------------------------------|--|
| ناموقولہ نام لکھومن یارنازک بدن | قبروتے اصرّف جسومن تہ اسکیم پھوران |
| ہائے مہم نصیبے مہ ژان یارو کم دستی | نو غورو پروہٹہ ساؤز ہوئی روغانی کھشتی |
| تہ سور تو کفنہ دونیان موڑ تو ڈرائی | یران خدا یار کورور دست بو یان راہی |
| تہ حیر و برائی کیڑیران لوٹھور و حیران | تہ دروازہ نیشی لاڑیران تہ نن تہ پھوران |
| اوہ و ژانگائی نو نیم ژانگہ مہ غاری | ژانگاری سفار اریر جنتو پری !!! |

رحمت شیر جہانویشاؤنو

ہوروتو نام پشتو لی بن محمد شیر بن ذولفقار شیر، دُور بروز و دوما شیر، رحمت شیر و ژاؤ نام
 بزرگ، رحمت شیر جہانوی عرف کمانڈر جو تر وئے سال پر و شئی دوما تن حقوتے توریتائے،
 بونازک طیتو او شوئے، ہوروز ندگیو ای کمہ یادگار کڑوم پیش کرو نو بونیاں، ہمت عشقیہ دی وقافیہ
 اہشتی دی۔

غنجی بلا و ورتازک کو موروشون دون دوردانہ
 مہ نان تت ژانرویو پروشہ متے بیگانہ
 عشقو کورمان جم لدویان سکندر نامہ
 چستی بخشندہ بیتی مہ دُستو خانہ
 مہ مستافر یو سامون کھل ہونی پورہ
 لغل دردانہ نمیدیان پر یو پھوران
 غنجی بلا و ورتازک

نددی پریان تہ غو نہ جنتو ہور موان
 لاژیم گل گمبوریو پھانہ مہ صورت ناپور
 غنجی بلا و ورتازک

کانا شیلیو انگوئے بوسونیوگان موان
 عشقو غمار خالی نو ہوئے رحمت شیر جہان

ژینان سف خولیو پرانی ھیله ہوئے دستوستان
ہائے برار کیدیان مہ سم کی پیسیر بوستان
گلپ جنگلی تھور نیا و شلی نو بوئے را و شتام
دو دیر یو خبار چٹکیک رے آوہ نو پیتا و شتام

☆☆

ژوژیان سور کوریتائے تاژیا نو دوویان موتے کیہ دوا
ٹھونگیان پو غیکو سُم تن ہو تم بے دوا
ٹھونگیان پو غیکو سُم تو یا نو دوویان مہ دادہ فانی
سف ڈاقو ڈالہ کیو رمونسہ بیسی قرآنو گانی
گنولہ مرچھو تھیدی بس غیرئی تموژی بوژاؤ
یہ زار بیوڈور وٹس کوٹوک غیر بیتائے مہ تت متارژاؤ
تانتے لشت کومان کومان آے کھمانڈیر نیکی مہ ژیراؤ۔

☆☆

کوٹوچہ پیران کھل مہ پلم پھر وال شوالک
کوری نو تارے ماریران بچیر و فلک
دیتی نیٹے سام شوالکو مہ دوران کی بوئے
ہمٹس کوری مہ نو کسیر شیرین نان کی بوئے
گتچپ پیران متے کور وئے مہ دادہ ہر دوم
مہر وال کی مت کوروس دادائے جو بسہ بد دوم
پورود کانداری نیتائے یہ سال مہ بڑیکار
مہ چلایان دیوراو غین کور کوت اچی مہ بدیکار
مہ سورسیر ی پونگ نموتی قلمدار اسم
رویانتے بوسون ڈق چلا ہونوغ گنی اسم

خیر آباد و سکندر شوہے خانو موژہ بشا و نو

تان دُستو ملاقاتو بیجان بوسونو چلم بھٹہ گانی سینجورا سپرو
 کچھ رنجو تھے تہ غنچ بروان شیرین ژانو پالی بیان مو انے تہ ہے لو
 ای بھت گمبوریان تمہ گارای بھتی تہ تھا نو مژان تہ بلا ورنچھان
 کراکی تہ سلا موہانی کورا و کو پیسیو کولی پھیر گوڑوتے پچھان
 تان دُستو ملاقاتو

خوش تان دواہتہ یونیسکور وئے بونی پوچونگیری اوہ ژینگا و کسیم
 ڈقو دُست بیری عیسے کی فقیر راہی اریتم پھوکیا و تہ لا ژیم
 تان دُستو ملاقاتو

تان دُستو ملاقاتو بیجان مہ موخانیزی سرک اسپہ سُم یار
 ڈقو دُست تو بیری عیسے کیئے آخیر راہی اریتم کوروسی خدایار
 تان دُستو ملاقاتو

اشورجان

رحمت اکبرخان رحمت مرحومو تحقیقو مطابقہ ہیمہ اشورجان ہتو غولوت ہی محمد صفا بن قزل بیگوسم
منسوب شیر۔

عاشق:

مہ قالیپ ساوار، بنجوتون ای انکار، ہیرا اوغ لچھوران
ہے اوغ جوش دیتی، لوچھی زوردیتی، لوچھی زوردیتی، ہیس اشروغیری، پچھین یوچھیروران
ہیس اولی تہ پیرانہ، چوٹی چوٹی تہ اوانہ، واہے داغ نو عیسیر
عربی حرف غیری، ای داستانو ہیس تت، بیان کویان
مہ پنہان ای دردو، مہ ہر دیورازو، بی نیزی تہ ہیس عیان کویان۔
معشوق:

مہ قالیب دی تہ غون، ہے انکار ہیرا شیر
مہ پچھین ای فقیر، نہ اوسنیکو بویان، نہ کھشتی میسر
تھے ہے نسو کوسا، خور چارہ نو توری، تان شنوسم دونی، قلمدار غیروران
عاشق:

وے یرا غومسکین، وے کھشتی فقیر، سے او ابیراتم
تو وے تختو خونزہ، تو حسو ملکہ، کوسار شنگ کوروسی
یہ قالیب دی انکار، مہ اشرو دی غوچھار
می یرانان گنی، روبرو بیتی، اشرو جنگ کوروسی

یہ عشقو چمنو، یہ حسو چمنو، لئے اشرووان سورا، کروئین رنگ کوروسی
 تو کہ مات مہارو، بوینزار کہ ہوتم، تھے ہیختی یہ عشقو
 یہ ضدو ہے کھانجو، وادی ڈانگ کوروسی
 معشوق:

یہ عشقوتان اصول، عاشیقو دستور، لئے اشروتان گوئی
 قالیب چھوچھوتہ بوئی، تے مجنونو قصہ، تے فرہادو قصہ، تے یادالبت شیر
 لئے تھمہ دی اریر، چھیر غوچھار دی نیتائی، محبتو راہونو تو نچئے الائی۔
 تان قالیپان پالئے، لئے اشرووان اولیئے، روبرو بیٹی کھیوتے ڈانگ کوروسی
 تان نازک مزاجان، تان بے سار چوڑے نیان، کیہ رے تنگ کوروسی
 می اشرووان کھوٹئے، زیل ہوازان نیرزی، کیہ رے ہنگ کوروسی

غزل خانو اشور جان

ہائے دریغے دنیا پونا اوخ کی بیسام دُست راہین می نسی
 اوخ او شا کا بیج رے تان چھا غور چا مونان ہاتے او خودتی لوڑے سیر،
 اوخ او شا ک پرائے رے تان شو کور شونان ہاتے او خودتی پیے سیر
 اے مہ ژان برار گیدیان مہ وطنورویان تھے گدیر یو ارمان چھینے سیر۔
 نہ یوسف صورتی تہ نوروغونہ، نہ فرہاد عقل مین تہ عقلوغونہ دریبہ تا سو بیران مہ عمروغونہ
 بر یومان تہ عشقہ بر یومان تہ درد، ماتین دیت گنبد غیر تان دُور و گونا۔
 اے ژانوسار مہ خوش مہ ہرد یو باتین اے مہ سوم غمچا ٹیپ قست کی تان ذقیاتہ و پچھاؤ کیسام
 کی تہ مس موخوسم تہ شوکھور شونان سُم روبر و بیسام،
 ہاتے وخت ملا گونہ ریکش مہ کیسیر نہ زار و بیسام
 اے یوسف صورت اے موسو و تھوک،
 سلیمانوز بہکیر خور بندہ تہ غونہ وہ کھو بوئے۔ ذق اثریتام کم بخت
 کھو گان مہ سوری کیہ وت گوئے، طبع کومان تہ فقیر
 مہ دُست گوئے، مہ دُست تان کی نوہائے تے و۔ سیر انوازومہ ہرد یو سوری شارو بوئے۔
 باریک تصنی بی قلم بروئی کی ہوئے بو قیمت جاسوم ژان
 کافی تان پریشوان ماژی تہ شرانوغیمت جاسوم اے
 ترخمیر وہی شایوز و میر ژوری ای ژپ غنچی کی ہائے کرامت جاسوم۔
 مہ دُست ماتے ریران اے گدیری شوق ذاق نہ تہ ہوش تاریران نہ تہ عقل شیر ژان،

دش دنیہ جم بوئے دش روئے جم نو بوئے رے ناستو نائل شیر۔
 آسمان کغا ز بتی، زمین دویت بتی سین سیاہی بتی کان گھل قلم بتی،

تھے صفت کورونیاں تہ مھوران ژانے

ژان دیوہدی تہ مہرم، میر ژوری تہ شادارتہ ہڈ شو شادارباک کھل حوران ژانے ژان۔
 اے دلبار دلارم اے مہ نور دیدہ تان رحمونظیرین ای لوڑے مہ ویشکی دل روشن کوری،
 آپک مہت کور یکی ای تو

زار چھار اوے مومارے گادیر یو پریشان کوری۔

نوشیم ہیار انوشیم جازیرامہ اوج خوشوژاغا ای آسمان،

آپک چھیر کوری شیر کوڑ بستان، ڈق اثیتام کم بخت،

باختوار لونیاں تان دستان۔

نو پو شیر و کور مو، نو شیر و اشار یو کا اجراء کور یو کوس طاقتہ شیر

اللہ جام کور یو حسو شیلی نامیک مہ فطرتہ شیر انگیور د شمنان، انگیور سور بیڑیران عاشقی

ناروارے کوس کتابہ شیر۔

”سین“ صفت کورویان ”کاف“ بیان کورویان اے یقینورویان ہوش کورور، ہوسکوزور

شون سرائے گل خوش آپک جنان چینی تھان کھوزور۔

اشور جانوہمی کڑومان جولائی ۱۹۶۸ء موٹو پریٹہ بیر و جشن چھیترا و موقتا

عبدالستار خان المعروف میترا مرحوم رے آیتائے۔

آسمان کغاز بتی، زمین دویت بتی، سین سیاہی بتی، کان درست قلم بتی فرشتہ یو خومی، نیوشی
لاکھیکو صفت راست نو پیر تہ مہوران۔

دو پری تہ سرکار، میر ژوری تہ گونجوال، تہ پروشٹو مہر مان صف ہوران، بخت پو لیر وادہ، بخت
انگار چوکی شیر، بختو ار اوانی

تان دستان، ژانے ہوش نو کوسان، غمی ہوش نو کوسان، اوہ تہ پیر وان مرستان۔

اے گدیری خیق ڈاق اے گدیری مہ ژان، ایگدیری نادان، نہ آسمان کغاز بوئے، نہ زمین
دویت بوئے، نہ سین سیاہی بوئے، نہ کان درست قلم بوئی، فرشتہ یو خومی نیوشی کھیولا کھوئے مہ
مہوران۔

تہ چنگلی اشتیکھیک نہ چو چھو دلا سہ مہ کیہ دیش

ہیہ زیلہ کی ہو دوشوت چھوئی کھلانہ نو کوروم تن تھا نو پرورش۔

تو عاشق کی بیر او تو ملنگ کہ بیر او عاشقنا ژانہ ملنگان ژانہ ہندوستانو پونگا بنارس۔

ای دنیو دوقت ای رویان ملامت ای پوستان قہرنی، ای بوسونو ہوا ای گر شپو گرمی ای یومونو سردی
اوتی مہ اجدامہ ای تی

ژانوا بختہ آری، عشق خیالوناشی دانایانن چکیئے، عزیزانن جا کیئے ہتے جم جم رویان، ہتے مہ خوش

رویان موش خطا آری، عورتانن پوشاؤ متے دیش دیکار پرائے ڈولجیہ یوسفوای نہہ آری۔

اسلام علیکم اے مہنان اسپسارو علیکم سلام اے مہتت برارئے برار، اے مہنن اسپسار
 مہ ای یار شرانہ مہ ای برار شرانہ

قلمدار شرانہ اُوہ دُو رُو ہاتم قلمدار و عذرمہ سُم شیرئیے مہ کائے عذرو کو سانو کوس ذوق رہی اَسْم،
 اے مہتت برارئے برار

عذرو کوم نُو کو کوم سے تہ یار کہ بیرائے، سے تہ برار کی بیرائے، قلمدار کی بیرائے، قلمدار و سامون
 پُر دُو میری پور دُوئی چلتار

کاڑ تو چینی، ڈامبوز موٹو دیتی کھشتیو گوڑ و درے مہ شرانہ کیتی گل خن ساؤ ز کوری سے نشار، تہ متے
 پوشٹ کو کو بیان درویشنیو راہا مہ پوشار۔

موخ جنٹو گلدار، غیج غیر و مسار، دون لُو لُوئی شہبار، خُر آن شو نہ از بار، مہٹ سو روم
 قلم، ذوق تہ برار و غلام ای چھوتی۔

اے گدیری رویان کیہ بشار مہ حالوت عشق اندرینی اوتائے مہ کھولیکو آری مہ ژوتی۔

اُوہ اُوہ نو کوروم اُوہ اُوہ نو کوروم ملنگ اُوہ کی اریت، اُوہ اُوہ کی اریت، مہ اُوہ آسمانہ بی
 مہ اُوہ آسمانہ بی، آسمانو پھت

کوروئے دانستہ، مہ بشار و پچین مہ بیان گانی مہ شو تو دیکو اکیہا رُو خامدیان فرشتہ، متے ہیش کیہ موکو
 عیشے تھو دُو رامہ رشتہ،

دردانہ کو مورویئے کیہ وت پچھو ریر مہ اوچے تہ موژی نیوشتہ۔

ہمی اشور جانن کورا غومیشیر جم راؤ آسور

سوم غمچھان پھارگنی مہ غمچھان پھارگنی مہ غونولوڑے کی
 یسی آنگئے تان ہوستان یسی انکیئے چھیر ہوستان مہ ہردیوقونولوڑے کی
 اسمان سور توخدا نگ زمین موڑ تو دیروم

تہ گدیر یوچارہ تہ فقیر وچارہ کورہ شیر دُستے دُست
 مہ بہرتی ہزار سال مہ گمبد ویکہ کہ ہونی درون جنگل

دُست مہ کھوڑان خاؤن امید شیر کیہ مہ ژان

مہ رفیق چھیا ک رے پھٹی پھٹی کوسی تھ کیریزی کیریزی چھونی
 دُست کیسیر ژانے ژان دُست کیسیرے مہ ژان، کیتی مہ ژینوانہ

عیشے سرے مہ ژان عیشے سرے مہ چھیک مہ سخیو پوٹی

گداز یو پوٹی کیڑے سیر ژانے ژان، جعفریت بازورین گنہگار

قالیبو ماڑے سیرے مہ ژان، ہتے وت دُتو ژان عیسیرے

مہ ژان، مہ روح روان بتی عشر وکانہ عیشی

عشر و بونیک غیر ی پوڑے سیرے مہ ژان

پونین پھار عیستام یا گلاب گمبوری مہ دُستو شرانہ اسپر تخی شینی کیہ

نہ چھیدیک موعار ہوت نہ شوکھیکو بیتام دُوند وئے مہ چھیک دُوند وئے

مہ ژان، لہ آوہ بیوفو نوٹم دُنیہ لامہ ژان

مہ تت متے ریران مہ نن متے ریران شیرین ژور بلبل ژور

تہ موش جم ژورے ژور تہ موش جم تہ موش جم
 شیرن نن بلبل نن مہ موش کچھہ جم، آوہ جم نانے نان
 اوہ جم اوہ جم، انوسوپا زوڈوم چھو یوژینوا غوڈوم مہ پر جم
 نانے نان مہ پر جم نانے نن آہ مہ ژان! کوژ مہ موش بیکوسار مہ بریک جم
 تان وار کھیٹ پوت دُونی، تان لیشپیان روچی گیتی شومہ پھریتام
 کوژ نشی آسور یے کوژ نشی آسور یے، شیرین نن بلبل نن یہ کوژ بیرائے نن یہ
 کوژ بس بویانے؟

شیرین ژور بلبل ژور کوژ رے مور اوے کی، یہ دودیر یو پونفوس یہ شکست
 بویانے یہ شکست بویانے۔

شیرن نن بلبل نن کوژ رے کچہ نوریم ٹم رے کچہ نوریم
 آہ مہ ژان مہ چستی کوژ وسم موش ا بس لہ بویانے

روے مہ توتے رینیان روے توتے رینیان تان ژاو وچھاوے
 تان گدیر یو چھاوے تے مال نو بوے ژان تے مال نو بوے
 اے گدیری رویان ٹم بتی بہتانہ لوق بتی جازیرہ مہ ژاو
 حال نو بوے، اے دیہو جلاتن کورور کی جلاتی
 آہ مہ ژان گدیر یو ماروور کی ہوال نو بوے